

ქართულ და
რუსულოკუპკუსიულ
მთიულთა ვებოგროგის
ისტორიულან



გამომცემლობა „საბოთა სპარდვილთ“
თბილისი 1977

902.7(C.u1)

902.7(47.922X47.9)

რ522

ნაშრომში მკითხველი გაეცნობა ქართველი და ჩრდილოკავკასიელი ხალხების მრავალსაუკუნოვანი მეგობრობის ამსახველ კერძოკეთების ხალხურ ჩვეულებებსა და მასთან დაკავშირებულ ადათ-წესებს, მთიელთა დამაკავშირებელ საულელტეხილო გზებსა და ბილიებს, აგრეთვე ეკონომიური და კულტურული ურთიერთობის, ბატონყმობისა და თვითმპყრობელობის წინააღმდეგ მათი ერთობლივი ბრძოლისა და რევოლუციური თანამეგობრობის საკითხებს.

6367

შესავალი

რაჭა თავისი ისტორიული წარსულითა და ყოფაცხოვრებით ფრიალ საინტერესო კუთხეა. ისევე როგორც კავკასიონის მთაგრესილზე შეფენილი სხვა მთიანი მხარეები, რაჭაც, გარკვეულ ფარგლებში, საკუთარი მეურნეობრივი ცხოვრებით ხასიათდებოდა. მაღალი და მოხერხებული მდებარეობა მას საიმედოდ იცავდა იმ მიქინვარე ისტორიული ქარტესილებსაგან, რომლებიც საქართველოს ბარის რაიონებს რისხვად ატყდებოდა და ზოგჯერ სრულ მოსპობამდე მოჰყავდა. რაჭის, განსაკუთრებით მთის რაჭის უარგლებში მტერი ვერ იჭრებოდა, რადგან ვასუშტის თქმით, ეს ადგილნი იყო „შეუალი გარე მტერთაგან“. რაჭა უმეტესად შინაფეოდალური ბრძოლების თიქტი სდებოდა. ასეთმა ისტორიულმა პირობებმა, ბუნებრივია, გაკლენა მოახდინა ადგილობრივი მეურნეობის ბედზე; დღემდე შემონახა სრულიად შავისებური ყოფა-ცხოვრება და ტრადიციები, უძველესი ადამ-ჩვეულებანი: მითვლით ნადირობა, კერძობა, მატერიალური კულტურის ძეგლები, ენის, ფოლკლორისა და ყოფის თავისებურებანი. ამ მხრივ განსაკუთრებულ ინტერესს იწვევს ჩრდილოკავკასიელ მთიელებთან შესების ზოლში მდებარე მთის რაჭა, რომელიც თავისი ეთნოგრაფიული მრავალფეროვნებითა და სიძველეთა სიუხვით მრავალ მკვლევარს იზიდავს. რაჭის ისტორიით წარსულშიც ყოფილან დაინტერესებული. არაერთ მოგზაურს აუწერია იქაური ბუნება, ისტორია და ხალხის ზნე-ჩვეულებანი. მაგრამ უცხოელ მისიონერებსა და მოგზაურებს, რასაკვირველია, არ შეეძლოთ მოეცათ ძველი რაჭის ნამდვილი სურათი და მისი თბიქტური ისტორიულ-ეთნოგრაფიული აღწერილობა. მათმა უმრავლესობამ არ იცოდა ქართული ენა, ადამ-ჩვეუბი, სქვისი დახმარებით შეგროვებულ-შემოწმებელ მასალებს თარგმნიდნენ დამახინჯებულად და ამ საშუალებით ცდილობდნენ მთიელთა ყოფა-ცხოვრებისა და ისტორიული წარსულის გაშუქებას; არ იცნობდნენ იმდროინდელი საქართველოსა და მისი ცალკეული სამთავროებისა თუ საერისთავოების პოლიტიკურ-ეკონომიურ პირობებს, ამის გამო ისინი იძლეოდნენ არაზუსტ დახასიათებას. ამასთან, უცხოელ და მეფის რუსეთის წარმოგზავნილ მკვლევარ-მოგზაურებს სხვა მიზნებიც ამოძრავებდათ. ზოგ მათგანს აინტერესებდა კომერცია, სავაჭრო გზებისა და ბაზების დაზვერვა. ისინი ვაჭრული თვალთახედვით გადმოგვემდნენ ხალხთა ყოფა-ცხოვრებას, ამიტომ ძნელია მათ აღწერილობაზე დაყრდნობით ქართველ და ჩრდილოკავკასიელ

მთიელთა ისტორიული წარსულის სწორი სოციალურ-პოლიტიკური სურათის დადგენა. რევოლუციამდელი ოფიციალური ისტორიოგრაფია ქართველი და ჩრდილოკავკასიელი ხალხების რსტორიას სწავლობდა ცარიზმის პოლიტიკის შესაბამისად. ყოველწინაირად ცდილობდა მთიელებზე წარმოედგინა ჩამორჩენილ „ველურ ხალხად“ და აწეიადებდა ცარიზმის ე. წ. „საგანმანათლებლო“ მისიას ამ „ბნელ მხარეში“. ქვეყნის განვითარების, მოსახლეობის სოციალურ-ეკონომიურ ცხოვრებაში მომხდარი ცვლილებების, ქართველ და ჩრდილოკავკასიელ მთიელთა ხანგრძლივი ურთიერთობის შესწავლაზე კი არავინ ფიქრობდა. თუმცა სამართლიანობა მთიის უკ, აღენიშნო, რომ რევოლუციამდელ მკვლევართა ნაშრომები, მიუხედავად ბევრი ნაკლოვანებისა, საინტერესოა იმით, რომ ისინი მცდარ კონცეფციებთან ერთად შეიცავენ ზოგიერთი საყურადღებო ფაქტის აღწერას, სტატისტიკურ ცნობებსა და ქართველ და ჩრდილოკავკასიელ მთიელთა ურთიერთობის ამსახველ მნიშვნელოვან ეთნოგრაფიულ მასალებსაც.

საქართველოს ისტორიის, ქართველი და ჩრდილოკავკასიელი ხალხების ურთიერთობის შემსწავლელი ვერც ერთი მკვლევარი გვერდს ვერ აუვლის ისეთ საინტერესო თხზულებათა კრებულს, როგორცაა „ქართლის ცხოვრება“.

„ქართლის ცხოვრების“ ფურცლებზე ასახულია ქართველ და ჩრდილოკავკასიელ მთიელთა ურთიერთობის უმთავრესი მომენტები დასაბამიდან XVIII საუკუნემდე. აქვეა მოცემული ყურადსაღები ცნობები უშუალოდ კერძობის შესახებ; მრავალ ადგილას პირდაპირი მნიშვნელობითაა ნახმარი სიტყვა კერძი.

ქართველ და ჩრდილოკავკასიელ მთიელთა ურთიერთობაზე მოგვითხრობენ თავის ისტორიულ შრომებში ჩვენი წელთაღრიცხვის XI საუკუნის ქართველი ისტორიკოსები, აგრეთვე XII-XIV საუკუნეების ქართულ ისტორიულ მატრიანებში ცნობილი ანონიმი ავტორები.

ღრთთა ვითარებაში თაობათა ცვლისა და ტერიტორიული განცალკევებულობის შედეგად მათი სიასლოვე თანდათან ნელდებოდა, ქრებოდა და მთლად დავიწყებას რომ არ მისცემოდა წარსული მოკეთება, ახლობლები ერთმანეთში სშირი მიმოსვლითა და ხელოვნური ნათესაობით ცდილობდნენ კავშირის განმტკიცებას, რაც შემდეგ თაობიდან თაობას გადაეცემოდა. ამას საკუთარი ეკონომიური მდგომარეობაც უკარნახებდათ. ნათესაური გრძნობა რომ ედო საფუძვლად, ალბათ, ამიტომ არსად ისე არ ფასობდა ძმობა და ვაჟკაცური მეგობრობა, როგორც ქართველ და ჩრდილოკავკასიელ მთიელებში კერძობისა და ყონალობის ჩვეულებების სახით გამოხატული. კერძოკეთება თავდაპირველად ერთმორწმუნე, მონათესავე ქართველ საგვარეულოებს შორის მყარდებოდა. ასევე იყო ჩრდილოკავკასიელ მთიელებშიც. სადაც ყონალობა, უპირველეს ყოვლისა, ერთმორწმუნე და თვისტომ საგვარეულოებს შორის ვრცელდებოდა. შემდეგ ცხოვრებისა და სოციალურ-ეკონომიური პირობების ცვალებადობასთან ერთად ხალხურა ჩვეულებების ხასიათიც და მნიშვნელობაც თანდათან შეიცვალა. კერძოკეთებ-

ბა სსსრ-ის რწმენისა და ეროვნულ ჩრდილოკავკასიელ ხალხებშიც გავრცელდა, როგორც ურთიერთდახმარებისა და სავაჭრო-სააღმავალი ურთიერთობის საუკეთესო საშუალება, რომელიც ქართველ და ჩრდილოკავკასიელ მთიანელებს შორის საუკუნეების განსაჯვარებაში არ შეწყვეტილა და დღემდე არსებობს.

მაშრომში მიზნად დავისახე გამომეკვლინებინა და შემესწავლა ქართველი და ჩრდილოკავკასიელი ხალხების ჩათესაობისა და მრავალსაუკუნოვანი მეგობრობის უძველესი ჩვეულებები, პრაქტიკული ეკონომიურ-კულტურული ურთიერთობანი, ბატონყმობისა და თვითმპყრობელობის წინააღმდეგ წათე ერთობლივი ბრძოლა, კერძოკეთეობისა და რევოლუციური თანამეგობრობის საკითხები. ამავე დროს ჩემი ამოცანა იყო განსაკუთრებული ჯურადლება გამემახვილებინა იმ დაღებით წეს-ჩვეულებებზე, რომლებიც საუკუნეების მანძილზე გამომუშავდა და დიდი როლი შეასრულა ქართველ და ჩრდილოკავკასიელ ხალხთა ისტორიულ მეგობრობაში. ეს თავისებურება გამოისატება არა მარტო ურთიერთობათა ხანგრძლივობაში, არამედ მათ სიმჭიდროვეში, ამ ხალხთა სასოცოცხლო ინტერესების მჭიდრო კავშირში, მათი ისტორიული ბედის ერთობაში. ამიტომ მხედველობაში უნდა ვიქონიოთ უძველესი დროიდან მომდინარე მეგობრობის ხალხური ადათ-წესები, რადგან ყოველი დარგის დაუფლება მათი ისტორიის შესწავლას მოითხოვს. ამასვე მოითხოვს მეგობრობისა და კეთილშობილური ურთიერთობის ამსახველი ხალხური ჩვეულების ისეთი უძველესი ფორმა, როგორცაა რაჭული კერძობა, რასაც ძირითადად ეს შრომა ეხება.

რაჭის გეოგრაფიული მდებარეობა, საზღვრები, მოსახლეობა

რაჭა მდებარეობს დასავლეთ საქართველოში, კავკასიონის ქედის სამხრეთ ფერღობებზე. მას უჭირავს მდინარე რიონის სათავეები და ზემო წელი. თანამედროვე ადმინისტრაციული დაყოფის მიხედვით რაჭა მოიცავს ონისა და ამბროლაურის რაიონებს, რომელთა საერთო ფართობი 2468,3 კვადრატული კილომეტრია.

ბუნებრივი ზღუდეებით შემოფარგლული მალაღმთიანი ადგილია რიონის ზემო წელი, დღეს მთის რაჭას რომ ეძახიან. მისი საშუალო სიმაღლე ზღვის დონიდან 2.300 მეტრს აღემატება. ყველაზე მაღლა მდებარე სოფლებია: ღები (1550 მ), ჭიორა (1500 მ), გლოლა (1400 მ). კავკასიონის მთავარ ქედსა და შოდა-კედელს შორის მოქცეულ, რიონისა და ჭანჭახის ვიწრო ხეობებში ჩანთქმულ ამ ტერიტორიას დაახლოებით 650 კვადრატული კილომეტრი ფართობი უჭირავს.

რაჭის მთავარი სიმაღიდრე და მშვენება, მყინვარების სიუხვესთან ერთად, მისი მცენარეული საფარი და დიდძალი ტყის მასივებია. ტყეს უკავია რაჭის ტერიტორიის ნახევარი, ამიტომ აქაური ჰავა სურნელოვანია. მყინვარებისა და ტყეების სიმრავლე თავისებურ გავლენას ახდენს ჰავაზე. ამის გამო რაჭაში მთელი წლის განმავლობაში გრილა. საშუალო-წლიური ტემპერატურა 5° -ია, ზამთარი 6-7 თვეს გრძელდება, იცის დიდი თოვლი, ყინვებსა და ქარბუქს ზამთრის თბილი დღეები სჭარბობს, ჩრდილოეთის ცივ ქარებს გზას უღობავს კავ-

კასიონის მაღალი ქედი, ქარბუქი აქ იშვიათია. ნოემბერ-დეკემბერში ჰაერის ტემპერატურა 20°-მდე ეცემა. იანვრის ტემპერატურა 12—18° უდრის, გაზაფხული გვიან დგება, შემოდგომა—ადრე, ზაფხული გრილი და მოკლეა, ივლისის ტემპერატურა +10+14°-ია. ნალექების რაოდენობა წელიწადში 838—960-დან 1000 მმ-მდე აღწევს. იგი უმთავრესად თოვლის სახით მოდის. ჰავა იცვლება განსხვავებული მდებარეობის მიხედვით. ქვემო რაჭის ჰავა რბილია, ზაფხული—ცხელი; ზემო რაჭისა — გრილი; მთის რაჭა მკაცრი ჰავით ხასიათდება. ვახუშტის დახასიათებით რაჭა „ჰავით არს კეთილმშუენი, ზაფხულ გრილი, ზამთარ თბილი და უქარო, მოსაველიანი, თვნიერ ბრინჯ-ბაშბისა ნაყოფიერებს ყოველნი მარცვალნი, ვენახნი, ხილნი, მტილოვანნი ყოველნი“.¹

რაჭის მთები და მყინვარები უამრავ დიდსა და პატარა მდინარესა და ნაკადულს ასაზრდოებენ: მთავარი უძველესი დროიდან ცნობილი მდინარე რიონი ძველ მატიანეებში ფაზისის სახელით მოხსენიებული, სათავეს ფასის მთიდან იღებს, ამბობენ, სახელწოდება ფაზისი მდინარემ მთის სახელიდან მიიღო.

რაჭის ჩრდილო საზღვარი გადის კავკასიონის მთავარ ქედზე. რომლის გაღმაც მდებარეობს: მალყარი, დიგორი, დვალეთი, „მინდვრის ოსეთი“.

ჩრდილო-დასავლეთით რაჭას სვანეთისაგან გამოყოფს ე. წ. რაჭა-სვანეთის ქედი, რომლის უმაღლესი მწვერვალები: კითხარუ, ლაფიწყარი, ვაციწვერი, ლუხუმი ზღვის დონიდან 3.500 მეტრზე აზიდულან.

1809 წლის გეოგრაფიულ-სტატისტიკური აღწერილობით, სამხრეთ-აღმოსავლეთით რაჭის საზღვრად იმერეთია მიჩნეული. სამხრეთ-დასავლეთით — ლეჩხუმი, ვახუშტის სიტყვით. „რამეთუ მზღვრის რაჭას: აღმოსავლით კუდაროსა, წონისა და ფაწის მდინარის შორისი მთა, და კავკასი კედელა, და მუნიდამ ჩრდილოთ წარსრული კავკასივე, ვიდრე დიგორის კავკასამდე, რაჭა გლოლასა და ქედლეს შორისი; სამჯრით

¹ ვახუშტი. ქართლის ცხოვრება, ტ. IV, თბ., 1973, გვ. 770.

წონილამ წამოსული მთა დასაველეთად აღმოსავლეთილამ, ვიდრე არპანისა და ღღნორამდე, გაჭრილი რიონისაგან მუნ. და მთასა ამას საერთოდ უწოდებენ რაჭის მთას...“¹. ივ. ჯავახიშვილი, რომელიც რაჭისა და თაკუერის საზღვრების შესახებ წერს, არავითარი ცნობები არ მოგვეპოვებო, იქვე დასძენს „რაჭა... ეხლაც არსებობს და დაახლოებით იგივე საზღვრები ექნებოდა, რაც მერმეც ჰქონდა“². შეიძლება ითქვას, რომ მკვეთრად გამოხატულ რაჭის გეოგრაფიულ საზღვარს დღემდე ცვლილება არ განუცლია.

რაჭის თავისებურმა ბუნებამ და სოციალურმა გარემომ თავისი დალი დააწვა ამ მხარის ყოფასა და ხასიათს, დიდად იმოქმედა მის ისტორიულ განვითარებასა და მოსახლეობის ზრდაზე. მოსახლეობის ზრდას საგრძნობლად აფერხებდა მკაცრი ბუნება, საწარმოო ძალთა და წარმოებითი ურთიერთობის მაშინდელი დონე და მასთან სისხლის აღების საშინელი ჩვეულებანი, საგვარეულოებს შორის გამუდმებული მტრობა და შუღლი. რასაც ერთვოდა ცხოვრების სიღუბსჭირე და სამედიცინო მომსახურების უკიდურესი ჩამორჩენილობა, ეპიდემიური დაავადებანი. მიუხედავად ცხოვრების ასეთი აუტანელი პირობებისა, რაჭველები საოცარი სიღინჯითა და მოთმინებით იტანდნენ ყოველგვარ განსაცდელს, რა თქმა უნდა, კერძების დახმარებისა და თანაგრძნობის დიდი იმედით.

შინაური თუ გარეშე მტრების ძალმომრეობა, მკაცრი ბუნება, მიწის სიმცირე და სხვა მრავალი უბედურება მთიელ გლეხკაცს ოდითგანვე ძილსა და მოსვენებას უკარგავდა, აიძულებდა დროებით ან მუდმივ საცხოვრებლად შორს გადახვეწილიყო. XIX საუკუნის 60-იან წლებში რაჭის მოსახლეობის ნაწილი მშობლიური ადგილებიდან აიყარა და სხვაგან გადაიხვეწა. ზემორაჭველი გლეხების საცხოვრებლად ალაგირში გადასახლებამ მეტისმეტად შეაშფოთა ილია ჭავჭავაძე, რის გამოც საგანგებო წერილიც კი დაწერა „იმიგრაცია საქართვე-

¹ ვახუშტი. ქართლის ცხოვრება, ტ. IV, თბ., 1973, გვ. 769.

² ივ. ჯავახიშვილი. ქართველი ერის ისტორია, ტ. 2, თბ., 1965, გვ. 51.

ლოდან“. სტატისტიკური მონაცემების გულმოდგინედ შესწავლის საფუძველზე ერის მოამაგემ დაასკვნა, რომ ამ მომავდინებელი ბიძგის სათავე სახსნავ-სათესი მიწების ნაკლებობაში უნდა ვეძიოთო. ცხოვრებისეული ლოგიკის ძალით იგი ირწმუნება, რომ არავითარ სხვა ფაქტორს არ ძალუძს კაცს გული აუყაროს მამაპაპეულ სამკვიდრებელზე, გარდა ხორცეული დამქლევებისა და კარებთან ატუზული სიკვდილის შავი აჩრდილისაო. ავტორს მოჰყავს დამაჯერებელი სტატისტიკური მონაცემები იმის შესახებ, თუ 1879 წლიდან რამდენი კომლი გადასახლდა რაჭიდან ჩრდილო კავკასიაში და, რა ეკონომიური ფაქტორები ახდენდნენ გავლენას ამ გადასახლებაზე. ზემო და მთის რაჭველები უპეტესად მთას იქით არჩევდნენ გადასახლებას, რადგან ნოყიერ მიწებს გარდა, იქ კერძები ეგულებოდათ და მათკენ ხალისით მიუწვევდათ გული. ამრიგად, ეკონომიურ ფაქტორთან ერთად ჩრდილო კავკასიისაკენ მათი ლტოლვის ერთ-ერთ მიზეზად კერძმოკეთეობის მაპაპაპური ტრადიციაც უნდა ჩაითვალოს. XIX საუკუნის 80-იანი წლებიდან კიდევ უფრო გახშირდა „მინდორში“ რაჭველების გადასახლება, 1883 წელს გაზეთი „დროება“ წერდა: „რაჭველებმა გასული წლიდან იწყეს გადასახლება და სამუდამოდ დაბინავება სოფელ ალაგირში, სადაც ერთობ ძვირად იძენენ შენობათა და სამოსახლო ადგილებს, ს უ ლ ამჟამად ალაგირში გადასახლებულია 70 კომლი იმერელი (რაჭველი—ს. რ) და ამის გარდა 50 ოჯახი მხოლოდ ზაფხულამდე დარჩება, მაგრამ მათაც სურთ შეიძინონ ადგილები და დარჩენ იქ“.

აღნიშნულ პერიოდში უწყვეტ ნაკადად მიემართებოდა რაჭველთა ქარავანი მამისონის გზით ჩრდილო კავკასიისაკენ. ასე გაჩენილა რაჭველთა ახალმოსახლეობა ჩრდილო ოსეთს, ყაბარდოსა და სტავეროპოლის მხარის სოფლებსა და ქალაქებში: ალაგირში, ზმეიკაში, დარკოხში, ვლადიკავკავში, ნალჩიკში, პიატიგორსკში, კისლოვოდსკში.

რაჭიდან მოსახლეობის დენადობა უარყოფით გავლენას ახდენდა სოფლების განვითარების მომავალ ბედსა და სულადობის ზრდაზე.

პერიოდულად მეკომურთა რიცხვი მოსახლეობის სულა-

დობასთან შეფარდებით, განუხრელად იზრდებოდა; განსაკუთრებით რევოლუციის შემდგომ 1923-1926 წლებში. ეს ფაქტი ნიუთითებს იმაზე, რომ დროთა ვითარებაში ხდებოდა ოჯახების დაწვრილვითეულება, რაც ცხოვრების ახალი პირობებით, იყო გამოწვეული.

რაჭის სოფლებს განსაკუთრებული გამოცოცხლება და მოსახლეობის სიმრავლე ოქტომბრის რევოლუციის შემდეგ დაეტყო, 1931-1932 წლებში სოფლად საკოლქეურნეო წყობილების გამარჯვებამ მასაურად მიიზიდა სამუშაოზე გასული რაჭველი მუშა-ხელოსნები, წვრილვაჭრები და საკოლქეურნეო ცხოვრების ფერხულში ჩააბა ისინი. საბჭოთა ხელისუფლებამ ყველა პირობა შექნა მოსახლეობის მატერიალური კეთილდღეობის განუხრელი აღმავლობისა და საყოფაცხოვრებო პირობების გაუჭობესებისათვის.

რაჭის მოსახლეობაში დამყარდა სრულყოფილი სამედიცინო მომსახურება, სოფელში გაიგზავნენ ექიმები და ფერშლები, რამაც დიდი როლი შეასრულა ჯანმრთელობის დაცვისა და მოსახლეობის ზრდის საქმეში. შემციირდა ბავშვთა და მოზარდთა სიკვდილიანობა, მინიმუმამდე იქნა დაყვანილი მძიმე ეპიდემიური დაავადებანი. ამას გარდა, ღრმა სოციალ-ეკონომიურ და პოლიტიკურ გარდაქმნებთან ერთად, სოფლად მნიშვნელოვანი აღმინისტრაციული ცვლილებებიც მოხდა, საქართველოს ძველი სამაზრო და სასოფლო საზოგადოებების ძველი სისტემა წარსულს ჩაბარდა და მათ ადგილზე სადაბო და სასოფლო საბჭოები შეიქმნა. ამრიგად, თუ რევოლუციამდე რაჭის მოსახლეობა უმნიშვნელოდ იზრდებოდა, საბჭოთა პერიოდში მოსახლეობის ზრდა თვალსაჩინო გახდა, რაც უფრო ნათლად წარმოგვიდგება, თუ იმასაც გავითვალისწინებთ, რომ 1942-1945 წლებში რაჭიდან მოსახლეობის მასობრივი ჩასახლება მოხდა საქართველოს ბარის სხვადასხვა რაიონებში. 1942 წელს მოსახლეობა ჩაასახლეს მთის რაჭის სოფელ ჭიორიდან ბოლნისში, 1944-45 წლებში ლეზიდან, ჭიორიდან, გლოლიდან, უწერიდან, ნაკიეთიდან—ადიგენისა და ქლუხორის რაიონებში.

გარემომცველ პირობებთან ერთად რაჭაში ადგილი აქვს

შიდაპიგრატიასაც; გაცილებით მცირე მასშტაბით, მაგრამ მაინც წასული მოსახლეობა უკან ბრუნდება. რაჭველი კაცი ძნელად ეგუება სხვა პირობებს და, ამიტომ, ღშირია შემთხვევები, როდესაც სოფლიდან წასულნი კვლავ თავის მშობლიურ კერას უბრუნდებიან.


დღეს რაჭველ გლეხს აღარ სჭირდება სხვაგან წასვლა „საშოვარზე“, წლობით აღარ იკარგება ოჯახიდან. აქვე, მშობლიურ კუთხეში, გამოჰქედა მან თავისი ბედნიერი ცხოვრება.

ცხადია. მკაცრი ბუნება უარყოფით გავლენას ახდენდა მოსახლეობის მატერიალური ცხოვრების პირობებზე, მაგრამ საზოგადოების განვითარების განსაზღვრელი გეოგრაფიული გარემო კი არა. საწარმოო ძალებისა და წარმოებითი ურთიერთობის მაშინდელი დონე იყო. პირქუში ბუნების წინაშე უძლური ქართველი მთიელი არსებობისათვის ბრძოლის საჭიროებამ აიძულა ხელი მოეკიდა ხელოსნობა-ვაჭრობისათვის და ამ მიზნით გადაეღახა ძნელად სავალი უღელტეხილები და ურთიერთობა დაემყარებინა მეზობელ ჩრდილოკავკასიულ ხალხებთან.

საუღელტეხილო გზები და ბილიკები

მთის რაჭველებს, უძველესი დროიდან, მკიდრო ურთიერთობა ჰქონდათ მეზობელ ჩრდილოკავკასიულ მთიელებთან. ეს ურთიერთობა, ერთი მხრივ, მყარდებოდა იმ საუღელტეხილო გზებით, რომელთაც ჩრდილო კავკასიაში მიეყავართ, ხოლო სამხრეთით, რამდენიმე საუღელტეხილო და ერთი მთავარი რაჭა-იმერეთის გზატკეცილით რაჭველები უკავშირდებოდნენ საქართველოს ბარს, ქვემო რაჭა-ლეჩხუმიმერეთსა და მთელ საქართველოს. ამ გზით ხორციელდებოდა რაჭის სამეურნეო ურთიერთობა საქართველოს სხვა მხარეებთან. ქართველი მთიელების სავაჭრო ურთიერთობა, ერთი მხრივ, საქართველოს ბართან, ხოლო, მეორე მხრივ, ჩრდილო კავკასიის მთასთან, თავისი ხასიათით იყო მთისა და ბარის ეკონომიური ურთიერთობა, რასაც განაპირობებდა განსხვავებული, ბუნებრივი და სამეურნეო პირობები, მთისა და ბარის ეკონომიური ურთიერთობის აუცილებ-

გვეგონი პოთის რაჭილენ
საქართველოს ტერიტორია



ლობა. ივ. ჯავახიშვილი ამ აუცილებლობას ასე ახასიათებს:
„ბარელს მთა სჭირდებოდა და მთიელს კიდეც ბარი, უერთ-
მანეთოდ მათ არსებობა არ შეუძლიათ“¹.

რაქველები ჩრდილო კავკასიაში ზამთარ-ზაფხულ ან ფე-
ხით გადადიოდნენ უღელტეხილებზე, ან ტვირთი გადაჰქონ-
დათ ცხენების, ჯორების, სახედრებისა და დაჭირავებული მე-
ბარგულების საშუალებით. ასეთი მიმოსვლა უმთავრესად,
დაკავშირებული იყო სავაჭრო-სააღებმიცემო და სახელოს-
ნო საქმიანობასთან. ღიახლოვის გამო მთის რაქველისათვის
დიგორში, მალყარსა და დვალეთში მგზავრობა უფრო ადვი-

¹ ივ. ჯავახიშვილი. საქართველოს ეკონომიური ისტორია, ტფ.,
1930, გვ. 316-317.

ლი იყო, ვიდრე ქუთაისში. მთას იქით მას ერთი ან ორი დღის სავალი გზა რჩებოდა, იმ დროს, როდესაც ქუთაისში ჩასვლა-ამოსვლას ცხენ-ურმით შეიდ-რვა დღეს უნდებოდა. მართალია, კავკასიონის მთავარ ქედსე გადასასვლელ უღელტეხილებს მათი სიზაღლისა თუ მუდმივი მყინვარების გავლენით გარკვეული სიძნელეები ახასიათებდათ, რაკველებს მათი გადალახვა მაინც უხდებოდათ კერძოკეთეობის ტრადიციის მიხედვით ჩრდილო კავკასიის მოსახლეობასთან აუცილებელი კავშირის დასამყარებლად. ხალხების დაახლოების დიდ მნიშვნელობაზე ივ. ჯავახიშვილი წერს: „მიმოსვლისა და აღებ-მიცემობის გზები იყო ის თვალსაჩინო ძალა, რომელიც ერთი მხრივ საქართველოს მრავალ კუთხეს ერთმანეთს უახლოვებდა და აერთებდა, მეორე მხრივ უცხოეთის გავლენა, პოლიტიკური თუ სულიერი, შემოჰქონდა, რომლითაც სამაგიეროდ საქართველოს გავლენაც ვრცელდებოდა მეზობელს და შორეულს ერებსა და სამეფოებზე. ამიტომ ამ გზების მიმართულებისა და მდებარეობის ცოდნაა საჭირო.“¹ ამ შესწავლის საფუძველზე ბათილდება რევოლუციამდელ ისტორიოგრაფიაში გაბატონებული მცდარი აზრი მთიელთა შორის გამუდმებული მტრობისა და მათი „ქარჩაქეტილი“ ცხოვრების შესახებ, მაშინ, როცა კავკასიონის ქედის ორივე მხარეზე ყოველთვის ინტენსიური ისტორიული განვითარების პროცესი მიმდინარეობდა არა იზოლირებულად, არამედ საერთაშორისო პოლიტიკურ-ეკონომიურ პირობებთან კავშირში. ამრიგად, ქარწყლდება ყალბი წარმოდგენა დიდებულ კავკასიონზე—როგორც ქართველი და ჩრდილოკავკასიელი ხალხების გამთიშველ ბუნებრივ ზღუდეზე. კარგად უთქვამს მ. ყიფიანს,—კავკასიელ მთიელთა სასიცოცხლო არტერიები კავკასიონზე გადიოდა². და, მართლაც, კავკასიონი იყო ის ოქროს ხიდი, რომლითაც საქართველო უკავშირდებოდა ჩრდილო კავკასიას, აქედან რუსეთს და მთელ ევროპას და პირიქით, მთას იქიდან მომავალი ყველა გზა საქართველოზე გადიოდა. ამ


¹ ივ. ჯავახიშვილი. ქართველი ერის ისტორია, ტ. 2, თბ., 1965, გვ. 68.

² М. Кипчани. От Казбека до Эльбруса, 1864, стр. 4.

გზებზე დაიბადა კაცთმოყვარეობისა და სიკეთის მთესველი
კერძმოკეთეობის კარგი ტრადიცია.

ქართველთა და ჩრდილოკავკასიელთა ცხოვრებაზე, მათ
მრავალსაუკუნოვან ურთიერთობაზე რომ ნათელი წარმოდგენა
შეექმნას შკითხველს, საჭიროდ მიმაჩნია უფრო დაწვრილე-
ბით გაეაცნო სამომავლო გზები, რომელნიც რაჭას აკავში-
რებდა გარე სამყაროსთან.

ბჯკში შკითხ რაჭილენ
ჩრდილო კავკასიისაკენ



ნთის რაჭიდან კავკასიონზე ხუთ ადგილზე გადადიოდა გზა
ჩრდილო კავკასიისაკენ, მათგან უძველესი დროიდან ცნობი-
ლი მამისონი, იგივე ისტორიული „გზაი დვალეთისაი“, უფ-
რო გვიან „ოსეთის სამხედრო გზად“ წოდებული, კარაგომი

(გურძი-ვეცი), კირტიშო (ლები-ვეცი), ფასა (გეზე-ვეცი) და ვაციწვერი.

მამისონის უღელტეხილი ლები-ჭიორა-გლოლის ჩრდილო-დასავლეთით მდებარეობს. გზა მოკლე და მოხერხებული იყო იქვე მთის ძირას მცხოვრებ გლოლელებიათვის. წარსულში რაჭველები მამისონის საცალფეხო ბილიკებით ქვეითად მგზავრობდნენ, გზის შეკეთების (1854-1894) შემდეგ, როცა უკვე ეს გზა ფართო შარაგზად მოახსენიება, რაჭის გზა კი—რაჭა-იმერეთის გზატკეცილად, მგზავრებს ცხენ-ურმით სიარული დაუწყიათ. მამისონის გზა დიდ როლს ასრულებდა რაჭის ეკონომიურ ცხოვრებაში, თუნდაც ამ თვალსაზრისით, რომ მოსახლეობა მარცვლეულის ნაკლებობას განიცდიდა და იგი ჩრდილო ოსეთიდან ძირითადად ამ გზით შემოჰქონდათ. მამისონის უღელტეხილით უკავშირდებოდნენ დვალეთს, „მინდორს“ (ჩრდილო ოსეთის ბარს), ყაბარდოს, მალყარს, ყარაჩაის და აქედან სხვა მეზობელ მხარეებს. დვალეთი რომ საქართველოსთან მრავალმხრივ ყოფილა დაკავშირებული, კარგად ჩანს ვახუშტის აღწერილობიდან: „და ჟღელესა და გლოლას შორისს კავკასზედ... გარდავლენან გზანი გლოლას. ამის მდინარის სათავიდამ გარდავალს გზა კედელის კავკასსა ზედა კუდაროს, და რაქას, და ქართლს“¹. ამ გზით დღეს მხოლოდ ტურისტები სარგებლობენ.

კარაგომის უღელტეხილი ლები-ჭიორა-გლოლის ჩრდილო-აღმოსავლეთით მდებარეობს. აღნიშნული სოფლებიდან გზა კარაგომისაკენ ტყითა და ალპური მდელოებით შემოსილი მთა-გორებით მიემართება. მგზავრები ამ გზით დიგორში ჩადიოდნენ და ურუხის ხეობას უკავშირდებოდნენ. დიგორს მგზავრობა ჭიორელი კაცისათვის კარაგომის ბილიკით უფრო მოსახერხებელი იყო უღელტეხილთან სოფლის სიახლოვის გამო, ამას გარდა, ჭიორლებს დიგორლებთან უაღრესად ახლო კერძმოკეთება და მჭიდრო სავაჭრო ურთიერთობა აკავშირებდათ. კარაგომის უღელტეხილი ძნელად სავალია. მთას აქეთ მგზავრები ჯერ ციცაბო აღმართებს აივლიდნენ, შემდეგ მთას იქით უზარმაზარი კარაგომის მყინვარი ან, როგორც

¹ ვახუშტი. დასახ. ნაშრ., გვ. 645.

რაქველები ამბობენ, სკორე უნდა გაეელოთ, სადაც ალაგ-ალაგ დახეთქილი და შემზარავად ხახადღებული მყინვარის ნაპრალები გამოუცდელ მგზავრებს დაღუპვას უქადდნენ. მიუხედავად ამისა, კარაგომის მთით მგზავრობა ზანთარ-ზაფხულ არ წყდებოდა. ზაფხულის დიდ დღეს მთის რაქიდან მგზავრს შეეძლო დიგორში გადასვლა და იმავე დღეს შინ დაბრუნება. მთას იქით მდებარე კარაგომის მყინვარის პირზე კლდეში უზარმაზარი ბუნებრივი ქვაბული, ე. წ. კარაგომის ქვაბი, დაღლილ-დაქანცულ მგზავრთა თავშესაფარს წარმოადგენდა. ამ გზით დიგორიდან პირველი შემხვდური აულები იყო ნავაყავი და ჭინალავი. კარაგომის უღელტეხილზე სატრანსპორტო საშუალებას ვერ იყენებდნენ, ბარგს ზურგით ეზიდებოდნენ. ამჟამად მივიწყებული კარაგომის საუღელტეხილო გზა წარსულში დიდ როლს თამაშობდა ქართველ და ჩრდილოკავკასიელ მთიელთა ურთიერთობაში.

კირტიშოს უღელტეხილი გლოლა-ჭიორა-ღების ჩრდილო-დასავლეთით მდებარეობს. კირტიშოს გზა სოფელ ღებიდან მდინარე ჩვეშურის ხეობით მიემართება. სალ კლდეებს შორის გველეშაპივით გაწოლილ კირტიშოს უზარმაზარ მყინვარს რომ გაივლიდნენ მგზავრები, მთას იქით ძალზე დახრილ თოვლიან ფერდობს ჩაუყვებოდნენ და ვიწრო დაკლაკნილი ბილიკით პირველ შემხვდურ აულ კუსუს ესტუმრებოდნენ. ისე, როგორც კარაგომის მყინვარი, კირტიშოც ძნელადსავალია, სატრანსპორტო საშუალებებისათვის მეტად მოუხერხებელი, ტვირთს ზურგით ეზიდებოდნენ, გზა აქაც ერთი დღის სავალი იყო მთის რაქველი კაცისათვის, ზაფხულში ამ გზით დიდი სიფრთხილით გადმოჰყავდათ პირუტყვი. გიულდენშტედტი, რომელსაც 1771 წელს აღნიშნული უღელტეხილით მგზავრობა განუზრახავს, წერს: „ონში მომიწონეს, რომ მე არ ავირჩიე გზა სტურდიგორიდან ღებისაკენ, რადგან ამ გზაზე ცხენები ყოველთვის ვარდებოდნენ და იღუპებოდნენ“¹. ვახუშტის მიხედვით, დიგორიდან გზა ღებში გადადიოდა. ოლონდ ამ გზაზე ზაფხულში ცხენებით დადიოდნენ, ისიც ძნელად, სხვა

¹ გიულდენშტედტის მოგზაურობა საქართველოში, თბ., ტ. 1, 1962, გვ. 107.

დროს ქვეითნიც ვერ ახერხებდნენ გადასვლას. მიუხედავად აღნიშნული სიძნელეებისა, მთას შეჩვეული რაჭველები კირტიშოს უღელტეხილის გადალახვას ზამთრის დღეებშიც არ ერიდებოდნენ. კერძებთან ურთიერთობა მთებზე ხშირ მიმოსვლას წიოთსოვდა, ამ მხრივ დიდი იყო კირტიშოსა და კარაგომის გზების წინიშვნელობა. მ. ყიფიანი აღნიშნულ საუღელტეხილო გზებს ერთადერთ მთავარ საშუალებად მიიჩნევს ქართველ და ჩრდილოკავკასიელ მთიელთა ურთიერთობაში, იგი მათ უწყობს და აუცილებელ სავაჭრო გზებს უწოდებს¹. კირტიშოს გზამ წარსულში დიდი როლი შეასრულა საქართველოს პოლიტიკურ ცხოვრებაში. როდესაც გარეშე თუ შინაური მტრების ურჩობის შედეგად, ჩვენი ქვეყნის საზღვრეთ-დასავლეთი საზღვრები ჩაიკეტებოდა, ქართველი მეფეები თუ სხვა დიდებულნი ამ გზით უკავშირდებოდნენ რუსეთსა და ჩრდილო კავკასიას. 1724 წელს კირტიშოს მთა გადაულახავს და მყინვარზე დაკვირვება უწარმოებია ვახუშტი ბაგრატიონს, რომელიც იმ დროს ემიგრაციაში მიმავალ ვახტანგ VI ამაღას ხლებია. ვახუშტი წასულა ემიგრაციაში სოფელ ცხინვალისაგან რაჭაზე გავლით გურძი-ვეციის უღელტეხილით ჩასულა დიგორში; ვახუშტის დასტურით, „...რაქილამ მივიდა მეფე ვახტანგ დიგორს“² თვით ვახტანგ მეფე თავის მოგზაურობას ასე აღწერს: წარმოვედით რაჭის გზით, დიგორს მოვედით და დიგორიდან ბაყაშვილისასა. 1771 წელს კირტიშოს გზით დიგორიდან დიგორში გადასულა აგრეთვე გენერალ ტოტლებენის რაზმი, რომელიც გამოგზავნილი იყო ეკატერინე II მიერ თურქეთის წინააღმდეგ ომში ერეკლე II და სოლომონ I დასახმარებლად. 1776 წლის 20 აგვისტოს იმერეთის მეფე სოლომონ I მიერ სპარსეთში ელჩად გაგზავნილი პოეტი ბესიკი კირტიშოს გზით გადასულა ჯერ დიგორში, შემდეგ იქიდან სპარსეთს გამგზავრებულა. საგულისხმოა, რომ ბესიკის მეგზურად ვინმე მამუკა დიგორელი დაუნიშნავთ და საგანგებო დავალებაც მიუციათ—უფნებლად გადაეყვანა ბესიკი და მისი თანხლები პირნი კირტიშოს მთაზე, შემდეგ დიგო-

¹ М. Кипиани დასახ. ნაშრ. გვ. 5, 6, 19.

² ვახუშტი. დასახ. ნაშრ., გვ. 5, 6, 19.

რელი კერძების დახმარებით შეექმნა ხელსაყრელი პირობები მათი შორეული მგზავრობისათვის.

აღნიშნული ცნობები ქართველ და ჩრდილოკავკასიელ მთიელთა ურთიერთობაში კერძმოკეთების დიდ როლზე მეტყველებენ.

ფასის უღელტეხილი. ამ მთისაკენ მისასვლელი სოფელ ღებიდან იწყება. რაკველი თუ სხვა მხარის კაცი, ვინც მალყარში, ყარაჩაიში, ადიღეში, ყაბარდოში ან სვანეთში ამ გზით წასვლას გადაწყვეტდა, ჯერ ღებში უნდა მისულიყო, იქიდან კი გზა მიემართება ჩრდილო-დასავლეთისაკენ მდინარე რიონის სანაპიროს გაყოლებით და ჩადის გორბოლოს, ფასის მთის ძირას, საიდანაც მდინარე რიონი იღებს სათავეს. ღებიდან გორბოლომდე 17 კილომეტრს ითვლიან. ფასის მთამდე კი 25 კილომეტრია. ამ მანძილის გავლას ფენით მოსიარულენი ერთ დღეს უნდებიან, იგი ზაფხულობით მეტად მოხერხებულ სამარხილე და საურმე გზად იყო მიჩნეული. ამჟამად მასზე მანქანებით მიმოდინან.

ეს გზა სიმოკლის გამო მგზავრობისათვის უფრო მოხერხებული ღებელისათვის იყო. გორბოლოდან მალყარის პირველ აულ ქიუნჩამდე ერთი დღის სავალია. ფასის მთაზე გზა იტოტება. გზის ერთი შტო სამხრეთ-დასავლეთით სვანეთისაკენ უხვევს, მეორე — ჩრდილო-დასავლეთით ურუხის ხეობით დიგორისაკენ მიემართება. მესამე — ჩრდილოეთით. ჩერევის ხეობაში (ზემო მალყარი) ჩადის. ქართველ და ჩრდილოკავკასიელ მთიელთა ურთიერთობაში ფასის საულელტეხილო გზების დიდ მნიშვნელობაზე ძველი რუსული წყაროები და შრომებიც¹ მიგვანიშნებენ: მალყარისა და ყარაჩაის მთავარი სავაჭრო გზა კავკასიონის ქედზე გადადის და სანხრეთით დაბა ონისაკენ მიემართება. ამ გზით მხოლოდ ცხენებით შეიძლება მგზავრობა. ყარაჩაიდან მომავალნი ჯერ მდინარე ყუბანის სანაპიროს გაივლიან, შემდეგ ელბრუსის აღმოსავლეთ ფერდობს გადაჭრიან და რაკვა-იმერეთისაკენ მიმავალ გზას დაადგებიან. მას ჩეგემის ხეობიდან გამომავალი ბილიკიც უერთდება და ორივე ბილიკი მალყარის მთავარ

¹ Известия о Кавказе, т. 2, М., 1823, стр. 219.

შარაგზას შეერთვის, რომელიც ჩერეკის სათავისაკენ მიემართება. აქედან კავკასიონის მთავარ ქედს გადაკვეთს და რიონის ხეობაში ჩადის — ჯერ სოფელ ლებში, შემდეგ დაბა — ონში. მალყარიდან, ჩეგემის ხეობიდან ონამდე ცხენით ორი დღის სავალია, ყარაჩაიდან კი აღნიშნული გზით ონამდე სამი დღე-ნახევრის სავალი იყო. ზაფხულში გეზე-ვცეკის უღელტეხილით შესაძლებელი იყო პირუტყვის გადაყვან-გადმოყვანა და სასაპალნე ტრანსპორტით ტვირთის გადატანა, რადგან აქაური ქვაბები მგზავრთა საიმედო თავშესაფარს წარმოადგენდა, მთას აქეთ — ე. წ. „ქარიქვაბები“ და მთას იქით — „ლეკები“. ამ გზით რუსი ელჩები ხშირად სარგებლობდნენ, განსაკუთრებით მაშინ, როცა იმერეთის მეფესთან მტრულად განწყობლი არაგვის ერისთავები დარიალის გზას კეტავდნენ.

რაჭველა და ჩრდილოკავკასიელი მთიელების სავაჭრო ურთიერთობაში ფასის საუღელტეხილო გზები განსაკუთრებულ როლს ასრულებდნენ. ამ გზით ჩრდილოკავკასიელ და რაჭველ ვაჭრებს უამრავი პირუტყვი გადმოჰყავდათ საქართველოს ბაზრებზე გასასყიდად, ამიტომ აქაურ გზებზე მუდამ ხალხმრავლობა ყოფილა.

ვაციწვერის უღელტეხილი. სოფელ ლებიდან გზა იმავე მიმართულებით მიდიოდა, როგორც ფასის მთისაკენ. ოღონდ გზის ერთი ტოტი გორიბოლოდან დასავლეთისაკენ უხვევდა და ვაციწვერის გავლით სვანეთში ჩადიოდა. წარსულში ლები პირდაპირი საურმე გზით ყოფილა დაკავშირებული სვანეთთან. ეს გზა უშგულის საზოგადოებაში შედიოდა, რომელიც მანამდე მრავალი განტოტებით უკავშირდებოდა როგორც ჩრდილო კავკასიის მთიელთა საზოგადოებებს, ისე ქვემო სვანეთსა და რაჭა-ლეჩხუმ-იმერეთს. აღნიშნული გზის დიდი მნიშვნელობა მეზობელი მთიელების სამეურნეო ყოფაში ჩაღბური გადმოცეპებითა და რიგი ისტორიული შრომებით დასტურდება. გზის არსებობაზე მიუთითებენ აგრეთვე დადემქელიანების წერილობითი საბუთებიც. სვანეთში ყველაზე მოხერხებული ტვიბერის გზა მიდიოდა უშგულიდან ლენტეხისაკენ მდინარე ენგურისა და ცხენისწყლის გავლით, შემოუვლიდა მთებს, გაუყვებოდა კლდიან მასივებს და აქედან გზის ერთი ტოტი რიონის ხეობით ლებისა და გლოლისა-

კენ მიემართებოდა. მიუხედავად რთული გარემო პირობებისა. მთელ სიგრძეზე გზა ლებიდან უშგულაჰდე მალალოსტატურად ყოფილა გაყვანილი. ნიწა რომ არ ჩამოწოლილიყო, გზისპირა ფერდობებს ქვის კედლებით ამაგრებდნენ. წკლიან, ქვიშანარევ, ჭაობიან აღმართებში გზის სიმაგრისათვის ხის მორებს აგებდნენ. ხით ნაგები გზა პირვანდელი ფორმით მხოლოდ სოფელ გლოლაში შემორჩენილა. მსგავსი მოხერხებულის გზა მალყარ-დიგორ-ბასიან-რაჭა-სვანეთის დამაკავშირებელ შტულუ-ვცეკის უღელტეხილზეც გადიოდა, კავკასიონის სამხრეთ ფერდობზე ლები-სვანეთის საურმე გზას უერთდებოდა და მნიშვნელოვანი საგზაო კვანძი იქმნებოდა. ყაბარდოდან რაჭა-იმერეთისაკენ ურუხის ხეობით მომავალ საურმე გზას რუსი ელჩებიც იხსენიებენ.

მალყარიდან მომავალ მკვლევარ ვ. ტეპკოვს შტულუ-ვცეკის უღელტეხილზე ასვლისას სვანი მეგზურები მწვერვალ აგშტაუზე მიანიშნებენ და ეუბნებიან: მალყარლები იმ მწვერვალს „ათ-ზოლას“ უწოდებენ, რაც ცხენის გზას ნიშნავსო. ალბათ იმ მწვერვალის ძირში ოდესღაც ცხენის გზა გადიოდა. ჩვენამდე მოღწეული ცნობებით, რაჭის ტერიტორიაზე ჯერ კიდევ ჩვენი წელთაღრიცხვის III საუკუნეში არსებობდა გზა, რომელიც შემდეგში თაკუერის გზად იწოდებოდა. იგი გარე სამყაროსთან რაჭა-ლეჩხუმის დამაკავშირებელი ღერძი იყო. შუა საუკუნეებიდან ამ გზის საშუალებით ხორციელდებოდა საჩხედრო, სავაჭრო და სხვა ურთიერთობანი ჩრდილოკავკასიელ ხალხებთან და რუსეთთან. შესაძლებელია ზემოთ აღწერილი სამხრეთისა და ჩრდილოეთის ქვეყნების დამაკავშირებელი ფასის გზა იყო სწორედ ის ისტორიული „გზაი თაკუერისა“, რომლის შესახებაც ქართული ისტორიული წყაროები წერენ.

ისტორიული წარსული

(მოკლე მიმოხილვა)

ვახუშტი რაჭის პირველსახელად „ბაგრატიონთამდე“ თაკუერს მოიხსენიებს, თან იქვე დასძენს, „შემდგომად ამისა უწოდეს რაჭა“-ო.

¹ ვახუშტი. დასახ. ნაშრ., გვ. 748, სქ. 1.

რაჭა რიონის ღრმა ხეობაშია ჩაფლული. ალბათ, ამიტომ, ლეგენდების ნიხედვით აღნიშნული სახელწოდება ჰიდან წარმომდგარა. ლეგენდა ამბობს: საცხოვრებელი ადგილის პირველმა ძიებელმა მალალი მთის უფსკრულის პირას შეჩერებულან და ღრმა ხეობის ხილვით გაოცებულ ერთ მათგანს წამოუქაჩნია — რა ჰაო, და საკუთარი გრძნობების ეს გამოხატულება სამუდამო სახელად შერჩენია ამ მხარეს. როგორც ჩანს, ვახუშტი იზიარებს ლეგენდაში გადმოცემულ მოსაზრებას რაჭის სახელწოდების წარმოშობის შესახებ, როდესაც წერს: „ხოლო სახელი მოიგო გარემოსთა დიდროვანთა მთათაგან და შინაგან ღრმის ადგილობისა მიერ:“ იხილე, რა ჰა არს ადგილი ესე!¹. ამის შემდეგ მრავალი ავტორი იმეორებს თავის შრომაში რაჭის სახელწოდების ხალხურ ვარიანტს. მაგრამ ხალხურმა ეტიმოლოგიამ რაჭის შესახებ დიდი ხანია დრო მოქაპა, მას დღეს აღარავენ იზიარებს. ა. შანიძის ვარაუდით, რაჭას საფუძვლად უდევს რაჭის საერისთავოში გავრცელებული პიროვნული სახელი რატი. ამ სიტყვისაგან მიღებულია საანალიზო სიტყვა შემდეგი მეტამორფოზით: რატი—რატიშა—რატისა—რაჭა.

გ. ახვლედიანის აზრით, რაჭა-ლეჩხუმი სევანური წარმოშობის უნდა იყოს. სევანურად კურდღელს „რაქუ“ („რაქვ“) ქვია. ცხადია, კურდღელი ყოფილა რაჭის ტოტემი და მისი სახელწოდებაც აქედან უნდა წარმომდგარიყო.

ძველი (ანტიკური ხანის) თუ შუა საუკუნეების წყაროებში რაჭა წარმოდგენილია, როგორც საქართველოს ორგანული ნაწილი, საერთო სახელმწიფოებრივი ცხოვრების აქტიური მონაწილე. ეს კუთხე თავიდანვე დიდ ყურადღებას იქცევდა მოსახლეობის სიმჭიდროვითა და ეკონომიური აღმავლობით. რიონის სათავეებში წარმოებულმა არქეოლოგიურმა კვლევა-ძიებამ ცხადყო, რომ ძველი წელთაღრიცხვის IV-III საუკუნეებამდე იქ მნიშვნელოვნად დაწინაურებულა სამთამაღრო წარმოება.

¹ იქვე, 83. 770

რაჭას მნიშვნელოვანი ადგილი ეკავა საქართველოს უკიდურეს ჩრდილო-დასავლეთის საზღვრების დაცვა-გამაგრების საქმეში, ამიტომაც ქართველი მეფეები ამ კუთხისადმი მუდამ განსაკუთრებულ ინტერესს იჩენდნენ. უპირველეს როლს ამ საქმეში მთის რაჭა ასრულებდა. არქეოლოგიური აღმოჩენების საფუძველზე დადასტურდა, რომ დღევანდელი მთის რაჭის ტერიტორიაზე ადამიანს უცხოვრია ჯერ კიდევ ბრინჯაოს ხანაში, რამდენიმე საუკუნით ადრე ქრისტეს დაბადებამდე. ამას მოწმობენ ხალხური გადმოცემები და ლების მახლობლად ბრილში ნაპოვნი ბრინჯაოს ხანის ქვის აკლამები და შოშეთის ბრინჯაოს ბალთა, რომელიც მიცვალებულს წელზე ჰქონდა შემორტყმული. მრავლის მთქმელია აგრეთვე ადგილი შხიროლი (სოფელი ჭიორა), სადაც ჩნდება გვიანი ქრისტიანული ხანის ნივთები და სამკაულები. სამწუხაროდ, წერილობითი წყაროებისა და ლიტერატურის სიმცირის გამო ადრინდელი მოსახლეობის ვინაობის დადგენა ჯერჯერობით ძნელია.

მეტისმეტად საინტერესოა ქართველ და ჩრდილოკავკასიელ მთიელებში დღემდე შემორჩენილი მეზობელი ხალხების აღმნიშვნელი სახელწოდებები მათი სადაურობისა და ისტორიული წარსულის გასარკვევად. მთის რაჭველები ოსებს ადგილგარემოს სახელწოდებების მიხედვით სამ ეთნიკურ ნაწილად ყოფენ, ამბობენ: დიგორი და დიგორელი, დვალეთი და დვალის, „მინდორი“ და „მინდვრის ოსები“ (ირონი და ირონის ოსები).

ზემო ან დიდშალყარი, მათივე წარმოდგენით, მდებარეობს მდინარე ჩერეკის ზემო წელში. აქაური ხალხი ცნობილია შალყარის სახელით. თვით ადგილობრივი მკვიდრნიც თავის თავს ასევე უწოდებენ. ამავე სახელწოდებით მოიხსენიებენ მათ ბაქსანელებიც. რაჭველები დანარჩენ აქაურ მთიელთა სადაურობასაც ასევე ხეობებისა და საზოგადოებების სახელით განსაზღვრავდნენ, მაგალითად, ჩეგემი-ჩეგემელი, ბაქსანი-ბაქსანელი, აბჯანგა (ბეჟინგი) — აბჯანგელი ან ბეჟინგელი, ხვალამი (ხოლამი) — ხვალამელი ან ხოლამელი. შალყარლები

„ებზე“-ს, საერთოდ ქართველის აღმნიშვნელად ხმარობდნენ, კუთხურობის მიხედვით კი ყველას თავისი სახელით მოიხსენიებდნენ: „გურჯი ებზე“-დ—თბილისელ ქართველებს, „იმერელ ებზე“-დ — ქვემო რაჭველებს, „მალყარ ებზე“, — მთის რაჭველებს, „ჩეგემ ებზე“-დ—ჩეგემელ ქართველებს. „შარე“-დ და „შკულა“-დ სვანებს. ადიღელები ქართველებს სონას“-ს ეძახდნენ, ირონი ოსები და დიგორლები — „გურჯი-ს“. კუთხურობის მიხედვით, ოსები რაჭველებზე ამბობდნენ „რაცონ“-ს, ჭიორლებზე და იქ გაბატონებული რეხვიაშვილების გვარზე „რეხვათ“-ის.

ამრიგად, კავკასიონის სამხრეთით ჰმის რაჭა და ზემო სვანეთი, ხოლო ჩრდილოეთით მათი მეზობლები: დიგორი, დვალეთი. მალყარი, ყარაჩაი, ადიღე ჰქმნიდნენ შეხების თავისებურ სასახლდრო ზოლს, რომელთა მოსახლეობას ოდითგანვე ეჭიდრო პოლიტიკური და კულტურულ-ეკონომიური ურთიერთობა აკავშირებდათ ერთმანეთთან და, ამიტომ, მათ წეს-ჩვეულებებში, მატერიალურ კულტურასა და სოციალურ-ინსტიტუტებში მრავალი საერთო ჰქონდათ.

ქართველ და ჩრდილოკავკასიელ მთიელთა ურთიერთობა წარსულში ძნელ სოციალურ-ეკონომიურ და პოლიტიკურ ვითარებაში იმდინარეობდა, მათი კავშირი ეკონომიურ აუცილებლობასთან ერთად, ბუნებრივი პირობებითაც იყო გაპირობებული. მალყარი, ყარაჩაი, დიგორი, ბასიანი, დვალეთი—აღნიშნული თითოეული მიკრორაიონი — მოქცეული იყო, ერთი მხრივ, კავკასიონის მთავარ ქედსა და, მეორე მხრივ, ძნელად გასასვლელ ჩრდილოეთის კლდოვან მასივებს შორის. საიდანაც მთიელებს ვიწრო კლდეკარებისა და მოუხერხებელი საცალფეხო ბილიკებით თუ შეეძლოთ ჩრდილო კავკასიის ბარში ჩაღწევა, მაგრამ ამასთან ყაბარდოული მებატონეებისა თუ გარემე ბტრების გამუდმებული აღვირაზსნილობა და თარეში შეუძლებელს ხდიდა მთის მოსახლეობის კავშირს ჩრდილოეთის ბართან. ამიტომ იყო, რომ ჩრდილოკავკასიელი მთიელები ძნელად სავალ საუღელტეხილო ბილიკების გადმოლახვასა და ქართველ მთიელებთან ურთიერთობას ამ-

ჯობინებდნენ. ამის დასტურად, 1823 წლის ერთ რუსულ წყაროში ვკითხულობთ: ყაბარდოელი თავადები მძიმე გადასახადებით ძალზე ავიწროებდნენ თავისი გავლენის ქვეშ მყოფ მალყარელ მთიელებს, მათ რუსეთისა და ყაბარდოს სამრეწველო ქალაქებისაკენ მიშავალ ყველა გზას უკეტავდნენ და სავაჭროდ არ უშვებდნენ. ამის გამო ჩრდილოეთიდან შეწუნებული და კარჩაკეტილი მალყარელი მთიელები ყოველთვის საქართველოსაკენ მოისწრაფოდნენ, საითაც მუდამ გზა ხსნილი ჰქონდათ. ჰირველ რიგში, რაჭა იყო მათი სადგური¹.

ალექსანდრე მეფის 1422 წლის სიგელითა და სხვა ისტორიული ცნობებით დასტურდება, რომ წარსულში „მთაულეთად“ წოდებული დღევანდელი მთის რაჭა, სვანეთის კუთვნილება ყოფილა, რომელიც სვანებს XV საუკუნეში სისხლის საფასურში დაუთმიათ რაჭის ფეოდალ ჯაფარიძისათვის. მებატონეთა აღნიშნულ შეხლა-შემოხლაში მთის რაჭა ძლიერ დაზარალებულა, მჭიდროდ დასახლებული აქაური სოფლები გაპარტახებულა, მოსახლეობა გაყლექილა, რომლებიც მებატონეთა თვითნებობას გადაურჩნენ, სხვაგან გადახვეწილან, მხოლოდ მათი ნამოსახლარები დარჩენილა. ამჟამად ლებს ზემოთ სხვა სოფელი არ არის, მაგრამ, ეტყობა, წინათ ყოფილა, რაც ნასოფლარებითა და ეკლესიათა ნანგრევებით დასტურდება. სიგელი აღნიშნულ პერიოდში მთის რაჭის ტერიტორიაზე რვა სოფელს მოიხსენიებს ეკლესია-მონასტრებითა და თავდაცვითი ნაგებობებით, ესენია: ბრილი, თევერეშო, ლები, შოდა, ჩუეშო, ჭიორა, გლოლა, ბუბა, აქედან დღემდე შემორჩა მხოლოდ სამი სოფელი: ლები, ჭიორა და გლოლა, დანარჩენი ნასოფლარებია. ციხე-კოშკებით დამშვენებული აქაური სოფლები მტრისათვის შეუვალნი ყოფილან. ვახუშტის თქმით, „არს გლოლა დაბა მგზავსი ციხისა, კოშკოვან-გოდლოვან-ზღუდიანი. შიგ ეკლესია, აღვსილი ოქრო-ვერცხლის ხატითა და ჯუარითა და წიგნებითა, ძუელადვე ხიზნულნი. კუალად გლოლის ჯევის შესართავს ზეით რიონის სამჯრით არს ჭიორა, დაბა მოზღუდვილი და კოშკოვანი გოდლოვანი. ამას ზეით, ჩრდილოთ კერძოდ, დაბა არს ლები, ეგრეთვე ნაშენი“.²

¹ Известия о Кавказе, т. 2. 1823. стр. 217.

² ვ ა ხ უ შ ტ ი. დასახ. ნაშრ., გვ. 768-769.

რაქია და სვანეთის ფეოდალებს შორის გამუდმებული მტრობა და ქიშპობა მარტოოდენ ჯაფარიძის მკვლელობით არ უნდა ყოფილიყო გამოწვეული, მთავარი მიზეზი ღრმავალი პოლიტიკური უთანხმოებებში უნდა ვეძიოთ, რაც შემდეგში გამოიხატებოდა: სვანი და ჩრდილოკავკასიელი მებატონეების ქიშპობისაგან რომ თავი დაეცვა, ზურგის სიმტკიცისათვის საჭირო იყო კავკასიონის ქედისა და ყველა მისი გადასასვლელების ხელში ჩაგდება, რომლებსაც იმხანად სვანები ფლობდნენ.

რაქის ფეოდალებმა საბაბად გამოიყენეს რა ძმის მკვლელობა, მიღწიეს დიდი ხნის წინათ დასახულ მიზანს — ჩრდილო-დასავლეთით სვანი მებატონეების ძალაუფლების შესუსტებასა და საზღვრების შემოშლაცხებას. ეს ბრძოლა XV საუკუნის პირველ ნახევარში სვანეთის დიდი ნაწილის რაქის საერისთაოსთან შემოერთებით დაგვირგვინდა.

ამ დროიდან საქართველოს მთიანეთში მეტისმეტად გაიწვავდა ბრძოლა ფეოდალებსა და მთიელებს შორის. ფეოდალები თავგამოდებით ცდილობდნენ თავისი საექსპლოატაციო არეალის გაფართოებას, მთიელები კი თავისუფლების მოპოვებისათვის იბრძოდნენ. რაქის ერისთავის ორსაუკუნოვანი ბრძოლა (XVI—XVII საუკუნეებში), მთიელი მოსახლეობის დამონებისათვის, მათი მარცხით დამთავრდა. მთის რაქველებმა ამოხოცეს მებატონე არიშიძეები, ჯაფარიძეები და თავისუფლება დაიბრუნეს.

მალყარულ ხალხურ გადმოცემებში შემონახული ამბები მოგვითხრობენ, თუ XVII-XVIII საუკუნეებში მალყარის ერთი ხეობა როგორ მტრობდა მეორეს. შემორჩენილია გადმოცემა ჩეგეშელეების ოჯის შესახებ ბეზინგელებისა და ხულაშელეების წინააღმდეგ, მალყარის ხევის საზოგადოებისა — ურუსბიეველების წინააღმდეგ. სხვა თქმულებებში ასახულია მალყარელების ბრძოლა სვანებთან, ყაბარდოელებთან, ყირიმის თათრებთან. მთიელთა ბრძოლის შესახებ მოთხრობილია აგრეთვე დიგორის, სვანეთის, ყაბარდოს, ადიღეს, ჩაჩან-ინგუშეთის ფოლკლორში. მალყარში დღემდე შემორჩენილ ხალხურ ლექსებს შორის მთავარია ორი პოემა: „ყაისინლა“ და

„შორი“. მათში მოთხრობილია მალყარელი თავადების რაჭაში მარცხიანი ლაშქრობების ამბები. ანალოგიური თქმულებები და ლექსები მალყარლების, დიგორლების, სვანების მთის რაჭის სოფლებზე თავდასხმების შესახებ რაჭულ ფოლკლორშიც მოიპოვება. ყველა თქმულება-გადმოცემაში აღწერილი ამბები ზღვაში წვეთია და სრულიადაც ვერ ჩრდილავენ იმ მრავალსაუკუნოვან მეგობრობას, რომელიც ქართველ და ჩრდილოკავკასიელ მთიელებს შორის არსებობდა. ლეგენდებში ხაზგასმითაა აღნიშნული სიხარბე და აღვირახსნილობა იმ მებატონე თავადებისა, რომლებიც ზოგჯერ წინ მიუძღოდნენ ყაჩაღურ ბრბოებს და, თუ შესაძლებლობა მიეცემოდაო, არბევდნენ, აწიოკებდნენ პირველსავე შეშხვდურ სოფლებს, იტაცებდნენ პირუტყვს, მაგრამ ხშირად ისინი ვერ აღწევდნენ მიზანს, რადგან მთიელები ერთობლივი ბრძოლით ამარცხებდნენ მომხდურებს და ლაფდასმული უკან აბრუნებდნენ. თანასოფლელებიც კი წყევლა-კრულვით ხვდებოდნენ მათ. მაგრამ აღსანიშნავია ისიც, რომ ყველა დიდგვაროვანზე როდი ითქმოდა ბოროტკაცობა, მაგალითად, ჩრდილოკავკასიელ მთის აზნაურებს, ე. წ. ტაუბიების ნაწილს ჩვეულებრივ კერძმოკეთეობა აკავშირებდათ ქართველ მთიელებთან და ისინი მამინაც კი არ წყვეტდნენ მეგობრულ ურთიერთობას, როცა დიდი ფეოდალები ქურდულად ილაშქრებდნენ საქართველოს სოფლებზე. ამიტომ იყო, რომ მიუხედავად ასეთი მტრული გამოხდომებისა, ქართველ და ჩრდილოკავკასიელ მთიელებს შორის კერძმოკეთეობა, გაჭირვებაში ურთიერთდახმარება არასოდეს შეწყვეტილა.

პოემა „შორის“ განხილვისას საყურადღებო დასკვნას აკეთებს ი. ტამბიევი და წერს: მალყარელი მებატონეები თავდასხმას აწყობდნენ სვანეთზე, მაგრამ როცა თვით მალყარელ ხალხს მტრის საფრთხე ელოდა, საშველად სვანებს უხმობდნენ, რომლებთანაც მათ მეგობრობა აკავშირებდათ და ერთიანი ძალით ებრძოდნენ მომხდურებსო.¹ ჩრდილოკავკა-

¹ И. Тамбиев. Заметки по истории Болгарии. Резолюция и гордец, № 8, 1933, стр. 75.

სიელ მთიელთა ბრძოლა ასევე მჭიდროდ უკავშირდებოდა ქართველი მთიელი გლეხების ანტიბატონყმურ მოძრაობას. ფეოდალური ჩაგვრის უღელქვეშ მყოფი კერძოკეთეები ხშირად იარაღით ხელში მათ მხარდამხარ გამოდიოდნენ მებატონების წინააღმდეგ. მათ ერთობლივი ბრძოლით მრავალჯერ შეუჩერებიათ საქართველოს ჩრდილო საზღვრებთან მომდგარი მტერი, ამიტომ ვამბობთ: საქართველოს ჩრდილოეთის საზღვარს დარაჯად ედგა არა მარტო ბუმბერაზი კავკასიონი, არამედ მთას იქით მცხოვრები მეგობარი მთიელებიც, რომლებიც საქართველოსაკენ მოძალებულ მტრებს პირველნი წინ აღუდგებოდნენ ხოლმე და გზას უკეტავდნენ. ივ. ჭავჭავაძის სიტყვებით რომ ვთქვათ: „იმათითაც ჰქონდათ ხშირად ქართველებს ზურგი გამაგრებული“¹.

ქართველ და ჩრდილოკავკასიელ ხალხთა მეგობრობა ძნელბედობის უამს ჩაისახა. ჩრდილოკავკასიელ ხალხებს ისევე, როგორც ქართველ ხალხს, თავისი მრავალსაუკუნოვანი ისტორიის მანძილზე არა ერთი მძიმე დღე გადაუტანიათ, მაგრამ განსაკუთრებით რთული ვითარება შეიქმნა XV საუკუნიდან, როცა ჩრდილო კავკასიასაცა და საქართველოსაც ირანელ და თურქ დამპყრობთა სახით საშიში მტრები გაუჩნდათ, მათი სისხლიანი ნაკვალევი დღესაც შეიმჩნევა მთიელთა ყოფაში. სწორედ ერთბედობამ, სულიერი და მატერიალური კულტურის ერთიანობამ დააკავშირა ერთმანეთს ჩრდილოკავკასიელი და ქართველი ხალხები.

XIX საუკუნის დასაწყისში ჩვენი სამშობლოს ისტორიაში დიდი მოვლენა მოხდა: 1801 წელს საქართველო შეუერთდა რუსეთს — ჯერ ქართლ-კახეთის სამეფო, შემდეგ კი — დასავლეთ საქართველოს სამეფო-სამთავროები, მათ შორის რაჭაც. საქართველოს რუსეთთან შეერთების შემდეგ ქვეყნად მშვიდობიანი ცხოვრების პირობების დამყარების შედეგად გაძლიერდა ქართველ და ჩრდილოკავკასიელ მთიელთა კონტაქტები. რეფორმის შემდეგ კიდევ უფრო გაფართოვდა რაჭველი და ჩრდილოკავკასიელი მთიელების ურთიერთობა. ფე-

¹ ივ. ჭავჭავაძის ი. ქართველი ერის ისტორია, ტ. 2, თბ., 1965, გვ. 78.

ოდალური დაქუცმაცებულობისა და ცარიზმის მოხელეთა თვითნებობის პირობებში უფრო დიდი მნიშვნელობა ჰიიღო კერძოკეთებამ, ეს ჩვეულება გადაიქცა მებატონეებისა და ცარიზმის წინააღმდეგ ბრძოლის იარაღად. ამას გარდა, აღნიშნული ჩვეულება ქართველ და ჩრდილოკავკასიელ მთიელებში მოსისხლეთა შერიგებისა და მათ შორის სხვადასხვა საკითხის მშვიდობიანი მოგვარების საშუალებაც გახდა, რამაც რევოლუციის წლებში ხელი შეუწყო მასების შეკავშირებასა და მათ დარაზინებას თვითმპყრობელობის წინააღმდეგ საბრძოლველად.

ქართველ და ჩრდილოკავკასიელ მთიელებს შორის სელოვნური დანათესაების, დაშვებებისა და კეთილმეზობლური ურთიერთობის საუკეთესო საშუალებებს წარმოადგენდა შორეული საუკუნეებიდან მომდინარე ხალხური ჩვეულებები: სტუმარმასპინძლობა, მცნაურობა, კერძობა, შეჯალბება, სხვისშვილობა, დაძმობილება, მიცვალებულის დატირებისა და გლოვის წესების გაზიარება, გაჭირვებაში დახმარება.

სტუმარმასპინძლობა

საქართველოსა და მის მოსაზღვრე ჩრდილოკავკასიელ მთიელებში სტუმართმოყვარეობის ჩვეულება ოდითგანვე ფართოდ ყოფილა გავრცელებული. ქართველი ხალხის სტუმართმოყვარეობის უძველეს და მდიდარ ტრადიციებზე მიუთითებს ის ფაქტი, რომ მარტო რაქაში არსებობდა სტუმრის მიღება-გაცილების სამი წესი — სამი აღმნიშვნელი ტერმინით: სტუმარი, მცნაური, კერძი.

საქართველო უძველესი დროიდან იყო ცნობილი სტუმრის პატივისცემა-დაფასებით, დიდ სირცხვილად ითვლებოდა ოჯახში სტუმრისათვის ეკითხათ რაზე მოხვედი ან როდის მიდიხარო, უცხო სტუმარს გულლიად და ხელგაშლილად ხვდებოდნენ. სტუმარი ოჯახში იმდენ ხანს რჩებოდა, რამდენ ხანსაც სურდა, ან რამდენსაც მისი საქმე მოითხოვდა. სტუმარმასპინძლობის ჩვეულება კრძალავდა სხვისი ქონების ხელყოფას, ქურდობასა და ძარცვა-გლეჯას, ამიტომ იყო, რომ რა-

ქაში სახლისა და ეზოს კარს არავენ კეტავდა, სამეურნეო იარაღებიც ეზოში ელაგა. სტუმარი თავისუფლად გრძნობდა თავს არა მარტო მასპინძლის ოჯახში, არამედ მთელი სოფელი პატივისცემით ეპყრობოდა მას. საგანგებოდ მოპატიეებულ ითუ ოჯახში შემთხვევით მოხვედრილი ერთნაირად საპატიო სტუმრად ითვლებოდა და მის მიმართ დიდ გულისხმეირებას იჩენდნენ მასპინძლები. ქართველ და ჩრდილოკავკასიელ მთიელებში სტუმრის ნიღება-გაცილების საინტერესო წესი სრულდებოდა. რაჭაში მამაკაცები თავს იყრიდნენ სანახშოზე. ჩრდილოკავკასიელები ასეთ საკრებულოს ნიხას ექაზიან. მთიელთა ჩვეულებით, სტუმარი ვალდებული იყო პირველად სანახშოზე მისულიყო და იქ მოეკითხა თავისი კერძი თუ ყონალი. სტუმარს არ მოაწყენდნენ, ლაპარაკით ართობდნენ. ამა-სობაში მასპინძელიც გამოჩნდებოდა და თავის სტუმარს შინ მიიწვევდა. სტუმარი სახლს მიუახლოვდებოდა თუ არა, მთის ადათის მიხედვით ოჯახის უფროსი მამაკაცის სახელს დაიძახებდა, დედაკაცის სახელის ხსენება ამ შემთხვევაში დაუშვებელი იყო, შინიდან რომ გამოეხმაურებოდნენ, მერე სტუმარი შესძახებდა, აქა მშვიდობა, მოვედი, სტუმარს თუ მიიღებთო, დამხვდური მამაკაცი შინიდან გამოეპასუხებოდა — მობრძანდი, სტუმარი ღვთისააო. თუ სტუმარი ღამე ეწვეოდა, მას ჭრაქით ან კვარით გაუნათებდნენ გზას, ჩამოართმევდნენ ცხენს, იარაღს, დაუთმობდნენ მისთვის განკუთვნილ სასტუმრო ოთახს, ე. წ. კარსელს, ან, როგორც გლოლელები ამბობენ, სოგონას და მოასვენებდნენ. ჩრდილოკავკასიელი მთიელები სასტუმრო ოთახს ან საერთო საჯალაბო სახლში სტუმრისათვის გამოყოფილ მოსასვენებელ ადგილს, საყონალოს უწოდებენ. სტუმრისათვის განკუთვნილი ცალკე ნაგებობა ან იზოლირებული ოთახი საყონალოს სახით ყველას როდი ჰქონდა, ამის საშუალება მხოლოდ მდიდრებს გააჩნდათ, ღარიბი მთიელები სტუმარს საერთო, საჯალაბო სახლის სამამაკაცო განყოფილებაში აძინებდნენ. ანალოგიური მდგომარეობა იყო ქართველ მთიელებშიც. შეძლებულ მთის რაჭველებს ოთხსართულიან ღუროიან ქვითკირის სახლებში საგანგებოდ სასტუმროდ განკუთვნილი სახლის მესამე სართულზე, ან კარ-

სელში თავისუფლად შეეძლოთ ერთდროულად რამდენიმე კერძის ან სხვა სტუმრების მიღება-მოსვენება, უმრავლესობას ამის საშუალება არ ჰქონდა, მაგრამ სტუმარს უპატივცემლად არავინ უშვებდა. აქაურ ორსართულიან ქვითკირის სახლებში მხოლოდ მეორე სართული იყო განკუთვნილი საცხოვრებლად, რომელსაც საერთო ან საჯალაბო სახლს უწოდებდნენ. იგი ორ ნაწილად იყოფოდა: სამამაკაცოდ და სადედაკაცოდ. სტუმარს შუაცეცხლის პირას აძინებდნენ. ასევე ყოფილა ყარაჩაველებშიც. ღუროიანი და ქვითკირის ორსართულიანი ციხესახლები კერძების არა მარტო ღამის გასათევსა და მოსასვენებელს წარმოადგენდა, არამედ აქ ისინი ჯალაბთან ერთად საიშვლოდ იყვნენ დაცული შინაური თუ გარეშე მტრების მოსალოდნელი საფრთხისაგან. საყონალო იყო როგორც სასტუმრო, ისე საერთო სამამაკაცო სახლიც, სადაც სტუმრების გარდა სოფლის მამაკაცებიც ერთობოდნენ. დარბაზად წოდებული ასეთი ორსართულიანი სახლი-სასტუმრო აივნითა და ორნამენტის უძველესი ქარგულობით დამშვენებული დღემდეა შემორჩენილი სოფელ გლოლაში. ღია მარნის ფორმის ქვედა სართული ქვითკირის ნაგებობაა, შიგ ქვევრებია ჩაფლული, მას ჭურ-მარანს ეძახიან. მუხისა და თელის ფიცრებისაგან ნაგები მეორე სართული ერთი მთლიანი დარბაზია, მას ოდასაც ეძახიან. ოდას ჩრდილო-აღმოსავლეთით წყვილი კარ-ფანჯარა აქვს. სახლის საერთო შესასვლელი ჩრდილოეთიდან ქვა-ლოდებით ნაგებ კიბეს წარმოადგენს. ამ სახლს ბელაშვილების საგვარეულო მხოლოდ სასტუმროდ იყენებდა. მის გვერდით იდგა ქვითკირის ორსართულიანი საჯალაბო სახლი, რომელიც სასტუმროს საგანგებო გასასვლელი დერეფნით უკავშირდებოდა. სასტუმროს უკან „შიოს“ კარადწოდებული მამაკაცთა საკრებულო სანახშო იყო. ჩანს, როგორც საყონალო, ასევე რაჭული სახლი-სასტუმროც ადრეულ საფეხურზე მამაკაცთა ბინა უფრო უნდა ყოფილიყო, ვიდრე სასტუმრო, სადაც სოფლის მამაკაცები სტუმრებთან ერთად ერთობოდნენ და დროს სჯაბასში ატარებდნენ.

საყონალო თუ ქართული სასტუმრო შიდამოწყობილობის სისადავითა და უბრალოებით გამოირჩეოდა. მთიელები სტუ-

მარს ფეხდაუბანელს არ აწვევდნენ, ამით დიდ პატივისცემას გამოხატავდნენ. სტუმრის ფეხის დაბანა ჯალაბში უპკროს რძალს ევალებოდა, ქართველი მთიელების მსგავსად, ასეთივე წესი ჰქონდათ ოსებს, ადიღლებსა და ჩაჩან-ინგუშებსაც. სტუმარს შინ და გარეთ თავაზიანად ექცეოდნენ, წასვლისას მას დედაკაცები საგზალს უმზადებდნენ, მამაკაცები სტუმარს თავისი სამფლობელოს საზღვრამდე მიაცილებდნენ, რომ მათ მიწა-წყალზე სტუმარი არავის შეურაცხეყო და ოჯახი არ შეერცხვინათ. სტუმართმოყვარე ოჯახი, თუ პიროვნება დიდად დავასებული იყო, ასე ლოცავდა მას: ღმერთმა ნუ მოგიშალოთ სტუმარი და სტუმრის გასასტუმრებელი ბარაქაო. უსტუმრო ოჯახს, პურძვირ კაცს ხალხი დასცინოდა. და, მასზე ამბობდნენ — სოფელში თავი არ გამოეყოფა, „ხალხში გაურეველი არის“-ო. ეს დიდ სირცხვილად და დამცირებად ითვლებოდა, ამიტომ ყველა ცდილობდა სტუმართმოყვარეობაში სხვას არ ჩამორჩენოდა. სტუმარს მთიელები შეძლებისდაგვარად საუკეთესო ლოგინსა და სასმელ-საჭმელს ურჩევდნენ. ჯალაბი თვითონ დაიკლებდა და სტუმართან პირს არ შეიკრებენდა. რაჭული სტუმართმოყვარეობის შესახებ შ. ლომინაძე წერს: რაჭველი გლეხი გამოირჩევა უაღრესი თავაზიანობითა და ზრდილობით. როცა მას სტუმარი ჰყავს, განსაკუთრებით მზიარული და ხალისიანი ხდება. თამამად შეიძლება ითქვას, ქართული სტუმართმოყვარეობა მთელი თავისი სიწმინდით რაჭაში შემორჩენილა¹.

მასპინძელი სტუმრის დაცვა-მფარველობაში პასუხისმგებელი იყო მთელი საგვარეულოსა და ხალხის წინაშე. ვინც სტუმარს სათანადო მფარველობას ვერ გაუწევდა, ასეთ მასპინძელს სოფელი ასამართლებდა და მკაცრად სჯიდა. სტუმრის შეურაცხყოფა ან მისი მოკვლა საყოველთაო გაკიცხვას იწვევდა, მის ჩამდენს სოფლიდან აძევებდნენ, ხშირ შემთხვევაში დამნაშავეს თვით ნათესავეები კლავდნენ, როგორც მთელი საგვარეულოს შემრცხვენს. ჩრდილოკავკასიელ მთიელებში სტუმრის შეურაცხყოფთა მიმართ უფრო მკაცრი სასჯელიც

¹ Ш. Ломинадзе. Поездка в Рачу, Тифлис, 1892, стр. 18.

დასტურდება. ვინც სტუმარს ღამის გასათევ თავშესაფარს არ მისცემდა, მის სახლ-კარსა და მამულს წვევდნენ.

მ ც ნ ა უ რ ო ბ ა

ზამთრობით, როცა ქარბუქისა და ზევეების გამო ჩრდილოეთისაკენ მიმავალი საწითო ბილიკები იკეტებოდა, სალ კლდეთა რკალში მოქცეული მთის რაჭა დროებით მოწყდებოდა ხოლმე გარე სამყაროს. ამ დროს მხოლოდ რაჭა-იმერეთის გზატკეცილი რჩებოდა ღიად. ჯერ კიდევ უძველესი დროიდან ამ გზით მთიელები დაკავშირებული ყოფილან საქართველოს ბარის დაბებთან და ქალაქებთან, სადაც მათ გასასყიდად ნიჰქონდათ: ყავარი, თივა, ხორცი, რძის ნაწარმი, ტყავი, შინ ნამზადი შალის ქსოვილი, ჩანოჰყავდათ პირუტყვი. ბოლო დროს ქუთაისის ბაზარზე კარტოფილის ჩატანაც დაუწყიათ. იქ მათი საქონელი ძვირადაც ფასობდა და ღიდი რაოდენობითაც სალდებოდა. სამაგიეროდ ქალაქიდან მოჰქონდათ: ღვინო, არაყი, ხილეული, მარცვლეული, ფართლეული, ფეხსაცმელი, ტანსაცმელი, მარილი, ასანთი, საპონი...

მგზავრს ამ გზით ქუთაისამდე უნდა გაეგლო რაჭა-ლეჩხუმის ის დასახლებული ადგილები, სადაც მთის რაჭველებს მეგობრები, ან როგორც თვითონ ეძახდნენ, მცნაურები ჰყავდათ.

მგზავრობისას შემთხვევით გაცნობილ ადამიანებს თუ ერთმანეთი მოეწონებოდათ, ძმობასა და მეგობრობას შეჰფიცავდნენ და ამ დღიდან მათ შორის მეგობრული კავშირი მყარდებოდა. მცნაურებს შორის იწყებოდა ხშირი სტუმრობა და მიმოსვლა დაახლოებისა და ოჯახების გაცნობის მიზნით და, მცნაურების ეს ჩვეულება შთამომავლობიდან შთამომავლობას გადაეცემოდა.

მთიელები ქართველ მეგობრებზე, რომლებთანაც მამაპაპური ნაცნობ-მეგობრობა აკავშირებდათ, მცნაურს იტყოდნენ. სხვებს უბრალო ნაცნობად ან, ჩვეულებრივ, სტუმრად თვლიდნენ. მთის რაჭველებს ქუთაისში და ონში მცხოვრებებრაელებშიც ჰყავდათ მცნაურები, რომლებთანაც მეტად გუ-

ლთბილი და ახლო ურთიერთობა ჰქონდათ. მთიელი მგზავრები ღამეს მცნაურის ბინაზე ათევდნენ, პურს ჭამდნენ და არავითარ გასანარჩელოს არ იხდიდნენ.

ქვემო რაჭველი მცნაურებიც მიღ-ოდნენ მთის რაჭველ მეგობრებთან. მეგობრობის კიდევ უფრო განმტკიცების მიზნით, მცნაურები ურთიერთშორის ხშირად მიმართავდნენ ნათელ-მირონს, შუამავლობას, ქალების თხოვება-ვათხოვებაში.

ჩვეულებრივი სტუმართმოყვარეობის წესებისაგან განსხვავებით, მცნაურობას გარკვეული ეკონომიური პირობები ედო საფუძვლად. მცნაურებს შორის იღებოდა სიტყვიერა, მაგრამ მეტად საყურადღებო ეკონომიური გარიგება, რაც შემდეგში გამოიხატებოდა: ქვემო რაჭველი მცნაური მთიელი მეგობრის სახელზე თავისი ვენახიდან გამოყოფდა წილს. ამ დღიდან ვენახის ეს ნაწილი მთის რაჭველის საკუთრებად ითვლებოდა. მას ქვემო რაჭველი მცნაური ამუშავებდა, ყურძენს კრეფდა, ღვინოს აყენებდა, მთიელ გლეხს მისგან ნაზღვინო მიჰქონდა უსასყიდლოდ, იმდენი რაოდენობით, რაც მისთვის განკუთვნილი ვენახიდან მოვიდოდა, საშაგიეროდ მთის რაჭველი თავის მცნაურს აძლევდა ყავარს, თივას, ხის მასალას, მატყლს, შალის ქსოვილს, ამასთან იგი მცნაურის სახელზე ერთ სულ პირუტყვსაც გამოზრდიდა ხოლმე.

მცნაურებს შორის შეუძლებელი იყო ტყუილი, თვალთმაქცობა და ორპირობა, მათ შეთანხმებას ზაფუძვლად ედო სინდის-ნამუსი. თუ რომელიმე მხარე, რაიმე მიზეზის გამო, ვერ შეძლებდა ვალდებულების შესრულებას, მათ შორის არავითარი უთანხმოება არ ვარდებოდა, რადგან წინასწარ დათქმული არ ყოფილა არავითარი გადახდის დრო, იძულება და ძალდატანება.

ბერიკაცები ახლაც სიყვარულით იგონებენ ღუხჭირი ცხოვრებისდროინდელ მეგობრებს — მცნაურებს.

კ მ რ ძ მ ბ ა

ისტორიამ, დრომ, ტერიტორიულმა სიახლოვემ, კულტურამ, ყოფა-ცხოვრებამ დაამოყვრა ქართველი და ჩრდილოკავკასიელი ხალხები, საუკუნეების მანძილზე ისინი იზიარებდნენ

3. ს. რეხვიაშვილი

ერთმანეთს ჭირ-ვარაჲს, ლხინსა და სიხარულს. ქართველს ოჯახში კერა რომ უჭრებოდა, ცეცხლისათვის კერძთან მიდიოდა, იცოდა, ერთგული მეგობარი და კარის მეზობელი მუდამ მოუწართავდა ხელს, ასევე ქართველი მეგობრების იმედი ამხნევებდათ კერძებსაც. კერძოკეთეობა ფართოდ იყო გავრცელებული რაჭა-ლეჩხუმსა და სვანეთში. აღნიშნულ ჩვეულებას თავდაპირველი მნიშვნელობით, ძველი სახელწოდებით დღემდე მხოლოდ მთის რაჭაში შემოუწინაჩავს თავი. აქ არ არსებობდა ისეთი მამაკაცი ან ოჯახი, რომელსაც მოსაზღვრე მთიელებში: დიგორში, დვალეთში, „მინდვრის ოსეთში“, მალყარში, ყაბარდოში, ყარაჩაისა და ადიღლებში კერძი არ ჰყოლოდა. რაჭველ მამაკაცებს ყველა აულში ჰყავდათ კერძები, სადაც კი ხშირი მიმოსვლა და საქმიანობა უხდებოდათ. რაჭველის გაგებით, კერძი ხელოვნური ნათესაობით დაკავშირებული უახლოესი მეგობარია, ამიტომ მას ოჯახში წილი და დიდი უფლებები აქვს, მასზე სვანები ამბობენ — ძმისტოლა კაციაო. კერძის ყოლა დიდ საპატიო საქმედ ითვლებოდა. მათ აქებდა ხალხი. ვისაც კერძი არ ჰყავდა, მასზე დაცინვით ამბობდნენ: ის რა კაცია, ვისაც კერძი არა ჰყავსო. რაჭველი მხოლოდ და მხოლოდ ჩრდილოკავკასიელ მეგობარს უწოდებდა კერძს, მხოლოდ მისი ოჯახის წევრებსა და ახლობლებს მოიხსენიებდა კერძებად.

სარწმუნო ქართული ეთნოგრაფიული მასალებისა და უძველესი ქართული ლიტერატურული წყაროების დამოწმებით, ტერმინი კერძი ზოგად ქართულია, რაც აკაკი შანიძის ანალოგიური მოსაზრებითაც დასტურდება. სიტყვა კერძი სვანეთის, საშვეგრელოსა და მთის რაჭის კუთხურ მეტყველებაში დღესაც იხმარება და ძველ წერილობით ძეგლებშიც გვხვდება. „ქართლის ცხოვრებაში“ ვკითხულობთ: „შემოიყარა თვისნი აგრძნი“, „...თამარის კერძთა ლაშქართა ამცნო“, „...დავითის კერძნი გააქცივნეს“, „...განმამაგრეთ ზურგით კერძი ჩემი“, „...წარვლეს ტაოს კერძი ქვეყანასა“, „...ყოველი იგი სოფლები მის კერძისა მოვლეს“. ამავე წიგნის ლექსიკონში კერძი განმარტებულია, როგორც — „ვისიმე მხარეზე მყოფი“, „მომხრე“, „საკუთრება“.

რუსთაველისეულ მხატვრულ ფორმაში გამოთქმული სიტყვა კერძი, ერთგულების, კაცთმოყვარეობის მთელ დედაარსს გაღწევიცემს. ავიღოთ თუნდაც ავთანდილის მინაწერი „თავის ყმათა თანა“, სადაც ავთანდილი თავის სურვილს ასე გამოხატავს: .

„მე შერმაღინ დამიგდია, ჩემად კერძად პატრონობდეს,
სიკვდილსა და სიციცხლესა სადამდისცა ჩემსა სცნობდეს“.

ვეფხისტყაოსნის ლექსიკონი კერძს განმარტავს, როგორც წილს, მხარეს. ნაწილს, „ჩემად კერძად“ კი, როგორც „ჩემად ნაცვლად“, ჩემ წილ, ჩემ მაგივრად. შემდგომი დროის ისტორიულ შრომებშიც ხშირად გვხვდება კერძის განმარტება. სულხან-საბა ორბელიანის განმარტებით კერძი წილია. დავით ჩუბინაშვილის ლექსიკონში ვკითხულობთ: კერძობა—*землеиство, свита*, ქართული ენის განმარტებით ლექსიკონში დ. ჩუბინაშვილის აღნიშნული განმარტების ასეთი თარგმანია მოცემული: კერძობა (კერძობისა) „ცოლ-შვილი, სახლ-კარი. ამაღლა. მხლებელნი“, „ჩემს კერძობას“. საყურადღებოა კერძის განმარტება ქართული ენის განმარტებით ლექსიკონში, სადაც ეს სიტყვა მიჩნეულია, როგორც „შოპხრე, მხარის დამკვირი“.

სიტყვა კერძი და კერძმოკეთეობის ჩვეულება რაჭის გარდა, საქართველოს სხვა რაიონებშიც შემორჩენილა. მთხრობელთა გადმოცემით, სამეგრელოში ფართოდ ყოფილა გავრცელებული გამოთქმა კერძმოკვირე, ესე იგი კერძმოკეთე, რომელიც მეტად ახლო მეგობარსა და ნათესავს გულისხმობს. ქორწილსა თუ სხვა საღმინო წვეულებაზე კერძმოკვირეებს პირველ რიგში პატიუობდნენ, განსაკუთრებულ ყურადღებას აქცევდნენ მათ მიცვალებულის გლოვისა და დატირების წესების შესრულებისას. ოჯახის უფროსი ამ დროს საგანგებოდ აფრთხილებდა შინაურებს, კერძმოკვირეებს შეატყობინეთ ჩვენი გაკვირება, მოწვევის გარეშე არავინ დაგრჩეთო. საგულისხმოა, კერძმოკეთეობის სვანური ჩვეულება და მისი აღმნიშვნელი ტერმინები: სვანებს რაქა-ლეჩხუმშიც ჰყავდათ კერძი-კაცები ან, როგორც სვანები ამბობენ, კერძ-მაარეთვით სვანი მთხრობლები შემდეგნაირად იძლევიან ამ სიტყვის საყურადღებო ეტიმოლოგიას: კერძ-მაარე ნამდვილი

სვანური სიტყვაა და ნიშნავს კეთილ მეგობარს, რომელიც გულისხმობს ნდობას, დაახლოებას, ძმურ სიყვარულს, ერთმანეთში ხშირ მიმოსვლას, სხვანაირად კერძმუკეთეობა არ შეიძლებაო. სვანეთის ყოფა-ცხოვრებაში კერძი-კაცობის ჩვეულებას მნიშვნელობის შესახებ ბ. ნიქარაძე წერს: „სვანეთიდან ლეჩხუმის ვწით მიმავალი მგზავრი ქუთაისში ჩასვლას რვა დღე უნდება, მაგრამ ამ გზის უპირატესობა „ლენხერას“ გზასთან შედარებით ის არის, რომ ეს გზა ხალხით უფრო დასახლებულს ადგილზე მიდის, სადაც სვანებს ნაცნობები ან, როგორც თვითონ ექაჩიან, კერძი კაცები ჰყავთ და თბილი ბინა და ვახშამი მზადა აქვთ“¹.

სვანებს ჩრდილოკავკასიელ მთიელებშიც ჰყოლიათ კერძი-კაცები, რომლებსაც „კერძმუკეთებს“ ეძახდნენ. იმდენად დიდი ყოფილა მათ შორის სიყვარული და პატივისცემა, რომ როცა სვანი მამაკაცები სახიფათო უღელტეხილებით ჩრდილო კავკასიაში მიდიოდნენ, ან მტერზე სალაშქროდ ემზადებოდნენ, ქალები შინაკაცებთან ერთად კერძმუკეთებსაც ლოცავდნენ — მათ სიცოცხლესა და ჯანმრთელობას შესთხოვდნენ ღმერთს. ყოველ საღმინო სუფრაზე ერთ-ერთი სადღეგრძელო ასეთი ითქმოდა: ყველა ჩვენს კერძმუკეთეს გაუმარჯოს მთას იქით და მთას აქეთო.

მოსაზღვრე ჩრდილოკავკასიელ მთიელებში, ქართველი მთიელების მსგავსად, უძველესი დროიდან ვერ შეხვდებოდით ისეთ მამაკაცს, რომელსაც მთას იქითა თუ მთას აქეთა მთიელთა სოფლებში ყონალი არ ჰყოლოდა.

ჩრდილოკავკასიელთა ყოფაში ყონალობის რამდენიმე სახეა ცნობილი. ყონალი თურქული სატყვაა და სტუმარს ნიშნავს. კერძისაგან განსხვავებით, ყველა ნაცნობი თუ უცნობი, შინაური თუ გარეშე, საგანგებოდ წვეული თუ შემთხვევით გამეღელი მგზავრი ჩრდილოკავკასიელის ოჯახში მოხვედრილი ყონალი იყო, ალბათ, ამიტომაც, რომ ეს სახელი ჩვეულებებში სტუმარმასპინძლობის აღმნიშვნელ ზოგად ტერმინად გვევლინება, რადგან მასში, მეორე მხრივ, ხელოვნური ნათე-

¹ ბ. ნიქარაძე. ისტორიულ-ეთნოგრაფიული ნარკვევები, ტ. 1, 1965, გვ. 175.

საობით დაკავშირებული უახლოესი მეგობარიც იგულისხმება, ქართული კერძობის ანალოგიური, განსაკუთრებით საპატივე-პულო სტუმრის ან მეგობრის აღმნიშვნელი ტერმინებითა და მასთან დაკავშირებული ადათ-წესებით. ასეთებია: მალყარული „ჭულუმ ყონალ“, ყარაჩაული „ბაღალ ყონალ“, „ქირი ყონალი“, ყარაჩაული და დიგორული „ემჩეკ“-ი, ყაბარდული „კამალიჩუ“, ადიღური „გაჩე“, ინგუშური „დოტა“.

გოგია (სეხნოენთი) რეხვიაშვილის (სოფ. ჭიორა, ონის რ-ნი) გადმოცემით, მალყარელები ჩვეულებრივ ყველას ყონალს უწოდებდნენ, ვინც მათ ოჯახში ერთი ან ორი დღით სტუმრად მოხვდებოდა. რაპველებს მამაპაპური ურთიერთობა გვქონდა მათთან, „ჭულუმ-ყონალ“-ებად. ე. ი. უაღრესად საპატივეცემულო მეგობრებად მივაჩნდით; შინაურებად გვთვლიდნენ. ამიტომ იყო, რომ სტუმრად მისულ რაპველ მეგობრებს, მალყარელები წინ ეგებებოდნენ მხიარული შეძახილებით „—ჭუყლარ ქელგენდედე“, რაც ნიშნავს. ახლობლები ბოგევიდნენო. ასევე ხდებოდა ყარაჩაელებშიც, ოღონდ ისინი განსაკუთრებით საპატივეცემლო ნაცნობ-მეგობრებს „ბაღალ ყონალ“-ებს ეძახდნენ, ხოლო ვისაც მათი დედის ძუძუ უწოვია, მას და მთელ მის საგვარეულოს — „ემჩეკ“-ებს, ე. ი. ძუძუთ ძმებს. ნათესაობა-მეგობრობის ასეთი წესები აკავშირებდა ჩრდილოკავკასიელ მთიელებს ქართველ მეზობლებთან.

ოღითგანვე ცნობილია ე. წ. ქირით ყონალობა. ამის შესახებ 1789 წლის ერთ რუსულ საბუთში ვკითხულობთ: კავკასიელ მთიელებში დღემდე ვხვდებით გამყოლ მებარგულებს, რომლებსაც ჩვეულებრივ ყონალს ან მეგობარს უწოდებენ, ისინი წმინდად ინახავენ აღებულ ვალდებულებებს და ხშირად თავის სიცოცხლეს საფრთხეში აგდებენ რაპდენიმე ათეული შანეთის ფასად, რათა მათზე მინდობილი მგზავრების სიცოცხლე გადაარჩინონ.¹ ქირით ყონალობა იგივეა, რაც ქართული „მეგზურ-მებარგულობა“, რომლებიც ქირით მეგზურებად და ბარგის მზიდავეებად მიჰყვებოდნენ კავკასიონის საუღელტეხილო გზებით მიმავალ უცხო მგზავრებს, ოღონდ

¹ Исторические выписки. Ленинградის აღმოსავლეთმცოდნეობის ინსტიტუტის არქივი, საქ. 2, აღწ. 2, გვ. 1.

იმ განსხვავებით, რომ კერძებს მეგზურობაში ქირას არ ახდენებდნენ მეგზურ-მებარგულების მოვალეობას შეადგენდა: მგზავრების უსაფრთხოების დაცვა, მთაზე მათი მშვიდობიანი გადაყვანა და დანიშნულ ადგილამდე მიცილება, მთას შეზრდილი ფიზიკურად ძლიერი რაჭველი მანქანები საუკეთესო მეგზურ-მებარგულებად ითვლებოდნენ. ამასთან. როგორც მეზობელი მთიელების ენისა და წეს-ჩვეულებათა საუკეთესო მცოდნეები, უცხოელ მოგზაურებს თარჯიმნობასაც უწევდნენ. გამყოლ-მებარგულებს, რომლებმაც ჩრდილოკავკასიელ მთიელთა ენები კარგად იცოდნენ და კერძებსა და მოგზაურებს შორის უშუამავლობაც შეეძლოთ, რაჭველები „თვალმაჩს“ ეძახდნენ. დიდი იყო ქართველ მეგზურ-მებარგულთა როლი კავკასიონის საულელტეხილო გზებზე მგზავრთა უხიფათოდ მიმოსვლის საქმეში. ერთი-ერთი საუკეთესო და მოხერხებული საშუალება, მგზავრს რომ თავი დაეცვა ყაჩაღთა თავდასხმებისაგან და აეცდინა სტიქიური ხიფათები მთაში მოგზაურობისას იყო ის, რომ ჰყოლოდა კარგი მეგზური ყონალი, რომელიც მცირე ქირის ფასად მეგზურობასაც გაუწევდა და პასუხისმგებელიც გაუხდებოდა მშვიდობიან მოგზაურობასა და ბარგის საიმედო დაცვა-შენახვაში. კერძო პირები და ვაჭრები მოზღოკიდან საქართველოში, ყიზლარიდან დერბენდსა და ბაქოში მიდიოდნენ ასეთი ყონალების მცარველობის იმედით. ყონალს ქირის გარდა, მამაპაპური ჩვეულებაც ავალდებულებდა, თუ საქირო იქნებოდა. სიცოცხლაც კი გაეწირა მგზავრის გულისათვის, თუ არა და, ხალხი დაგმობდა მას. ეს ჩვეულება იმდენად ძლიერ ზეგავლენას ახდენდა ადამიანის მორალზე, რომ ბოროტმზრახველებს უზნეო ქცევის ყველა გზას უხშობდა და, ამდენად ჩვეულება თავისთავად იცავდა უცხოელ მოგზაურებსა თუ სხვა სტუმრებს უხეშობისა და შეურაცხყოფა-დამცირებისაგან.

იმ აულში, სადაც შენი კერძი ცხოვრობდა, სხვა ოჯახში მისვლა კერძის დაუკითხავად და იქ ღამის გათევა, კერძის ოჯახის დამცირებად და დიდ შეურაცხყოფად ითვლებოდა, ამიტომ ეს არ ხდებოდა. ასე ყოფილა ყაბარდოელებშიც, მათ, რომელთაც ხშირად უხდებოდათ სიარული მეზობელ აულეებში, ყველას ჰყავდა თითო უახლოესი ნაცნობ-მეგობარი, ე. წ. კა-

მალიჩუ, რომელთანაც ლაშეს ათევედნენ და ისვენებდნენ. კამალიჩუს ოჯახი ნაწყენი რჩებოდა, იმედი უნაღონო სხვაგან გაათევედა ლაშეს. საინტერესო ისაა, რომ მამაკაცი ჩვეულებრივ საუკუნეების განმავლობაში არ ირღვეოდა. კამალიჩუ ისევე, როგორც კერძი მეგობრის ოჯახში, შინაკაცად ითვლებოდა.

ადილუმბისათვის ჩვეულებრივი სტუმარი ამავე დროს მისი ყონალიც იყო. მათთან სტუმრად მოხვედრილს, საკმარისია მათ შორის ერთი ნაცნობი, მეგობარი, ან როგორც ადილუმბი, იტყვიან, ერთი გაჩე ჰყოლოდა, რომ უზრუნველად და მშვიდად ეგრძნო თავი. გაჩე, მეგობრის არა მარტო უზრუნველად გაჩე, არამედ მოვზაურობის დროს მისი დიდი პატივისცემულიც იყო, რადგანაც ნეზობელ აულაჰდე მიაცილებდა. შემდეგ იქ მცხოვრებ თავის გაჩეს შესთხოვდა მეგობრის სილამაზასა და მის მოვლა-პატრონობას. თავის მხრივ, იგი ყონალს მიმართ იგივე მოვალეობას შეასრულებდა და ა. შ. აღნიშნული ჩვეულების წყალობით ნეზობელს შეეძლო უშიშრად მოეველო ადილუმბის ნიშნა-წყალი, ყოველგვარი პარადი ხარჯის გაწევის გარეშე მამინ, როცა უცხო კაცს მთაში თავშესაფრის პოვნა და გამოკვება გაუჭირდებოდა, ყონალი რომ არ ჰყოლოდა. ასეთი მჭიდრო და მეტად ახლო ურთიერთობის გამო, ყონალმა აქტიურ მონაწილეობას იღებდნენ ერთმანეთის საოჯახო თუ საზოგადოებრივ საქმიანობაში. ხალხის გადმოცემით, ლეხლების კერძ-მალყარელ ალყაჩას მებატონე არიშიძეების წინააღმდეგ მოწყობილ შეთქმულებაში მიუღია მონაწილეობა რაჭველ ყონალბთან ერთად.

კერძების სიტყვას დიდი გავლენა ჰქონდა ხალხში და ზოგჯერ ისინი მსაჯულებადაც კი განიკითხებოდნენ. გადამწყვეტიანს. მალყარელი ბარსუ აბოიანთი ლეხლების კერძი ყოფილა, მთიელებში დიდად პატივცემული და დაფასებული. ერთ დღეს მას ლეხში დიდი ხნის მოჩხუბარი და ერთმანეთზე მტრადგადაკიდებული ორი საგვარეულო შეუტრიალეს და მოსალოდნელი სისხლიანი შეტაკების საფრთხე აუცილებია. ამის შემდეგ კიდევ უფრო გაზრდილა ხალხში კერძის ავტორიტეტი, ამაზე მეტყველებს დღემდე ლეხში შემორჩენილი გამოთქმა—„იყოს აბოიანთ ხელი“—და მას-

თან დაკავშირებული ჩვეულება. მოწინააღმდეგენი, თუ შერიგებას გადაწყვეტდნენ, ერთმანეთს ხელს ჩამოართმევდნენ და იტყობდნენ—„იყოს აბოიანთ ხელი“—ო—ეს ფიცის სიმტკიცისა და მეგობრობის გამომხატველი იყო, ამის შემდეგ მათ ზორის მშვიდობიანობა მყარდებოდა.

1907 წლის არეულობის დროს რაჭის მეზობელი სოფლები — ლები და ჭიორა ერთმანეთს გადამტერებიან, ლებს ჭიორაზე თავდასხმაც კი მოუწყვია, მაგრამ ჭიორლებს უმარჯვნიათ და მომხდურნი დაუმარცხებიათ. მეზობლების შუღლისა და მტრობის ამბავს ყარაჩაის აულ უჩქულანშიც მიუღწევია და იქ მყოფ ლებელ და ჭიორელ მეღუქნეებს შორის უნდობლობისა და მტრობის თესლი გაუღვივებია. მოსალოდნელი ყოფილა ძმათა სისხლიანი შეჯახება, მაგრამ ყარაჩაველ კერძოკეთეებს ეს დროზე შეუტყვიათ, ნათი ქცევა სახალხოდ დაუგმიათ და ნომქეთა შორის ზავი ჩამოუგდიათ. ასევე საპატიო გავლენა ჰქონდა ჩრდილოკავკასიელ მთიელებში ქართველი ყონალების სიტყვას, ისინი ძველთაგანვე დიდ როლს ასრულებდნენ მთიელების დაახლოება-დაკერძების საქმეში.

დაკერძება

თავდაპირველად დაკერძება ხდებოდა ოჯახის უფროს მამაკაცებს შორის შრომაში ან ბრძოლაში ურთიერთგაცნობა-დაახლოებისას, საქმიანი კავშირის დამყარებისას. ასევე ყონალობაც მხოლოდ მამაკაცებს შორის იყო შესაძლებელი. ჩვეულებრივი სტუმარი ან შემთხვევით გაცნობილი კაციც კი შეიძლებოდა გარკვეული დროის გავლისა და მეგობრობაში სათანადო გამოცდის შემდეგ კერძი ან ყონალი გამხდარიყო. ყარაჩაული ჩვეულებით, უბრალო ნაცნობი, სამი დღის სტუმრობის შემდეგ, „ბაღალ ყონალად“ იქცეოდა და მათ ოჯახებს შორის მყარდებოდა ნათესაური კავშირი, რომელიც საუკუნეები გრძელდებოდა.

კერძოკეთეობა პურ-ღვინით უხვ სუფრასთან ფიცით მტკიცდებოდა. ქართველი და ჩრდილოკავკასიელი ოჯახის უფროსი ორი მამაკაცი, რომლებსაც ახლო მეგობრობა ან წარსული

ნათესაობა აკავშირებდათ, რომელთა შესახებაც მხოლოდ გად-
მოცემით იცოდნენ, და კერძმოკეთეობას გადაწყვეტდნენ,
ერთ-ერთის ოჯახში საწვეულო სუფრას გამართავდნენ, არ-
ყით სავსე ჭიქაში ვერცხლის ფულს ჩააგდებდნენ, ხელისელს
მისცემდნენ და კერძმოკეთეობას სახალხოდ შეჰფიცავდნენ:
სალ კლდესავით მტკიცე იყოს ჩვენი კერძმოკეთეობაო. ქარ-
თველი ყონალი კერძის დედის ან მისი დედობილის (ოჯახში
ყველაზე უფროსი დედაკაცის) ძუძუს თავს კბილით შეეხებო-
და, რის შემდეგაც დედა მას მიჰართავდა: აწ, ამას იქით შენ
ხარ ჩვენი ბაღალ ყონალ-ი, ჩემი შვილის ეწიეკი (ძუძუთ ძმა),
შენი მტერი—ჩვენი მტერი, შენი მოკეთე—ჩვენი მოკეთე,
ჩვენს მტერსა და მოშურნესა დაუდგეს თვალი, ჩამოუვარ-
დეს მხარი. მეგობრები არყიან ჭიქას რიგრიგობით ცლიდ-
ნენ და ფიციც ამით მთავრდებოდა. შეფიცულნი უკვე კერძ-
მოკეთეები იყვნენ, ამ დროიდან მათ შორის ფიცის გატეხა
არ იქნებოდა. ვერცხლის ფულს დედა ინახავდა, ნიშნად მი-
სი ვაჟისა და ქართველის დაშეგობრებისა, მისი დაკარგვა ან
გასაჩუქრება არ შეიძლებოდა, ძმობა დაირღვევაო, — ამბობ-
დნენ. იღბლიანი მონეტის სხვა წყვილთა დაშეგობრების ფი-
ცის დროს გამოყენება შეიძლებოდა და სასურველიც იყო,
მათაც ბედნიერი ძმობა-მეგობრობა ექნებათო.

ჩრდილოკავკასიელ მთიელებში დედის დიდ უფლება-
მოვალეობაზე ის ფაქტი მეტყველებს, რომ კერძმოკეთეო-
ბისა თუ ყონალობის ფიცის დადება ერთ-ერთის დედის თან-
დასწრებით ხდებოდა. „ფიც-ვერცხლნაქამნი“ (ვაჟა), ვალ-
დებული იყვნენ ურთიერთისათვის დახმარება გაეწიათ, და-
ეცვათ ერთმანეთი და განსაკუთრებით ერთი მეორეს დახმარ-
ებოდნენ მოქიშპეთა წინააღმდეგ ბრძოლაში. ოჯახებსა და
საგვარეულოებს შორის კერძმოკეთეობა, პირველად და-
კერძებული მამაკაცების სიკვდილის შემდეგაც არ წყდებო-
და და, ისტორიის სიღრმეში შობილი ეს ჩვეულება და წინა-
პართა ნაანდერძევი ფიცის სიტყვები, შთამომავლობიდან
შთამომავლობას გადაეცემოდა, რომელმაც ჩვენამდეც მოაღ-
წია. საინტერესო ის არის, რომ წინაპართა მიერ ერთხელ და-
დებული ფიცის შემდეგ, კერძმოკეთეობა შთამომავლობას

ამ ცერემონიის გარეშე გადაეცემოდა, ფიცი მხოლოდ პირველ დაკრძების დროს იღებოდა. ალექსი (გაბრიტიანთი) გობეჯიშვილი (სოფ. ჭიორა) მოგვითხრობს: ოჯახში უფროსები სშირად გვიყვებოდნენ კერძების შესახებ, დედაკაცი პიყოველ სადღესასწაულო დღეებში შინ ვარცლის წინ ლოცვით წარმოთქვამდნენ თითოეული კერძის სალოცავ სიტყვებს, ღმერთს მათ ბედნიერებას შესობოდნენ, შემდეგ შინა კაცების ლოცვას მოსდგებოდნენ. ბავშვებს საგანგებოდ გვასწავლიდნენ კერძების ენას, მათ სახელებს, მიგვაწიშნებდნენ აულებს. თან გვეუბნებოდნენ ჩვენს წინაპრებთან ფიც-ვერცხლნაქამნი არ დაივიწყოთო, მათი იმედით ვცხოვრობდით, მათით ვქაძდით ლუქაპაუროსო. მშობლების ეს ანდერძი მუდამ გვახსოვდა და შამების სიკვდილის შემდეგ შვილები ვაგრძელებდით ჩრდილოკავკასიელ მთიელებთან კერძმოკეთებასო.

ფიცის დადება ქართველ და ჩრდილოკავკასიელ მთიელებს სისხლის შერევისათვის სცოდნიათ, ეს ჩვეულება განსაკუთრებით სვანებსა და მის მოსაზღვრე მალყარლებსა და ყარაჩაველებს შორის ჩანს, მოფიცარნი ცერებს გაიკაწრავდნენ და სისხლიანი პირებით თითებს ისე გადააქდობდნენ ერთმანეთზე, რომ სისხლი კარგად შერეულიყო. ასე ერთდებოდა ფიცის განმტკიცებისათვის. ფიცით მტკიცდებოდა აგრეთვე ყონალობა, ძმადნაფიცობა, ადიღური „ტხარიოშ“, რომელსაც განსაკუთრებული ძალა ენიჭებოდა, როცა ადიღელები მთიდან ბარად ჩავიდოდნენ, ჩაჩნური „ძმათა საზოგადოება“ ე. წ. „ტაიპ“-ი რომლის ყველა წევრი ერთმანეთის ძმებად „ვოშა“-დ ითვლებოდნენ. მათ შორის ქორწინება შეთორმეტე მოდგმის შემდეგაც კი იკრძალებოდა.

აღსანიშნავია, რომ ამგვარი და ამის მსგავსი ხელშეკრულებისა და ფიცის დადების დროს ვერცხლისა და რძის გამოყენება ან სისხლის შერევა, სხვა ისტორიულ და თანამედროვე ხალხებშიც დასტურდება, მაგალითად, მცირე აზიის ხალხებში, სკვითებში, სლავებში, გერმანელებში, კელტებში, სერბებში, ბულგარელებში, ანტიკურსა და შუა საუკუნეების ევროპაში, აფრიკასა და სხვ. მაგიაჲ ქართული კერძმოკეთე-

ობა. ჩრდილოკავკასიური ყომალობა და, საერთოდ, სტუნიარ-ბასპინძლობის წეს-ჩვეულებები განსაკუთრებული თავისებურებებით ხასიათდებოდა. ეს კი უმთავრესად იმაში გამოიხატებოდა, რომ წარსულში კავკასიაში გაფანტულ უამრავ სხედასხვა და მონათეაფე ტომებსა და ხალხებს შორის ადგილი ექნებოდა მუდმივ მტრობასა და სისხლის ღვრას, თუ მათ შორის თავიდანვე არ დამყარდებოდა მეგობრობის მჭიდრო კავშირი კერძოკეთეობისა და ყონალობის სახით, რომლებიც უადრესად ახლო ნათესაური დამოკიდებულებებით გამოირჩეოდნენ. ამრიგად, მთიელთა დაუწერელი კანონები, ჩვეულებების სახით, ხელს უწყობდა ხალხთა დაახლოებას. მათ შორის ურთიერთობის განმტკიცებას, ტერიტორიულად დაშორებულ ხალხებს საშუალება ეძლეოდათ ერთმანეთში კეთილშეზობლური და საწყმიანი მიზოსვლა ჰქონოდათ.

ფიცის დადების შედეგ, კერძოკეთეებს შორის შეტად ახლო ურთიერთობა მყარდებოდა. „ძმადნაფიცები“ მთელი ცხოვრების მანძილზე ერთმანეთის უახლოეს ადამიანებად იქცეოდნენ. ასევე ხდებოდა ყონალობის დროსაც. საგულისხმოა, რომ აღნიშნული ურთიერთობანი დროთა ვითარებაში ხელოვნურ ნათესაობაში გადაიზრდებოდა.

კერძოკეთეობის ჩვეულება აკავშირებდა როგორც შეფიცულებს, ისე ორივე მხარის ნათესაობას და მათ შორის, პირველ ყოვლისა, საქორწინო კავშირი იკრძალებოდა, ასევე „ძმადნაფიცობა“ გაფიცულთა შორის ეკზოგამიას აწესებდა.

ჩაქველებს კერძი კაცებს გარდა, მთას იქითა აულებში დობილებიც ჰყავდათ. მეგობრული კავშირი მათთანაც ფიცით მტკიცდებოდა.

დაკერძება ერთსა და იმავე აულში ერთხელ და ერთ ოჯახთან ხდებოდა. არ შეიძლებოდა შენი კერძი ამავე დროს სხვისი კერძიც ყოფილიყო. კერძად ითვლებოდა პირველ დაკერძებული მამაკაცი, ხოლო მისი ცოლი—დაკერძებული მამაკაცის დობილად. ოჯახის სხვა დანარჩენ წევრებსა და ნათესავებსაც კერძებს ეძახდნენ. კერძის ცოლეულობას ისევე უყურებდნენ, როგორც საკუთარი რძლის ნათესავეებს და, მათზე ასე აზრობდნენ: კერძის ცოლი — ჩვენი რძალი, ჩვენი

დობლი, კერძის შვილი, კერძის სიძე-ქალიშვილი, კერძის ძმა, კერძის ბიძაშვილი, კერძის მეზობელი და ა. შ. ყოველი დასახელების წინ კერძის ხსენება განსაზღვრავდა პიროვნების ვინაობასა და ნათესაობის ხასიათს, ამავე დროს, ეს ოჯახისა თუ საგვარეულოს უფროსი მაჰაჯაცის, კერძი კაცის საპატივეცემლოდ ხდებოდა. ქართველი მთიელები კერძებს ყველას ერთნაირი გულთბილობით იღებდნენ ოჯახში და დიდი პატივისცემით ისტუმრებდნენ შინიდან. ქართველ ყონალებსა და მათ ნათესაებსაც ასევე თავისუფლად შეეძლოთ კერძებთან მიმოსვლა და მოსვენება.

მამაჯაცების დაკერძების შემდეგ სავალდებულოდ ითვლებოდა მათი ოჯახის წევრების ერთმანეთთან დაახლოება. ოჯახში ხელცარიელი, უსაჩუქროდ არ მივიდოდნენ, უბარაქობა არ დაეხდებოდათ. რაჭველს კერძთან რიგრაგობით მიჰყავდა ვაეიშვილები. ძმები, ბიძაშვილები, კერძი, მისი ოჯახი, ნათესაეები და მეზობლები, რომ გაცნობთ. მამაჯაცებისათვის საჩუქრად მიჰქონდათ: წინდები, პაუჭები, სამუშაო და საბრძოლო იარაღები. დედაჯაცებისათვის კი — აბრეშუმის მანდილი, ფართლეული. ხილეული და სხვადასხვა წვრილმანი. კერძები კი ყონალებს მეტწილად პირუტყვით ასაჩუქრებდნენ. ამას გარდა, საჩუქრად აძლევდნენ: მატყლს, ჩოხა-ნაბადს, ყაბალახს, ნაბდის ქუდს, შალის ქსოვილს, ტყავეულსა და სხვ.

მეტად საამაყო და აუცილებელი იყო ვაჟკაცისათვის კერძის, ყონალის ყოლა. ყმაწვილი კერძის გარეშე რომ არ დარჩენილიყო, ძმები გაყოფის დროს სახლ-კართან და ქონებასთან ერთად კერძებსაც ყოფდნენ. გაყოფის შემდეგ, ვის რომელი კერძი შეხვდა, მთას იქით კერძმოკეთებებს ატყობინებდნენ. კერძებს იყოფდნენ უფროს-უმცროსობით, უფროსი კერძი — უფროსი ძმის ხვედრი იყო, უმცროსი — უმცროსი ძმისა და ა. შ. ყონალებისა და ემჩეკების გაყოფის ანალოგიური ჩვეულება მალყარელ და ყარაჩაველ მთიელებშიც დასტურდება. მრავალსულიან ოჯახებში ყველა სრულწლოვან მამაჯაცზე კერძებისა და ყონალების გაპირობება რომ ხდებოდა, ამ შემთხვევაში პირველ დაკერძებულ ოჯახებს შორის, კერძმოკეთებობა როდი წყდებოდა, ისინი ძველებურად კვლავ

ერთმანეთის კერძოკეთებლად რჩებოდნენ, გაყოფის საშუალებით მხოლოდ კერძოკეთეობის წრე ფართოვდებოდა.

ენჩეკების გაყოფასთან დაკავშირებით, ჰალყარში საინტერესო წესი სრულდებოდა, გაყოფის შემდეგ ახალგაზრდა ტაუბიები (მთის აზნაურები), რომლებიც კერძოკეთეობით იყვნენ რაჭველ მთიელებთან დაკავშირებული, როცა დაქორწინდებოდნენ, რამდენიმე ნეფე-დედოფალი ზაფხულის ერთ მშვენიერ დღეს თავისი მაცრიონით ფასის მთით რაჭაში გადმოდის და ღებსა და ჭიორაში ყველა თავის ემჩეკს (ძუძუთ ძმას) ესტუმრებოდა. ემჩეკები მათ სასწიემო შეხვედრას უწყობდნენ და შეძლებისდაგვარად საჩუქრებსაც მიართმევდნენ, რომელსაც „ბერნე“-ს უწოდებდნენ.

აღსანიშნავია, რომ რწმენის სხვაობასა თუ პოლიტიკურ ცვლილებებს კერძოკეთეობის საუკუნოვანი ტრადიციები ვერ შეუფერხებია.

ქრისტიანი ქართველები მამაპაპური წესით—ჩვეულებრივი გულთბილობითა და ძმური სიყვარულით— აგრძელებდნენ მუსულმან ჩრდილოკავკასიელ მთიელებთან კერძოკეთეობას.

ეფროსინე (ჯაჯონთი) .ლობჯანიძის გადმოცემით, ერთხელ მათ ოჯახს სოფელ ღებში საახალწლოდ მალყარელი კერძი — მუსულმანი მუხა ჯარაშტალარიანი სწვევია და სტუმრად ექვსი თვე დარჩენილა. მუხა ოჯახში ჯალაბად მიუღიათ, დიდი პატივი უციათ და დიდადაც დაუფასებიათ. ეფროსინეს მამას ალექსის კერძის ხათრით საახალწლოდ შინ ღორი არ დაუკლავს, მუხას არ ეწყინოსო და საკლავი მეზობელთან გაუმზადებია.

მეტად საინტერესო ისაა, რომ კერძოკეთეობა არა მარტო ცალკეული პიროვნებების ურთიერთობით გამოიხატებოდა, არამედ შეიძლებოდა ერთი თემი ან ერთი ეთნიკური ჯგუფი მეორე თემის, ან მეორე ეთნიკური ჯგუფის კერძი გამხდარიყო, ან ერთი მხარე-ხეობა, მეორე მხარე-ხეობის კერძი ყოფილიყო. მთხრობელთა დასტურით რაჭის მოსაზღვრე დიგორი მთის რაჭის კერძი ყოფილა, დიგორის აულები ჭინაღავი და ნავაყავი კი სოფელ ჭიორის კერძი. მხარეებისა და სოფლების

დაკერძება განსაკუთრებით მნიშვნელოვან მოვლენასთან იყო დაკავშირებული. ხშირად მეზობელი მთიელები ერთმანეთში მეგობრობის ფიცს დებდნენ და ერთიანი ძალით ილაშქრებდნენ საერთო მტრის წინააღმდეგ. ამ ბრძოლაში გამარჯვებული ერთი მხარე ან ერთი სოფელი ნეორე მხარის, ან სოფლის კერძი ხდებოდა, ნიშნად საუკუნო მეგობრობისა.

კერძოკეთები განსაკუთრებულ ყურადღებას იჩენდნენ მიცვალებულის დატირებისა და გლოვის წესების შესრულებისას. ისინი უბედურ შემთხვევას ერთმანეთს „განმცხადების“ პირით ატყობინებდნენ, რომელსაც ძალყარში „კულუნ“-ს უწოდებენ. ასევე, როცა ძმადნაფიცი მოკვდებოდა, მისი ნათესაეები მეორე მხარეს ხატში მიიწვევდნენ, სადაც ძმადნაფიცთა შვილები და შვილიშვილები ერთად ასრულებდნენ მიცვალებულთა „სულის ხარჯებს“.

რატულ ხალხურ გადმოცემებს სამგლოვიარო ცერემონია-ალებში კერძოკეთების მონაწილეობის საინტერესო მაგალითები შემოუნახავს. ნესტორ ყაყენთის (რეხვიაშვილის, სოფელი ჭიორა) გადმოცემით, მისი პაპა ბადი რომ გარდაცვლილა, დიგორელი კერძები სამძიმრის სათქმელად მოსულან. ბადის შვილი ივანე ამ დროს მთას იქით ყოფილა სამუშაოდ წასული და მამის სიკვდილი არ სცოდნია. შინ მიმავალს მთაში ღოულოდნელად შეპყრიან სატირლიდან დაბრუნებული კერძები, რომლებიც ივანეს დანახვისთანავე შეჩერებულან, ნიშნად მისი პატივისცემისა, და წესისამებრ მისამძიმრების თადარიგს შესდგომიან: ჯერ ქამარ-ხანჯალი შემოუხსნიათ, იქვე დაუწყვიათ და შემდეგ უთქვამთ სამძიმარი, მათ შორის უფროსი მამაკაცი წინ წაშომდგარა და შეუძახნია. „რუხსაგ უ ბადი“ აცხონოს ბადიო. მაშინ შეუტყვია ივანეს მამის გარდაცვალება და მშობელი კერძებთან ერთად მამა-პაპური წესით იქვე დაუტირია.

კერძოკეთები მიცვალებულისა და მისი ოჯახის პატივისცემას იპითაც გამოხატავდნენ, რომ საქორწილო თუ სხვა საღებინო წვეულებებში არ მონაწილეობდნენ და თავიანთ ოჯახებშიც კრძალავდნენ ცეკვა-სიმღერას. კერძები სატირალში ხელცარიელი არ მიდიოდნენ. დაზარალებული ოჯახისა-

თვის ხელი რომ მოემართათ, მიჰყავდათ საკლავი, მიჰქონდათ პურ-ღვინო, არაყი და სხვა შესაწირავი.

ჩიხვებზე სანადიროდ მიჰვალ ქართველ მონადირეებს კერძების იმედით მთაში საგზალი არ მიჰქონდათ. მათ კერძები ყველაფრით ამირაგებდნენ, რასაც შოიხოვდნენ, მაგრამ თუ კერძს მათი დაჰმაცოფილების საშუალება არ ჰქონდა, მაშინ სანადიროდ ისიც მიდიოდა და მთელ ნანადირევს ყონაღს უთმობდა, თუ თვითონ ხელი მოეცარებოდა. სხვას გაძოართმევდა და მაინც ნისცემდა, რომ ყონალი უჰმაცოფილო არ გაეშვა, თუ ამასაც ვერ მოახერხებდა, ეს კერძის დიდ სირცხვილად და სტუმართმოყვარეობის წესის დარღვევად ითვლებოდა.

სიწერესოა, რომ საჩუქრებას მირთველის ასეთ ჩვეულებას ადიღლებში სტუმრის განსაკუთრებული სახე წაჰმოკეშვია. რომელსაც იქ „ხაჩუჯაო“—სტუმარმოხოვნიელი ეწოდება. თუ ოჯახის საჰიროება მოიხოვდა, „ხაჩუჯაო“ დასმარებისათვის თავის ყონაღს მიმართავდა. ამ შემთხვევაში სავალდებულო სტუმართმოყვარეობის გარდა, ყონაღს გაჰიროებაში ჩავარდნილი შეგობრის მიმართ განსაკუთრებული ყურადღება და გულუხვობა უნდა გამოეჩინა და ალაღად გაეცა საჩუქრად ის, რასაც „ხაჩუჯაო“ მოსთხოვდა პირუტყვისა თუ სხვათა სახით. აღნიშნული უპირატესობით მხოლოდ და მხოლოდ შორეული სოფლებიდან მოსული სტუმრები სარგებლობდნენ. თვით ადიღლები ჩვეულებრივი სტუმრობისას ერთმანეთს საჩუქრებს არ მიართმევდნენ. ამ მხრივ ქართველი და ჩრდილოკავკასიელი მთიელების კერძმოკეთეობა განსაკუთრებული გულუხვობით გამოირჩეოდა, შრომასა და ბრძოლაში ნტკიცდებოდა მათი ძმობა და მეგობრობა. კერძმოკეთეები ჰიროსა და ლხინის მოზიარენი ხდებოდნენ, ერთმანეთს ეხმარებოდნენ, ხშირად ეს თავგამოდება თავგანწირვამდეც კი მიდიოდა.

შ ე ჯ ა ლ ა ბ ე ბ ა

ქართველი ისე თავისუფლად გრძნობდა თავს კერძის ოჯახში, როგორც საკუთარ სახლში, მას პატივს სცემდა არა მარ-

ტო კერძი და მისი ცოლ-შვილი, არამედ მთელი მათი ნათესავები და საგვარეულო, მეზობლები და აულის მოსახლეობა. ასევე ქართველის ოჯახში იმდენად საპატიოდ ითვლებოდა კერძის სტუმრობა, რომ ზთიელთა მაშინდელი ადათით, თუ კერძი ოჯახში ასაკით სხვებზე უფროსი აღმოჩნდებოდა, ოჯახის უფროსობის უფლებაც კი ეძლეოდა. მასპინძელი ხნოვანებით უფროს კერძს საუფროსო სკამსაკარცულს უთმობდა. კერძი შინაურივით წარმართავდა მეგობრის ოჯახის სამეურნეო საქმიანობას. ჯალაბის ყველა წევრი ემორჩილებოდა კერძს, მისი სიტყვის შებრუნებას ვერავინ ბედავდა. ყარაჩაული და მალყარული ჩვეულებებითაც ასე ხდებოდა.

თუ კერძმოკეთებები ერთმანეთთან ოჯახებით მოხედებოდნენ სტუმრად, მათი ოჯახები დროებით ერთდებოდნენ, რასაც „შეჯალაბება“ ეწოდებოდა. ასე გაერთიანებულ ოჯახებში ჩვეულებრივ უმცროს-უფროსობის წესი არ ირღვეოდა, ჯალაბად შესულნი ოჯახში იმავე უფლებით სარგებლობდნენ, როგორც ძირითადი ოჯახის წევრები. საოჯახო საქმეებზე უფროსი მამაკაცი და დედაკაცი განაგებდნენ, კერძის შვილები მათ დედობითა და მამობით მიმართავდნენ, თვით ბავშვები კი ერთმანეთს დაძმობას ეფიცებოდნენ. საოჯახო სამეურნეო საქმიანობაში ყველა შრომისუნარიანი მონაწილეობდა, შრომისაგან ანთავისუფლებდნენ მხოლოდ დავრდომილებს, სულით ავადყოფნებსა და მოხუცებს, მაგრამ, თუ თვით ისურვებდნენ რაიმე საქმიანობის შესრულებას, ამაში ხელს არავინ უშლიდათ. ოჯახში, როგორც წესი, მამაკაცები და დედაკაცები პურის საქმელად ცალ-ცალკე სხდებოდნენ, მშობლები ერთნაირი გულთბილობით ეპყრობოდნენ თავისა და კერძის შვილებს. შეჯალაბებული ვალდებული იყო პატივისცემით მოჰკიდებოდა ძირითადი ოჯახის რელიგიურ, ეროვნულ წესჩვეულებებს—დაეცვა მამაპაპური წესები შინ და გარეთ, მონაწილეობა მიეღო ყოველგვარ საოჯახო თუ სასოფლო-საზოგადოებრივ საქმიანობა-ცერემონიალებში, ჭირისა და ლხინის მოზიარე გამხდარიყო. ეს ასეც ხდებოდა, ამიტომ შეჯალაბებულთ ყველა პატივისცემით ეპყრობოდა.

დიგორიდან გადმოხვეწილი ყურმანა ყუქელოვი სოფელ

ჭიორაში მათე (სოლოღანენთი) რეხვიაშვილის ოჯახს შეჯალაბებია. ყურმანა მათი მამაპაპური კერძი ყოფილა და, როცა გასქირვებია, მფარველობა ქართველი ყონალისათვის უთხოვია, რომელსაც დიდი პატივით მიუღია ყურმანა ჯალაბად და, როგორც ასაკით ყველაზე უფროსი, მისთვის ოჯახის უფროსობაც დაუთმია. თავის სკამსაკარცხულში ჩაუჭენია. ორი წელი უცხოვრია: ყურმანას მათე რეხვიაშვილის ოჯახში, შენდეგ საჩუქრებით გაუცილებიათ შინ.

კერძებიც ასეთივე სტუმართმოყვარეობას იჩენდნენ ქართველი მეგობრებისადმი. იგივე მათე რეხვიაშვილი ერთხანს დროებით თავის ცოლ-შვილით ალაგირელი კერძის— ბიზბულათის ოჯახს შეჯალაბებია. კერძი ასაკით მათეზე უფროსი ყოფილა და მთელი ოჯახი მისი მეთაურობით საქმიანობდა, მათე და მისი ცოლ-შვილი ჩვეულებრივ ისევე მონაწილეობდნენ საოჯახო სამეურნეო სამუშაოებში, როგორც ბიზბულათისა. მათი სუფრაც განუყოფელი ყოფილა, თუ მანაკაცი თავის ცოლ-შვილისათვის რაიმეს იყიდდა, აუცილებლად ისეთივე კერძის მონაგრისათვისაც უნდა შეეძინა, რომ საწყენი საქმე არ ჩაედინა. წელიწად-ნახევარი უცხოვრია მათესა და მის ცოლ-შვილს კერძის ოჯახში და, ბოლოს, როგორც კარგი ნათესავები, ერთმანეთს გულისტკივილით დაშორებიან.

მთის რაჭის სინამდვილეში კერძის დროებით შეჯალაბების გარდა, ოჯახში მათი მუდმივი წევრად მიღების ჩვეულებაც დასტურდება, ეს იგივეა, რაც აღმოსავლეთ საქართველოს მთაში გავრცელებული ამანათობა (ოღონდ ეს ტერმინი რაჭაში არ იხმარება). კერძს, რომელიც ოჯახისა და თავის დაცვის მიზნით მკვლელობას ჩაიდენდა ან მებატონეს შეურაცხყოფდა, სისხლის აღებისა და შურისძიების შიშით აულში აღარ ედგომინებოდა და ამჯობინებდა თავისი ოჯახით სხვაგან გადახვეწილიყო, რომელიმე ძლიერი საგვარეულოსათვის შეფთარებინა თავი. ამ შემთხვევაში მას გვარი უნდა გამოეცვალა და იმ გვარზე დაწერილიყო, ვისთანაც ჯალაბად შედიოდა, აგრეთვე მათი საოჯახო და საგვარეულო ადათ-წესების, რელიგიური ჩვეულებების მონაწილე და პატივისმცემელი უნდა გამხდარიყო. ასეთ შემთხვევაში ოჯახი უცნობთან როდი მი-

დიოდა, პირიქით თავის მამაპაპურ კერძსა თუ ყონალს შეს-
თხოვდა მფარველობასა და შეჯალაბებას. კერძის მხრივ,
უარის თქმა არ შეიძლებოდა, რადგან სტუმართმოყვარეობის
ჩვეულებით ეს დიდ სირცხვილად და დანაშაულად ითვლებო-
და. ამიტომ იყო, რომ ახალი წევრების ჯალაბად მიღებას ყო-
ველთვის დიდი სიხარულით ხვდებოდნენ, რაც ფიცის დადებ-
ით აღინიშნებოდა. ჯალაბად შესვლის შემდეგ, კერძის ოჯა-
ხის შეურაცხყოფას მათი მოსისხლე მტრებიც კი ვეღარ ბე-
დავდნენ, რადგან ეს მათი ოჯახისა და საგვარეულოს აღშფო-
თებას გამოიწვევდა, თანაც მათ ასეთ საქციელს მასპინძლები
აბუჩად აგდებდნენ. თავის დამცირებად მიიჩნევდნენ და მათ ხე-
ლყოფას არავის აპატიებდნენ.

XIX საუკუნეში კლასობრივი ბრძოლის ერთ-ერთი ფორ-
მა უკმაყოფილო გლეხების თავისი მებატონეებისაგან გაქცე-
ვა გამხდარა. მთას იქიდან გადმოხვეწილი, ბატონყმობის წინა-
აღმდეგ მებრძოლი მრავალი კერძმოკეთე შეუფარებიან თავი-
სი ოჯახით ქართველ მთიელებს.

ნიკო სიმონის ძე გავაშელის (სოფ. ლები) გადმოცემით,
მათ წინაპარს—გვარად თოქათის—დვალეთის აულ გალიათას
უცხოვრია, ავი ბატონი ჰყოლია, მისი ავკაცობა ვეღარ აუტა-
ნია და მოუკლავს. ამის შემდეგ თოქათის ოჯახი, ორი ძმა
ცოლ-შვილით რაჭაში გადმოხვეწილან და ლებელი ყონალის—
გავაშელის ოჯახში ჯალაბად შესულან, მათი გვარი მიუღიანთ
და ერთ დიდ ოჯახად ცხოვრება დაუწყიათ. ამ დროს გავაშე-
ლების სახელგანთქმული და ძლიერი საგვარეულოს მფარვე-
ლობის ქვეშ შესვლას დიდი მნიშვნელობა ჰქონია დევნილი
ოჯახის გადასარჩენად, რადგან გავაშელების ოჯახის შეურაცხ-
ყოფას ვერავინ გაბედავდა და თოქათებსაც მშვიდი ცხოვრე-
ბა ექნებოდათ. მხოლოდ დროთა ვითარებაში გაყოფილა გა-
ვაშელების დიდი ოჯახი, თოქათის შთამომავალნი ცალკე ოჯა-
ხად გასულან და კვლავ გავაშელის გვარს ატარებენ, განაყო-
ფი ოჯახები ერთმანეთის მოძმეებად თვლიან თავს, ჰირსა და
ლხინში ერთად არიან, თოქათელებმა მხოლოდ გადმოცემით
იციან, რა გვარისა და სადაურნი არიან.

საინტერესო ისაა, რომ ქართველი ხიზნების ჩრდილოკავ-

კასიელ მთიელთა ოჯახებშიც ჯალაბად მიღების ანალოგიური წესი ჰქონიათ. ოდიტვანვე ქართველი ხიზანი გლეხებისა თუ დიდებულების თავშესაფარი ყოფილა; მალყარი, ყარაჩაი, დიგორი, ბასიანი, დვალეთი, ყაბარდო, ადიღე, „მინდვრის ოსეთი“. თავშესაფარის თხოვნასთან დაკავშირებით ჩრდილოკავკასიელ მთიელებში ასეთი წესი სრულდებოდა: თავშესაფარის მთხოვნელი ხელით უნდა შეხებოდა იმ მასპინძლის ჩოხის კალთას. ვისი მფარველობის ქვეშ ყოფნაც სურდა, და ეთქვა: შენი მფარველობის ქვეშ შემოვდივარო.

ლებიდან რაჭის ფეოდალების ურჩობას გაქცევია ქუჩუკ ლობჯანიძე, რომელსაც მალყარელი კერძის მამაგოჰედა ბატაშევის ოჯახში შეუფარებია თავი. გენერალ ერისტოვს 1849 წლის 30 ივნისს ბრძანება გაუცია მებატონეების წინააღმდეგ მებრძოლი რაჭველი გლეხის ძებნა-დაპატიმრების შესახებ.

რაჭველი მებატონე ჯაფარიძის წინააღმდეგ მებრძოლი ქიორელი ჩაგელიშვილების მთელი ოჯახი—ხუთი ძმა და ერთი და: გიორგი, ოთარი, პეტრე, შალიკა, ბასია ცოლ-შვილით, დათინა, მებატონეების რისხვა რომ ასცდენოდათ, რამდენიმე წლით დიგორში გადახვეწილან და კერძებს შეჯალაბებიათ.

საინტერესო ის არის, რომ ამ ხალხურ გადმოცემას ნათელი მოჭვინა ქუთაისის სახელმწიფო არქივში ნაპოვნმა თვით ხოსიკ ჯაფარიძის ხელით დაწერილმა 1863 წლის 11 მაისის საბუთმა, რომელშიც ნათქვამია: „მარადის სრული წინააღმდეგობა მათ მიერ, და ქადილი ჩემი მოკვლისა... მას მერმეთ იქნება 15 წელიწადი მე და უბნის უფროსი, რომელიც გაგზავნილი იყო ყმა ჩაგელიშვილების ჩემს მორჩილებაში მოსაყვანად, კილამე მოგვეკლეს, შემოგვერტყენ ირგვლივ სახლზედ, რომელშიდაც ვიყავით გატენილის თოფებითა, მაგრამ დაგვიხსნა ჩვენ მათგან მაზრის უფროსმა, რომელმაც მოიყვანა შეიარაღებული ხალხი. როგორც კი მოვიდა მაზრის უფროსი თავისი რაზმით, ისინი მაშინთვე გადაცვიდნენ ოსეთში და იმალდებოდნენ იქა ხუთი წელიწადი.“

გარეშე მტრების შემოსევებითა თუ შინაური არეულობით გაპარტახებული სოფლების აღდგენა-განახლებასა და იქ

მოსახლეობის მომრავლებას დიდად უწყობდა ხელს კერძო-კეთეობა და მასთან დაკავშირებული წეს-ჩვეულებები, განსაკუთრებით ჯალაბად შესვლა, რომლებიც საგვარეულოებისა და ოჯახების ახალი წევრებით შევსებისა და მოსახლეობის ზრდა-განვითარების ერთ-ერთი მთავარი საშუალება გამხდარა.

ყარაჩაიში მეტად საინტერესო სიმბოლური წესით სრულდებოდა ჯალაბად მიღება. გადმოხეწილებს გვარში მიღების წინ გაატარებდნენ ჯოხის ქვეშ, რომელიც ამ საგვარეულოს უზუცესებს ეჭირათ ხელში, მათ „მიმღებთ“ ეძახდნენ. ჯოხის ქვეშ თვით მიმღებ უზუცესებსაც უნდა გაეცლოთ. ამ წესით გვარში მიღებულთ „ჯოხისქვეშა ძმებს“ უწოდებდნენ, მათგან განსხვავებით. ნამდვილ ძმებზე ამბობდნენ, „ცეცხლის მოზიარე“ ან „სისხლით ძმები“ არიანო. მათ ოჯახის გაყოფისას ცეცხლის წილიც ეძლეოდათ ნაკვერცხლების სახით ახალი კერის გასაჩაღებლად, ასეთი პატივი შეძენილ, ანუ „ჯოხისქვეშა ძმებს“ არ ჰქონიათ.

შეჯალაბების ჩვეულებით, გვარის კაცად უცხო პირის მიღება ორმხრივ სასარგებლოდ ითვლებოდა. ერთი მხრივ, უცხო კაცი ხდებოდა გვარის სრულუფლებიანი წევრი, რომელსაც ჯალაბი მფარველობასა და ყოველმხრივ დახმარებას უწევდა. მეორე მხრივ, ახალი წევრის მიღება გვარს, ოჯახს მეტ ძალასა და სიმტკიცეს მატებდა, რადგან გვარის სიდიადე და ავტორიტეტი იმ დროს მამაკაცთა სიმრავლით განისაზღვრებოდა. გვარის გაძლიერების მნიშვნელოვან წყაროს წარმოადგენდა რაჭული სხვისშვილობა,¹ რომელიც ქართველი და ჩრდილო-კავკასიელი ხალხების ისტორიულ კავშირ-მეგობრობას, ურთიერთშორის კერძოკეთეობასა და ჩვილ ყრმათა აღსაზრდელად დროებით გაშვილება-გაბარების ადათ-წესს გვისურათებს.

კერძობას ამავე დროს ღრმა ეკონომიური საფუძველი ჰქონდა, ამიტომ ქართველ და ჩრდილოკავკასიელ მთიელებს შორის საქმიანი კავშირურთიერთობა და მიმოსვლა არ წყდებოდა. მთის რაჭველ კაცს შინ გული არ უდგებოდა. სამუშაოს

¹ ს. რეხვიაშვილი, ურ. „ცისკარი“ I. 1974, გვ. 133—142.

ეძებდა და ვაქრობაზე ფიქრით თვალი მთას იქით ექირა. ხალხური გამოთქმით „აქაური კაცი მუდამ გზას იყო გაკრული“, ე. ი. სულ მგზავრობაში იყო.

მგზავრობა წასვლა

შორი და საბიფათო გზა მგზავრის საგანგებო მომზადებას მოითხოვდა. ამიტომ წინასწარ დიდი სამზადისი იყო ოქასში, როცა შინაურებს სავაჭროდ ან სავაჭროდ მთას იქით მიაცილებდნენ. გარიერაზე იდგოდნენ, სოფელს რომ ეძინა, როგორც რაჭველები ამბობენ, სანამ „ნზე ამოიწვერებოდა“. ეს იმიტომ, რომ „ავი თვალისა“ და „ცუდი ფეხის“ ადამიანების შეხვედრა თავიდან აეცდინათ. გვერდს უვლიდნენ „ავი სულების“ სადგომად მიჩნეულ, ე. წ. ნაძრახ ადგილებს. მგზავრობდნენ მხოლოდ სამშაბათობითა და ხუთშაბათობით, რადგან მათ სავსე და ბედობლიან დღეებად თვლიდნენ. დანარჩენ დღეებს, როგორც კვიპატიან და ნაკლულ დღეებს, არ ენდობოდნენ. მგზავრები ცისკრის ვარსკვლავის ამოსვლამდე შინიდან გარეთ არ გავიდოდნენ. რაჭველები, უძველესი ადამიანების მიხედვით, მკაცრად იცავდნენ მგზავრად წასვლის წესებს. პირველი მამლის ყვილისას მგზავრად წამსვლელნი და მათი გამცილებელი ოქასის წევრები აიშლებოდნენ. უფროსი დიასახლისი ყველას დაასწრებდა ადგომას და საჯილის მზადების თადარიგს შეუდგებოდა, პურებსა და ბაჭულებს აცხობდა, ღორს ხარშავდა, ქერის ხალასა და არაყს გუდაში ალაგებდა, თუ მარხვა იყო, ხორცეულს არ ჭამდნენ, ეს ცოდვად ითვლებოდა, ხმელი პური, ხილი, ფხალეული, თევზეული, ტყის ხილი და უმად საჭმელი ბალახები იყო მათი მთავარი საკვები. მარხვა ექვსი კვირა გრძელდებოდა თებერვალმარტში. მეტად საინტერესო წესი სრულდებოდა მთის რაჭაში დიდმარხვის დაწყება-დამთავრების გასაგებად. დადგებოდა თუ არა დიდმარხვა, ქათმის ექვს ცალ ნაფტკენს აქა-იქ ჩაასობდნენ ხის პატარა კუნძუზე ან მიწის გუნდაზე და საფრთხობელასავით შინ კერიის ახლო დედაბოძზე დაჰკიდებდნენ, მას „ლომპაპს“ ეძახდნენ, ამით ბავშვებსაც აშინებდნენ და მგზავ-

რებსაც თან მიჰქონდათ ეს თილისმა. რამდენი კვირაც გავი-
ლოდა, იმდენ ნაფტკენს ამოიღებდნენ და გადააგდებდნენ.
ნაფტკენის გამოლევა დიდმარხვის დამთავრებასა და აღდგო-
მის დადგომას იუწყებოდა. იწყებდნენ ხორცეულის ჭამას,
რასაც განსნილებას უწოდებდნენ. ამას გარდა, დიასახლისი
შელოცვილ ავეგაროზებასა და ხის პატარა ჯვარს მისცემდა
მგზავრს, გზა მშვიდობისა და ფულის ბარაქა ექნებოდა. შინა-
ურბებში არჩევდნენ „კარგ წინდამხედურს“, „კარგი ფეხის“
აღაპიანს, ნაკვერჩხლებით სავსე ტაფით ხელში მგზავრს წინ
დაუხვდებოდნენ, იგი მგზავრს წინ გაუბნევდა ნაკვერჩხლებს,
პირჯვრის წერით, ლოცვა-ვედრებით სამჯერ წაღმა დაბრუნ-
დებოდა, თან იძახდა:—ასე წაღმა დააბრუნოს გამჩენმა მგზავ-
რის საქმე და შინ მშვიდობით მოიყვანოსო. დიასახლისი განა-
ტებს გატებსდა, მგზავრს სამჯერ წაღმა დააბრუნებდა, ვარც-
ლის წინ პირჯვარს გადაიწერდა და სახლის წმინდა ანგელო-
ზებს შესთხოვდა, — ჩვენს მგზავრს მშვიდობით მგზავრობა
მიეციო. მერე შუა ცეცხლის პირას კერიასთან სუფრას გაშლი-
და, პირველად სუფრის თავში მჯდომი უფროსი მამაკაცი დას-
წვდებოდა განატებს, სამჯერ წაღმა შემოაბრუნებდა და იმის
მიხედვით, თუ რომელ სოფელში სრულდებოდა ეს წესი. პირ-
ჯვრის წერითა და ლოცვა-ვედრებით ყველა თავის სოფლის
სალოცავს მოიხსენიებდა. ლოცვა-ვედრების შემდეგ ოჯახის
უფროსი მამაკაცი განატებს გატებსდა და პურის ჭამას შეუდ-
გებოდნენ. თითო-ოროლა ჭიქა ღვინოს დალევდნენ, მგზავრს
ბედნიერ მგზავრობას უსურვებდნენ და გულთბილი სიტყვე-
ბით აწხნევებდნენ.

ცისკრის ვარსკვლავის გამოჩენას რომ ახარებდნენ ოჯახს
და მგზავრის შინიდან გასვლის წუთები დადგებოდა, არ შეიქ-
ლებოდა ამ დროს ოჯახში ფეხზე მდგარიყო ვინმე. ოჯახის
უფროსი მამაკაცი იტყოდა:—დაჯექით! ყველანი დასხდებო-
დნენ. ერთი-ორი წუთის დუმილის შემდეგ პირველად უფრო-
სი მამაკაცი წამოდგებოდა, მას სხვებიც მიბაძავდნენ. პირ-
ჯვრის წერით მამაკაცი კარისაკენ გასწევდა, სხვებიც მიჰყე-
ბოდნენ და ლოცვით მიაცილებდნენ მგზავრს. ეს რიტუალი
სოფლიდან მიმავალი ყველა მგზავრის ოჯახში სრულდებოდა.

მერე სოფელში დათქმულ ერთ ადგილზე შეიყრებოდნენ და მგზავრები კოლექტიურად დაადგებოდნენ მთას იქით მიჰავალ შორეულ და სახიფათო გზას. წინ მიუძღოდა მეთაური, რომელიც ასაკითა და სამგზავრო ცოდნა-გამოცდილებით ყველასაგან გამოირჩეოდა.

რაჭველები სავსე მთვარეზე მგზავრობას ამჯობინებდნენ, ეს დოვლათიანობის საწინდრად მიაჩნდათ. სავსე წავალთ და სავსე მოვალთო, — ამბობდნენ ისინი. გალუული მთვარე აშინებდათ, ჩვენც მის მსგავსად ნაკლული და უდოვლათო შევიქნებითო. თუ მგზავრად წასვლას ახალი მთვარე დაედრებოდა, ეს კარგიაო. როგორც კი ახალ მთვარეს თვალს მოჰკრავდნენ, მაშინვე შეჩერდებოდნენ, სამჯერ დაუწრუპუნებდნენ, თვალი არ ეცესო, და ლოცვა-ვედრებას მოყვებოდნენ. ყველა სათითაოდ იღებდა ფულს და მთვარეს ანახვებდა, ფულის იღბალი გვექნებაო. ისინი მთვარეს თვალმოუცილებლად შესცქეროდნენ. თან პირჯვარს იწერდნენ, ღმერთს მგზავრობაში შემწეობასა და ბედ-იღბალს შესთხოვდნენ. განსაკუთრებით ახარებდათ ახალი მთვარის იღბლიანი, მდიდარი კაცის ან ოჯახის თავზე მოულოდნელი, უცაბედი გამოჩენა, რაც მათი რწმენით ბედ-იღბლიანობას მოასწავებდა. თუ ახალ მთვარეს უბედური, ღარიბი და დაქცეული ოჯახის ან კაცის თავზე დაინახავდნენ, წუხდნენ—ღმერთო რა შეგცოდნეთ ამის ფასი. რომ ახალი მთვარე უბედური კაცის თავზე დაგვანახვეო, თუ რამ შეგცოდნეთ ჩვენდა უნებურად, გვაპატიე და მშვიდობით გზა მოგვეციო.

უოველ წუთს მოსალოდნელი ზიფათით აღსავსე სტიქიური მოვლენები შიშის ზარს სცემდა ბუნების მოვლენებში გაუთვითცნობიერებელ მორწმუნე მთის რაჭველებს და, სხვა ღონე რომ არ ჰქონდათ, ისინი მთის წმინდა ანგელოზების მომადლიერებაში ხედავდნენ ხსნას. მოსამადლიერებლად ასრულებდნენ მრავალ რიტუალს, რასაც სიმღერა-გალობით გამოხატავდნენ. უღელტეხილს მიუახლოვდებოდა თუ არა ქარავანი, წმინდა ადგილად მიჩნეულ კლდის ძირში მოთაღრი სანთლებს აანთებდა, განატეხს გატეხდა, თითო ლუკმას ყველას შეახვედრებდა და მერე სიმღერას დასძახებდნენ:

მთაო, გადგვიშვი, მაღალო,
ჩა ნისლი დაგიხვევია,
ჩველსა სატრფოსა გადაღმა
სავე ვინმე გადახვევია.

სიმღერა-გალობას რომ მორჩებოდნენ, მგზავრები დაჩოქილნი ლოცვა-ვედრებას დაიწყებდნენ. ქუდმოხდილნი პირ-ჩვარის წერით წარმოთქვამდნენ: აი, მთაო, მთის მთავარ ანგელოზო, გვიწინამძღვრე, ბედნიერი მგზავრობა მოგვეცი და შინ მშვიდობით დაგვაბრუნეო.

მთას იქით ყველა მგზავრი თავის კერძის ოჯახს მიაშურებდა. კერძები დიდი სიხარულით ხვდებოდნენ ქართველ მგზავრებს, თბილი ბინა და საკმელი მათთვის მუდამ მზად იყო.

რაჭველების კერძებთან წასვლა დაკავშირებული იყო სხვადასხვა საქმიანობასთან. მათ უმეტესად ხელოსნობა, ალებ-მიცემობა აკავშირებდათ.

ბარე სამუშაოზე გასვლა

რაჭაში არავის ახსოვს, ვინ იყო პირველი მოხელე, რომელმაც გუდა-ნაზადი აიკრა, პირქუში კავკასიონი გადალახა და სამუშაო იარაღებით კერძებს მოევიღინა, როგორც მშენებელი თუ უბრალო მუშა-ხელოსანი. ერთი რამ კი ცხადია, ეს შორეულ წარსულში უნდა მომხდარიყო, რადგან რაჭველები უძველესი დროიდან ცნობილი არიან, როგორც გარე სამუშაოზე მოსიარულე ხალხი.

რაჭველ ხელოსანთა შრომა, ადგილზე დურგალთა და კალატოზთა სიმრავლის გამო, მუდამ იაფად ფასობდა, ამიტომ ხელოსანთა ამხანაგობების უმრავლესობა გარე სამუშაოზე გასვლას ამჯობინებდა. აქაური მოსახლეობის ძირითადი ნაწილი სახნავ-სათესი მიწების ნაკლებობას განიცდიდა, ისინი მცირე მოსაველს ღებულობდნენ და ოჯახს მინიმალურადაც ვერ აკმაყოფილებდნენ. მკაცრ გეოგრაფიულ გარემოსთან ერთად ესეც ერბ-ერთ მიზეზს წარმოადგენდა, რომ რაჭველ კაცს რაიმე ხელობა შეესწავლა და სამუშაო სხვაგან ეძებნა.

მოსავლის ალების შემდეგ, ოქტომბერში, მამაკაცების სამი

მეოთხედი გარე სამუშაოზე მიდიოდა, შინ მხოლოდ სააღდგომოდ ბრუნდებოდნენ. 1904 წლის 11 იანვარს გაზეთ „ცნობის ფურცელში“ ეწერა: „მთელი რაჭა ზამთრობით სამუშაოდ არის წასული, გაზაფხულზე მოვლენ სახლში და მოიტანენ, რასაც იშოვნებენ ორი სამი თვის განმავლობაში, წვითა და დავით ნაშონ ორ გროსს და, ისიც სიმინდში უნდა აძლიონ“.

აქვე გაზეთის 27 თებერვლის ნომერში კი ვკითხულობთ: „რაჭაში, ზამთრობით ქალისა და კაცის საქმეს ქალები ასრულებდნენ, რადგან კაცები ამ დროს სახლში არ რჩებიან და სხვაგან მიდიან სამუშაოდ. სოფლები, რომლებიც სახნავი მიწების ნაკლებობას განიცდიდნენ, გარე სამუშაოზე დიდძალ მუშახელს უშვებდნენ. გარე სამუშაოზე მუშახელის დენადობით გამოირჩეოდნენ ზემო და მთის რაჭის სოფლები: უწერა, ნაკიეთი, ფარავნეში, ნიგავზები, ძეგლვეი, საკაო, სომიწო, ლაგვანთა, ჭინჭვისი, კვაყა, გომი, შეუბანი, ღარი, ონჭევი, ირი, წედისი, ცხმორი, შქმერი, პიპილეთი, დები, ჭიორა, გლოლა. ხანგრძლივი ზამთრის განმავლობაში (6—7 თვეს გრძელდებოდა) აღნიშნული სოფლების მამაკაცები სამუშაო საქმიანობით ნაკლებად იყვნენ დატვირთული, ამიტომ, შემოდგომა-ზამთარში გარე სამუშაოზე მასიურად გასვლის შესაძლებლობა ეძლეოდათ. იმ დროს, როცა სხვაგან მოსავლის აღების შედეგ ხალხი ისვენებდა, რაჭველები გარე სამუშაოზე მიდიოდნენ. გადაუჭარბებლად შეიძლება ითქვას, რომ რაჭის მთელი შეძლებული მამაკაცობა გარე სამუშაოზე მიდიოდა. შინ მხოლოდ ქალები, ბავშვები და მოხუცები რჩებოდნენ. ნაწილი მამაკაცებისა ქვემო რაჭა-იმერეთში დურგლობდა, ნაწილი ოსეთისა და ყაბარდო-მალყარეთის აულებს მიაშურებდნენ და ვლადიკავკავშიც ჩადიოდნენ. რაჭველები გარე სამუშაოზე სექტემბერ-ოქტომბერში მიდიოდნენ და შინ აპრილ-მაისში საგაზაფხულო სამუშაოების დაწყებასთან დაკავშირებით ბრუნდებოდნენ.

XX საუკუნის დასაწყისში კერძემა საშუაავლო როლი შეასრულეს რაჭიდან ამერიკაში მუშახელის მიზიდვისათვის, ამერიკელი კაპიტალისტები უკავშირდებოდნენ ჩრდილო ოსეთის სარკინიგზო დაბეზსა და ქალაქებს, აქედან ოსი კერძების

რჩევითა და მათივე თანამგზავრობით გადადიოდნენ რაქაში და აგიტაციას უწევდნენ მოსახლეობას ამერიკაში მუშათა სკიპროებისა და ცხოვრების პირობების შესახებ. 1907-1912 წლებში რაქის სოფლებიდან ცრუ დაპირებებით გაბრიყვებული მრავალი მუშა მამაკაცი წაუყვანიათ კანადისა და ჩრდილო ამერიკის მაღაროებში, ახალმშენებლობებზე და ულრანი ტყეების გაკაფვა-გზების გაყვანის სამუშაოებზე, სადაც საშინელ ექსპლუატაციასა და ტანჯვა-წამებაში ჩაეარდნილან, მუშათა უმრავლესობას მალე უგრძენია, რომ კაპიტალისტებმა მოატყუეს და პირველი მსოფლიო ომის წინა დღეებში შინ დაბრუნებულან, მრავალი მუშა დაღუპულა და სამუდამო სამარე შორეული ამერიკის მიწაზე უპოვია.

რაქიდან მუშახელის გარე სამუშაოზე გასვლას განსაკუთრებით ფართო ხასიათი XIX-XX საუკუნეებში მიუღია. მკედელთა, ღურგალთა, კალატოზთა და ე. წ. „შავმუშათა“ ამხანაგობები განუწყვეტლივ მიდიოდნენ ჩრდილო კავკასიისა და რუსეთის სამრეწველო ქალაქების, დაბებისა და სოფლები-საკენ.

მ ზ ე ლ ო ბ ა

რაჭველი ხელოსნები არა თუ აღნიშნულ პერიოდში, არამედ უფრო ადრეც. ცნობილი ყოფილან როგორც ლითონის და მუშავეების შესანიშნავი ოსტატები. ამის დაზადატურებელ მატერიალური ძეგლების სიუხვესა და ხალხურ გადმოცემებზე რომ აღარაფერი ვთქვათ, მთის რაჭული ტოპონიმიკური სახელები: „მკედლის ტყე“, „სარკინეთი“, „ხანთაკი“, „სახუნდარი“, „ნაბოსლი“, „მაღაროები“ წარსულში აქ მკედლობის ფართო ხასიათზე მიგვანიშნებენ. მთის რაჭული საგვარეულოს კომლური სახელი მკედლიანთი, თავისი წარმოშობით სამკედლო საქმიანობას უკავშირდება. მათი შორეული წინაპარი მკედელი ყოფილა, მის პატივსაცემად მკედლიანთიც აქედან შეურქმევიათ. ეს საგვარეულო მკედლობის მამაპაპურ ცოდნა-გამოცდილებასა და სამკედლო საქმიანობის საიდუმლოს სხვას არავის უმხელდა, მაშა მხოლოდ შვილს ასწავლი-

და მკედლობას, რკინის კედვის საიდუმლოსაც მას გაანდობდა და ეს საქმე ასე გადაეცემოდა თაობიდან თაობას და ამიტომ იყო, რომ საგვარეულოში მკედლობა დავიწყებას არასდროს ეძლეოდა. მთის რაჭის ყველა სოფელს ჰქონდა სამკედლო და ჰყავდა მკედლები. ადგილობრივი რკინის მადნისა და ხის ნახშირის სიუხვე დიდად უწყობდა ხელს მკედლობის საქმიანობას. წედისი და მისი მახლობელი „სარკინეთის“ თემები უწინ მხოლოდ რკინის დამუშავებით ცხოვრობდნენ. რკინის მადნითა და სამკედლო საქმიანობით განთქმული ყოფილა კირტიშოს მთის ძირა ჭანჭახისა და გონის მიდამოები. რკინის მოპოვებისა და დამუშავების ნაშთები მიკვლეულია აგრეთვე ბუბის შთაში, სოფელ გლოლის მახლობლად. სოფელი ლეზი და ბრილის მიდამოები კი ძველთაგანვე საქართველოს მეტალურგიის მნიშვნელოვანი კერები ყოფილა. აქედან რკინა და რკინეულის ნაწარმის დიდი ნაწილი მიჰქონდათ ჩრდილო კავკასიაში, სადაც მათ სხვა ქართულ საქონელთან ერთად დიდი მოთხოვნილება ჰქონია. მთიულების მიერ დამზადებული სახენელი იარაღი დიგორშიც მიჰქონდათ ადგილობრივ მოსახლესადაც.

საბჭოთა ხელისუფლების პერიოდშიც ყოფილა შენთხვევები მთის რაჭაში მალყარელი და დიგორელი კერძების გადმოსვლისა რკინეულის საყიდლად. 1938 წლის ზაფხულში სასენელი იარაღები ჭიორიდან და ლეზიდან ჩემს თვალწინ წაიღეს დიგორლებმაო,—გადმომცა პროფ. ნიკო რეხვიაშვილმა.

ლებელ მკედლებს თავისი საქმიანობის შთავარ ადგილად ძველთაგანვე აურჩევიათ ყარაჩაის აულები: უჩქულანი, ხურძუკი, კარჯურთი, ზემო თებერდა, ქვემო თებერდა; მალყარის აულები: ზემო ჩეგევი, ქვემო ჩეგევი, დიდ მალყარი, ქიუნიმ, ბილეში, ბეზინგი, ზემო ბაქსანი. იქ ყველგან სამკედლოები გაუმართავთ და მკედლობა გაუჩაღებიათ. ამრიგად, რაჭის ურთიერთობა ჩრდილო კავკასიის ხალხებთან მხოლოდ რკინისა და რკინეული ნაწარმის გატანით კი არ განისაზღვრებოდა, არამედ ამ პროცესს თან ახლდა მკედლების გასვლა რაჭიდან. მკედლები გარდა ზემოთ აღნიშნული ადგილებისა, ხშირად მიდიოდნენ მოზდოკში, ყიზლარში, ალაგირში, ნალჩიკში, კის-

ლაგოდსკში, ვლადიკავკავში, სადაც რაჭველები საქმაო რა-
ოდენობით ცხოვრობენ დღემდე.

გვართ მონათესავე მჭედლები შეადგენდნენ ამხანაგობას,
რომელშიც 2—10 კაცი შედიოდა, აიყვანდნენ შეგირდს და სა-
მუშაოდ მთას იქით გასწევდნენ. ლებელი მჭედელი თედორა
(ზვიადენთი) ლობჯანიძე ჭერ კიდევ XVIII საუკუნის პირველ
ნახევარში გაჰყოლია წინაპართა ნაკვალევს და აულ უჩქულან-
ში დაუწყია მჭედლობა. შემდეგ იმავე აულში
თედორას საქმე მახარა (ჯოტეენტთი) ლობჯანიძეს გაუგრძე-
ლებია. რაჭველი მჭედლები ჩრდილოკავკასიელ მთიელებში
ძირითადად ცხენისა და ხარის ნალ-ლურსმნისა და სამკაულის,
აგრეთვე სამეურნეო იარაღების: ცელის, სახნისის პირების,
დანების, ხანჯლების, ცულებისა და რკინის სარიტუალო საგ-
ნების ჭედვით ყოფილან განთქმული.

ქართველ მჭედლებს ჩრდილო კავკასიის აულებში კერძ-
მოკეთებების სტუმართმოყვარეობა და მჭედლობაზე დიდი
მოთხოვნილება იზიდავდათ, ისინი აულ უჩქულანში უკავშირ-
დებოდნენ კოჩკაროვებისა და ქიფკეევების მდიდარ მეჯოგე
ოჯახებს, მათ სამოსასლოში ჰქონდათ სამჭედლოები გამარ-
თული და იქვე ცხოვრობდნენ წლობით. აულ ხურბუკში
დღემდე მოქმედებს რაჭველების ძველი სამჭედლო: სამჭედ-
ლო მოთავსებული იყო ხალხისათვის მოხერხებულ ადგილზე
მამაკაცთა საკრებულოს წინ ან გზაჯვარედინზე, რომ ადვილად
მისულიყვნენ სამჭედლოში.

მიხელა ლობჯანიძეს 1870 წელს აულ უჩქულანში შეგირ-
დად წაუყვანია თავისი შვილი ისმაილა. მიხელას იქ მჭედ-
ლობაში 20 წელი გაუტარებია, 1890 წელს სამჭედლო შვილი-
სათვის დაულოცია, თვითონ კი ღრმად მოხუცებული მშობ-
ლიურ სოფელში დაბრუნებულა. უჩქულანში თანდათან გამ-
რავლებულან ქართველი მჭედლები და მალე ორი სამჭედლო
გაუმართავთ, სადაც ლებელი მჭედლების ორ ამხანაგობას
დაუწყია მუშაობა. უჩქულანიდან მალე მჭედლების ერთი ამ-
ხანაგობა ზემო თებერდაში გადასულა. მჭედლები აქ დაკვე-
თით მუშაობდნენ მთელი წლის განმავლობაში, გაზაფხულზე
ხვნა-თესვის დაწყების წინა დღეებში მათი სამუშაო საგრძ-

ნობლად მატულობდა, რადგან ახალ სახნისებს მთიელები იშვიათად იქენდნენ და ძველებს შეაკეთებდნენ ხოლმე.

ამრიგად, მალყარისა და ყარაჩაის აულებში XVIII-XIX საუკუნეებში XX საუკუნის 20-იან წლებში ადგილობრივს ქართველი მკვედლები სპარბობდნენ, რადგან მათი ნასელავი უფრო მოსწონდათ, რაც ლიტერატურულ ცნობებს გარდა ხალხური გაღმორცეპებითაც დასტურდება.

წარსულში ჩრდილო კავკასიის აულებში მკვედლები ძირითადად რაჭული „რკინა ჭედილით“ საქმიანობდნენ. რაჭიდან მთას იქით რკინის გადატანა რუსეთიდან შემოტანილი რკინის გველენით შემწყდარა, მოგვიანებით რაჭველ მკვედლებს რკინის შემოტანა სტანიცა ბატალბაშინციკიდან (ამჟამად ჩერკესკა) დაუწყიათ, რაც უფრო იაფი და ხელმისაწვდომი ყოფილა მათთვის. მართალია, XIX საუკუნის მეორე ნახევრიდან რუსეთს დიდი რაოდენობით შემოჰქონდა რკინის სამეურნეო იარაღებიც, მაგრამ მოსახლეობის გაზრდილ მოთხოვნილებას მაინც ვერ აკმაყოფილებდა, ამას გარდა, ადგილობრივ პირობებში ძნელი იყო გადაუმუშავებლად მათი გამოყენება, ამიტომ მოსახლეობა პირველ ხანებში ქართველი მკვედლების ნახელავს ამჯობინებდა. მაგალითად, ჩრდილო კავკასიის რუსი მოსახლეობა სამეურნეო იარაღებს ძირითადად დუქნებში ყიდულობდა და მხოლოდ მის შეკეთებას ანდობდა ადგილობრივ მკვედლებს. სახნისებს, შუბებს, თოხებს, ცელებს, ცულებს მკვედლები შეკვეთით აკეთებდნენ, რადგან რუსეთიდან შემოტანილი ამგვარი იარაღები უხარისხო და ძვირი იყო.

საქართველოში ნატურალური მეურნეობის დაცემასა და კაპიტალიზმის აღმავლობას, მეფის რუსეთის ძლიერ ექსპანსიას სდევდა შინამრეწველური ცალკეული დარგების გაუქმება. ეს პროცესი განსაკუთრებით ინტენსიური ხდება XIX საუკუნის მეორე ნახევარში, როგორც ვ. ი. ლენინი წერს: „რეფორმის შემდგომ ხანაში, ერთი მხრით, ხდებოდა კავკასიის ძლიერი კოლონიზაცია... მეორე მხრით, თანდათან იდევნებოდა ადგილობრივი საუკუნეობრივი „შინამრეწველური“ სარეწები, რომლებიც ეცემოდნენ მოსკოვიდან შემოტანილი ფაბრიკატების კონკურენციის გამო... ეცემოდა რკინის ში-

ნამრეწველური დანუშავება შემოტანილი რუსული პროდუქტის კონკურენციის გამო“.¹

კაპიტალიზმის განვითარებასა და რუსეთიდან ფაბრიკული ნაწარმის მოძალეხას თანდათან შეუფერხებია ქართველი მკედლების საქმიანობა ჩრდილო კავკასიის მაღალმთიან აულებში, რაც საბოლოოდ მათი დაშლა-დაქსაქსვის მთავარი მიზეზი გამხდარა. XX საუკუნის 30-იან წლებში ძალზე შესუსტებულა ქართველი მკედლების საქმიანობა მთას იქითა აულებში. მალყარისა და ყარაჩაის აულებში სამკედლოები დახურულა და მკედლებს პირველ ხანებში ოსეთისა და ყაბარდოს ბარის აულებსა და დაბებში გადაუნაცვლებიათ. უმეტესობა მშობლიურ სოფლებს დაბრუნებია. კოლმეურნეობებში გაერთიანებულან და აქტიური სამკედლო საქმიანობა გაუჩაღებიათ.

დ უ რ გ ლ ო ბ ა

XIX საუკუნისა და XX საუკუნის დასაწყისში რაჭაში ხელოსნობა უფრო ინტენსიურად ვითარდება წინა პერიოდთან შედარებით. ხე-ტყის სიუხვე იძლეოდა იმის შესაძლებლობას, რომ აქაური მოსახლეობა ოსტატურად დაუფლებოდა ხის დამუშავების ტექნოლოგიას. სიძველეთა ნაშთებიდან ნათლად ჩანს ხის დამუშავების მაღალი კულტურა. მათ საუკეთესოდ იცოდნენ ხის რომელი ჯიში გამოდგებოდა მშენებლობისათვისა და საოჯახო ნივთების დასამზადებლად და ა. შ. რაჭველი მოხელები თვითონ იშენებდნენ საცხოვრებელ და საქმეურნეო შენობა-ნაგებობებს, ისინი ძველთაგანვე განთქმული ყოფილან, როგორც საუკეთესო დურგლები.

რაჭველი საზოგადოდ კარგი დურგალი, ხის ხუროაო.— აღნიშნავს აკად. გიორგი ჩიტაია, თან იქვე დასძენს, ამას მრავალი ფაქტიც ადასტურებს და პეტცკოლდტი და სხვებიც აღნიშნავენ. ხეზე მუშაობა აქ „წმინდა ხელობად“ იყო მიჩნეული, ხის მოხელეს დურგალს უწოდებენ, დურგლობა კი საპატიო საქმედ ითვლებოდა. დიდი ოჯახი ხელოსანთა სიმ-

¹ ვ. ი. ლენინი. თხზ., ტ. 3, თბ., გვ. 703.

რავლით ფასდებოდა, ასეთები სიამაყით წარმოთქვამდნენ: ჩვენი ოჯახიდან ცულის მრავალი დამკვრელი გამოდისო. ასა-
ლბედა ღურგლები ჯერ შინ და მეზობელ სოფლებში იწა-
ფავდნენ ხელს საღურგლო საქმეში, შემდეგ მთას იქით კერ-
ძებთან სამუშაოდ მიემურებოდნენ და მათ უშენებდნენ სახ-
ლებს. სხვადასხვა ხელობის ცოდნა რაჭველებს საშუალებას
აძლევდა ჩრდილო კავკასიაში და სხვაგანაც გამოჩენილიყ-
ვნენ კვალიფიციური მუშების ღურგლების, კალატოზებისა
თუ სხვათა სახით და, ამასთან, უფრო შეღავათიან პირობებში
გამოეყენებინათ თავიანთი შრომა.

ქართველი ღურგლების ხელმარჯვე ოსტატობასა და შრო-
მისმოყვარეობას ჩრდილო კავკასიის მოსახლეობაში ისე გა-
უთქვამს სახელი, რომ სახლების მშენებლობაზე ყველგან მათ
იწვევდნენ. ეს მიწვევა განსაკუთრებით კაპიტალიზმის პერი-
ოდში გახშირებულა, როცა ჩრდილოკავკასიელ მთიელებს
უკვე აღარ აკმაყოფილებთ ნატურალური მეურნეობისათვის
დამახასიათებელი ბნელი მიწური სახლები. ერთი მხრივ, ეს
გამოწვეული იყო მშენებლობის ტექნიკის განვითარებითა
და, მეორეს მხრივ, ძველი მოუხერხებელი ბინების გამოცუ-
ლის დიდი სურვილით.

რამდენიმე ღურგალი ერთად მიდიოდა მთას იქით სამუ-
შაოდ, ამას „ღურგალთა ამხანაგობა“ ეწოდებოდა. ამხანაგო-
ბაში 2-იდან 10 კაცამდე ერთიანდებოდა. ღურგალთა რა-
ოდენობა ამხანაგობაში სამუშაოს ხასიათით განისაზღვრებო-
და, ამის მიხედვით ამხანაგობა შეიძლება დროებით ორ ან
მეტ ჯგუფად გაყოფილიყო, თითოეულ ჯგუფს ჯინი ეწოდე-
ბოდა. რამდენი ასეთი განაყოფი ჯგუფიც იქნებოდა, იმდენ
ჯინს იტყოდნენ, მაგალითად, ორ ჯინად, ან სამ ჯინად ვმუშა-
ობდითო და ა. შ. ღურგალთა ამხანაგობას დამხმარედ აჰყავდა
ერთი ან ორი შეგირდი, რომელსაც შავი სამუშაოების შეს-
რულება და ღურგლების საქმიანობაზე თვალყურის დევნება
ევალებოდა, რომ თვითონაც შალე დაუფლებოდა „წმინდა
ხელობას“. შეგირდად ხშირად თავისიანები აჰყავდათ. ჩრდი-
ლო კავკასიის რომელ აულში არ შეხვდებოდით რაჭველ მო-
ხელეებს: დვალეთში, „მინდვრის ოსეთში“, დიგორში, ბასიან-

ში, ყაბარღოში, მალყარში, ყარაჩაიში, ადიღეში. მთიელთა აულები მათ ფეხით შემოუვლიათ და კერძოკეთებელთათვის სახლები და სხვადასხვა დანიშნულების ნაგებობები უშენებიათ.

მამისონის უღელტეხილით წასულ რაჭველ მოხელეთა ამხანაგობის თავშესაყარი ადგილი ურუხის ხეობის დასაწყისში გაშენებული აული ლესქენ პირველი ყოფილა. აქ თუ არ იქნებოდა ყველას საყოფი სამუშაო, ჭინებად დაყოფილი მოხელეთა ამხანაგობები სხვადასხვა აულებში ნაწილდებოდნენ. ერთნი თოლწყუნს მიაშურებდნენ, მეორენი ხაზნიდონს. მესამენი ჩიქოლას, დანარჩენნი ახსარისარს, ქალუხს, მაცუთას, დონიფარს, ჭინაღავს, ნავაყავს, ოდოლას, მოსკას, სტურდიგორს, კუსუს და ყველგან სახელოსნო სადურგლო საქმიანობა ჩადებოდა. ამ დროს ურუხის ხეობის აულებში ქართველ მოხელეთა ამხანაგობების სამუშაო სეზონი დგებოდა.

ადიღ რახაევი (აული ბეზენგი) ამბობს, რომ მას ქართველი მოხელეები ხშირად უნახავს დიგორისა და მალყარის აულებში სამუშაო იარაღებით ხელში. ისინი მარჯვე ოსტატები იყვნენ, ხის დიდ მორებს ხელის ხერხით ფიცრებად ხერხაღდნენ, მერე მასალას ისე ფაქიზად თლიდნენ ნაჯახით, რომ სალაშინით გასუფთავებული გეგონებოდათ. მათი ნაგები სახლები ყველას მოსწონდა, მდაბიო მთიელებს თუ ტაუბიებს. სამუშაო იარაღებით აღჭურვილი ქართველი დურგლები აულიდან აულში დადიოდნენ და, სადაც სამუშაოს ან, როგორც რაჭველები ამბობენ, „საქმეს“ იშოვნებდნენ, იქ ჩერდებოდნენ.

საინტერესოა ქართველ ხელოსნებთან გარიგების მალყარული ხალხური ჩვეულება. გაბა გულიევის (აული ზემო ბაქსანი) გადმოცემით, აულში გამრიგებელ შუა კაცად წინასწარ შეჩვეული ყოფილა ქართული ენის მცოდნე, ქართველებთან კერძოკეთებით დაახლოებული სელიმგერ ბუდაევი. აულში ხელოსნები რომ გამოჩნდებოდნენ, პირველად სელიმგერი გამოვლავარაკებოდა და, ვისაც სახლის აშენება ან შეკეთება სურდა, იმ ოჯახზე მიანიშნებდა, მერე ნახავდნენ

ოჯახის უფროს მამაკაცს, რომელსაც მოელაპარაკებოდნენ. ის კი თავის მხრივ სელინგერს მიანდობდა მოხელეებთან გარიგების საქმეს და ამის შემდეგ იწყებდნენ სახლის მშენებლობას. ასეთნაირი გარიგებით ზემო ბაქსანში ყასპო ბაშიევის სახლის აშენებაში ქართველ ხელოსნებს 100 სული ცხვარი და ერთი ცხენი მიუღიათ.

ქართველი ხელოსნები სანუშაოს დაწყებამდე თავიანთ კერძებთან ცხოვრობდნენ, შემდეგ ტრადიციის მიხედვით საცხოვრებლად იმ ოჯახში გადადიოდნენ, ვისაც სახლს უშენებდნენ. მათი კვება და ღამის გათევა მასპინძელს ევალბოდა. ეს გარიგებაში არ შედიოდა. კვებაში ან ღამის თევაში ქირის მოთხოვნა დიდ სირცხვილად და ოჯახის დამცირებად ითვლებოდა. ეს არც ხდებოდა. არც ქართველი ხელოსნები რჩებოდნენ ვალში კერძებს, თუ ისინი ბინას კერძს უშენებდნენ. ქირაში არ ურიგდებოდნენ, რადგან ეს უხერხული იყო. ცდილობდნენ კერძის ოჯახისათვის, როგორც მოკეთისათვის, შეღავათი გაეწიათ და, ბოლოს, როდესაც მშენებლობა დამთავრდებოდა, რასაც კერძი თავისი შესაძლებლობისა და სურვილის მიხედვით გაიმეტებდა მუშებისათვის, ყველაფერს კმაყოფილებით იღებდნენ. ამას გარდა, დურგლები კერძის ოჯახისათვის ყოველგვარ წვრილმან სადურგლო სამუშაოს უფასოდ აკეთებდნენ. კერძებს დღემდე შემორჩენიათ რაჭველი დურგლების ნაკეთი და საჩუქრად მირთმეული ხის სკამები, მაგიდები, კარადები, ტახტები, სკივრები და სხვ.

მშენებლობაზე მორიგებას ხელოსნები „საქმის აღებას“ უწოდებდნენ. 1912 წლის ზაფხულში აულ შექერაში ბიანარიანთ საგვარეულოს მდიდარ ოჯახს სახლის მშენებლობაზე ქართველ დურგალთა ამხანაგობა მიუწვევია. ამხანაგობას აუშენებია რვაოთახიანი ან, როგორც რაჭველები ამბობენ, რვათვალი ორსართულიანი ხის სახლი, რომელიც ყველაზე საუკეთესო ნაგებობა ყოფილა დიგორის ხეობაში. ივანე ილიას ძე ბუდაევის (აული სტურდიგორი) გადმოცემით. ის ჯერ კიდევ ბავშვი ყოფილა, ქართველი ხელოსნები რომ დიგორში გადადიოდნენ და სახლებს უშენებდნენ კერძ-მოკეთებებს. რადგან ოქტომბრის რევოლუციამდე საკუთარი

ხელოსნები არ გვყავდა, სახლების უმეტესობა ურუხის ზეობაში, დვალეთსა და „მინდვრის ოსეთში“, ძირითადად, ქართველი ხელოსნების აშენებულთა, ამბობენ დიგორლები. ალხასტ ქუძიევიც (აული ძვარიყაუ) იგივეს ადასტურებს: რევოლუციამდე ქურთაულის ზეობაში საღურგლო საქმიანობისათვის რაჭველები (რაცონ) მოდიოდნენ, ჩვეულებრივ, ღურგალთა მათი ამხანაგობა 2-3 კაცისაგან შედგებოდა. არანაკლებ საყურადღებოა ღუდარიკო ცალიკოვის (აული ნოგყაუ) ცნობა, რომელიც გვატყობინებს, რომ რევოლუციამდე რაჭველი (რაცონ) ღურგლები ქურთაულის ზეობაშიც ადიოდნენ თურმე და სახლების მთავარი მშენებლები ყოფილან. აულ ნოგყაუს თითქმის ყველა სახლიც რაჭველ ხელოსნებს აუშენებიათ და ქვიტყირისა და ხის მოწყობილობაც მათ გაუმართავთ. რევოლუციის შემდგომ წლებშიც სახლების მთავარი მშენებლები იქ რაჭველი ხელოსნები ყოფილან, მათ ოსური ენაც კარგად სცოდნიათ და ხალხთანაც ახლო ურთიერთობა ჰქონიათ.

ურუხის ზეობაში აულებს ლესქენ პირველსა და ჩიქოლას, ქართველ მოხელეთა საბუდარას ეძახდნენ. აქ ხელოსანთა მრავალი ამხანაგობა იყრიდა თავს. ჰყავდათ კერძები და შათი ხელშეწყობით ფართო სააღმშენებლო საქმიანობას ეწეოდნენ მოსაზღვრე ჩრდილოკავკასიელ მთიელთა აულებში. იქ იშვიათად ნახავთ სახლს, რომ ქართველი მოხელეების აშენებული ან ნაწილობრივ მათი შეკეთებული არ იყოს, ამიტომაც, რომ დღესაც ურუხის ზეობის აულებში თვალში გეცემათ იმერულ თუ რაჭულ სტილზე ნაგები კოპწია ოდა-სახლები, მოქარგული ფასადებითა და ფიგურებიანი ან, როგორც რაჭველები ამბობენ, რიკულებიანი აივნებით დამშვენებული. იქაური ხალხი სრულიად სამართლიანად შენიშნავს, ყველა სახლი, ყველა ახალი ნაგებობა ჩრდილო ოსეთში კეთდებოდა რაჭველ მოხელეთა მიერო. საყურადღებოა ისიც, რომ მუსულმანებით დასახლებულ აულებში ხისა და ქვიტყირის მეჩეთებსაც რაჭველი ხელოსნები აშენებდნენ.

ღურგლები სახლს ხის მასალით რომ გამართავდნენ, შემდეგ კედლებს ან წნელით გამოწნავდნენ, ან ხის პატარ-პატარ-

რა ნაჭრებით ამოაშენებდნენ, ასეთ ნაგებობას „საყალარ სახლს“ უწოდებდნენ. შემდეგ კედლების შელესვა მიწით მათ აღარ ევალებოდათ, ამ საქმეს მთიელი ქალები ასრულებდნენ.

რაჭველი ხელოსნების სიარულს დიგორის აულებში ძველებური მასიური ხასიათი აღარა აქვს, მაგრამ თითო-ოროლა ხელოსანს დღესაც შეხვდებით. ჭიორელ დურგალ ალექსი ჩაგელიშვილს ამ ბოლო დრომდე არ გაუწყვეტია კავშირი დიგორელ კერაებთან. სახლების უმრავლესობა იქ მასა და მის ამხანაგობას აუშენებიათ, ან ძველი შეუკეთებიათ. ამ საქმეში აქამდ გლოველი დურგლები იასონ ბიჭაშვილი და მელიტონ ხარებაშვილი იჩენენ აქტიურობას. მათ აულ სტურდიგორში 1969 წლის ზაფხულში თეიმურაზ ბუდაეცს დაუდგეს და გაუმართეს ორსართულიანი „საყალარი სახლი“.

კ ა ლ ა ტ ო ზ ო ბ ა

მთის რაჭის ციხე-კოშკები, თავდაცვითი თუ საბრძოლო დუროიანი და ორსართულიანი ქვითკირის სახლები, ეკლესიები და სხვა ნაგებობანი აშკარად მეტყველებენ რაჭველი კალატოზების მაღალ ოსტატობაზე. როგორც დუროიანი სახლების, ასევე ციხე-კოშკების კედლები მტკიცედ და ნარჯვედაა ნაგები, კარგადაა დაცული სართულების, ფანჯრების, დუროების, ქონგურების, გალავნებისა და კუთხეების მოყვანილობა და ფორმა. ყველაფერი ეს მოხერხებულად ნაკეთი და საიპედოდ შერწყმულია რაჭის ბუნებასა და კლიმატურ პირობებთან, ამავე დროს გათვალისწინებულია გარეშე მტრის მოსალოდნელი თავდასხმის შემთხვევაში, ბრძოლისა და თავდაცვის ამოცანებიც.

მთის რაჭული ქვითკირის სახლი ნაგებობათა მთელ კომპლექსს შეადგენდა. სახლში თავისუფლად თავსდებოდა მრავალსულიანი ოჯახი მთელი თავისი ქონებითა და პირუტყვით. სოფელ ღებში დღემდეა დაცული რამდენიმე ციხე-კოშკი და დუროიანი სახლი, ზოგი მათგანი გადაკეთებულია ახლებურად, მაგრამ უწინდელი ფორმა მაინც შეუნარჩუნებიათ.

რაჭველებს წინაპართაგან შემქვიდრეობით მიუღიათ ხელოსნობის სხვადასხვა დარგის, მათ შორის კალატოზობის

ცოდნა-გამოცდილება. ამას ხალხური გადმოცემებისა და მატერიალური კულტურის გარდა ცხადყოფენ ღებში. ჰიორასა და უწერაში დღემდე შემორჩენილი საგვარეულო კომლური სახელები: მქედლიანთი, ხელოსნიანთი. ჩანს, ჯერ კიდევ შორეულ წარსულში, აქ ხელოსნობა თითოეული საგვარეულოსა თუ ოჯახის მთავარი საქმიანობა ყოფილა, ქვის დამუშავება და მშენებლობის ტექნიკა რაქაში ოდითგანვე მაღალ დონეზე მდგარა. ქვითა და კირით მშენებლებს მექვითკირეებს ან კალატოზებს ეძახდნენ. მთის რაქველებს ჰყოლიათ მრავალი სახელგანთქმული მექვითკირე, რომლებიც თავისი საქმიანობით მკიდროდ დაკავშირებიან ჩრდილოკავკასიელ კერძებს. საყურადღებოა, რომ ი. პანტიუხოვი ვიუხენდავად მოსახლეობის მაღალმთიან, უნაყოფო ადგილებში ცხოვრებისა, ღებსა და გლოლას თავისებურ სამრეწველო ცენტრებად მიიჩნევს. იგი წერს: აღნიშნული სოფლებიდან გამოსული მოხელეები შეადგენენ მთავარ ბირთვის, რომლებიც ჩრდილო კავკასიის მთიელთა აულების ძირითად მშენებლებად გვევლინებოდნენო.¹

კალატოზთა ამხანაგობაში ღურგლები და „შავი მუშები“ შედიოდნენ. კალატოზები და მათი დამხმარე „შავი მუშები“ ან შეგირდები ქვითკირის კედლებს რომ ამოიყვანდნენ, შემდეგ ნაგებობას ხის მასალით ღურგლები გამართავდნენ. რაქველი კალატოზები განთქმული ყოფილან როგორც საქართველოს სოფლებში, ასევე კავკასიელ მთიელებშიც: მალყარში, ყარაჩაიში, ოსეთსა და სხვაგან, სადაც სამუშაოდ წლობით გადადიოდნენ. გოგია (სენზონთი) რეხვიაშვილის (სოფელი ჰიორა) გადმოცემით, მალყარის აულებში სახლის კედლებს ქვით, უკიროდ აშენებდნენ და ასეთ სახლს „ხუნა-ს უწოდებდნენ, ბარის აულებში კი მეტწილად ალიზის სახლებს აგებდნენ და ასეთ სახლს „სამანა“-ს ეძახდნენ. მალყარლებს დიდად მოსწონდათ რაქველი კალატოზების ოსტატობა და შრომა-გარჯა, ბინის აშენების გარდა, სახლის მთელ შიდა მოწყობილობასაც ისინი აკეთებდნენ, მაგალითად: ტახტებს.

¹ И. П а н т ю х о в. Население Кутаисской губернии, СПб, 1892, стр. 25.

კარ-ფანჯრებს, კარადებს, სკივრებს, მაგიდებს, სკამებს, ე. წ. „სირე“-ს (ხის გრძელი ყუთია კედლის მთელ სიგრძეზე გამართული, მალყარლები მასში ინახავდნენ ჭურჭლეულს, პროდუქტეულს, პურს—ყველაფერს თავის განკუთვნილ ადგილზე. სირეს თავზე ლოგინს აწყობდნენ, რომელსაც ზემოდან ხალიჩით ფარავდნენ). მთელი XIX საუკუნე და XX საუკუნის 30-იან წლებამდე როგორც საკალატოზო, ასევე საღურგლო სამუშაოებს მალყარისა და ოსეთის აულებში ქართველი ხელოსნები ასრულებდნენ. მე არ შეგხვედრია არც ერთი მალყარელი ღურგალიან კალატოზი,—თქვა გოგიარეზ-ვიაშვილმა,—რომელსაც თავისი ცხოვრების მეტი წილი მალყარის აულებში სახლების მშენებლობაზე არ გაეტარებინოს.

მალყარის მთელ რიგ აულებსა და დაბებში არ ყოფილა ოჯახი, რომელთა სახლიც რაჭველ კალატოზებსა და ღურგლებს არ აეშენებინათ, ან ნაწილობრივ არ შეეკეთებინათ.

ჩრდილოკავკასიელი მთიელები, კერძოკეთეები ქებით მოიხსენიებენ ქართველი მექვითკირეებისა და ღურგლების სახელებს. ასხათ ზურყანის ძე ნარშაოს (აული ქვემო ჩეგემი) გადმოცემით, მათი ორსართულიანი ცხრა თვალი ქვითკირის სახლი ქართველ კალატოზებს აუშენებიათ. ვაბათეშუდარის ძე გულიევი (აული ზემო ბაქსანი) ამბობს: მამა-პაპათაგან გამიგონია, რომ, რაც ბაქსანის, ჩეგემისა და ჩერეკის ხეობებში ციხე-კოშკებია სვანებისა და რაჭველების აშენებული ყოფილაო. აულ ქიუნიში აბაევის სახელით ცნობილი ციხე-კოშკები და აულ შკანტში ამირხანოვების ციხე-კოშკი ადგილობრივ მკვიდრ სვანებს აუშენებიათ. ზემო ჩეგემის ღურთიანი ციხე-კოშკი მთელ ჩრდილო კავკასიაში, ერთადერთაა, რომელიც სვანურ სტილზეა ნაგები. ის სვანების აშენებული ყოფილა ახტუგანის სახელზე, რომელსაც XVI საუკუნის დასაწყისში უცხოვრია. ბეზინგსა და ჩეგემში აღმოჩენილი ნახევრად დანგრეული ეკლესიები არქიტექტურულად ემსგავსებიან სვანურ ეკლესიებს, რომლებიც ერთ პერიოდში უნდა იყვნენ აგებულნი. ქართველი მშენებლების საქმიანობასა და ქართული მატერიალური ძეგლების არსებობაზე ჩრდილო კავკასიაში მოგვითხრობენ ცნობილი ქართ-

ველი, რუსი და უცხოელი მკვლევარები: ვ. მილერი, უვაროვა, ივ. შახოვსკი, ვ. სისოევი, ლ. ლავროვი, ე. სტუდენცკაია, ა. რობაქინი, რ. ხარაძე. თვით ყაბარდო-მალყარეთის ისტორიის პირველ ტომში ვკითხულობთ: მალყარის მოსახლეობა ძველი დროიდანვე განიცდიდა ფეოდალური საქართველოს კულტურის გავლენას, რომელზეც ნათლად მეტყველებს მალყარში დღემდე შემორჩენილი შუა საუკუნეების ქართული მატერიალური კულტურის ძეგლები—დანგრეული ეკლესიების ნაშთები. ბეზინგისა და ჩეგემის ხეობებში მალყარელებსა და ქართველებს შორის კულტურული ურთიერთობის უკვდავ ძეგლებად აღმართულან ებზე-კალად წოდებული ქართული ციხე-კოშკები.

ქართველი კალატოზები საუკუნეების მანძილზე არა მარტო ციხე-კოშკებს აგებდნენ, არამედ ამ ურთიერთობაში ქართველი და ჩრდილოკავკასიელი ხალხების ურღვევ ძმობასა და მეგობრობასაც აღუღაბებდნენ კერძოკეთეობის სახით.

აღსანიშნავია. რომ ქართველი და ჩრდილოკავკასიელი ხალხების მრავალსაუკუნოვან ურთიერთობაში მნიშვნელოვანი იდგილი ეკავა სავაჭრო-სააღებმიცემო საქმიანობას, რომელიც განუწყვეტლავ წარმოებდა კერძოკეთებს შორის.

ვაჭრობა, აღებ-მიცემობა

XIX საუკუნის მეორე ნახევარი მრავალმხრივ საყურადღებოა ქართველ და ჩრდილოკავკასიელ ხალხთა ეკონომიური ურთიერთობის თვალსაზრისით. ეს არის საქართველოში კაპიტალისტურ ურთიერთობათა განვითარების პერიოდი. რეფორმის შემდგომ ხანაში ჩრდილო კავკასია რუსულ სავაჭრო-სამრეწველო ცენტრების გავლენის ქვეშ ექცევა. ამავე დროს არ წყდება მათი ეკონომიური ურთიერთობა საქართველოს სხვადასხვა ნაწილთან, კერძოდ, რაჭასთან რომელთანაც ყარაჩაის, მალყარის, დიგორის, ბასიანის, დვალეთის, „მინდვრის ოსეთის“ საზოგადოებებს მეტად ახლო ურთიერთობა ჰქონიათ. მეზობელი ჩრდილოკავკასიელი მთიელებისათვის იმდენად დიდი ყოფილა საქართველოსთან ეკონომიური

ურთიერთობის მნიშვნელობა, რომ მალყარელი მთიელების ეთნიკური თავისთავადობის შენარჩუნების ერთ-ერთ მთავარ მიზეზად, მკაცრ გეოგრაფიულ გარემოსთან და მმართველობის შინა სისტემასთან ერთად, ქართველ ხალხთან სავაჭრო კავშირი მიიჩნეოდა.

ვაჭრობა რაჭაში, განსაკუთრებით მთის რაჭაში, რეფორმამდელ ხანაშიც საგრძნობლად ფეხმოკიდებული ყოფილა. აქ კუთხის მცხოვრებნი მეტად მნიშვნელოვან როლს ასრულებდნენ ჩრდილოკავკასიელ მთიელთა ცხოვრებაში, რომლებიც განსაკუთრებულ აქტივობას პირუტყვით ვაჭრობაში იჩენდნენ.

რაჭაში გამოყოფენ სამი კატეგორიის ვაჭრებს: ერთნი პირუტყვით ვაჭრობდნენ და მათ ხალხი „ფეხზე საქონლით მოვაჭრეებს“ ეძახდა; მეორენი ოჯახში ჩვეულებრივ გლეხურ საქმიანობას ეწეოდნენ, მაგრამ როგორც კი საგაზაფხულო სამუშაოებს მორჩებოდნენ, მთას იქითა აულებში მიდიოდნენ, თან მიჰქონდათ წვრილმანი საქონელი, რომლებსაც ყიდდნენ ან ცვლიდნენ იქაურ ჩოხა-ნაბადში, მატყლში, შალის ქსოვილში, ტყავეულსა და ნეცხოველეობის პროდუქტებში. თიბვა-მკის სამუშაოების დაწყებასთან დაკავშირებით ისინი კვლავ შინ ბრუნდებოდნენ და ასე მეორედებოდა ყოველწლიურად. რადგან ასეთი ვაჭრების მთავარი საქმიანობა სოფლის მეურნეობა იყო, თანაც წვრილმან ვაჭრობასაც ეწეოდნენ, მათ „მეწვრილმანეებს“ ან „გლეხვაჭრებს“ ეძახდნენ.

მესამენი, რომლებიც ჩრდილო კავკასიის აულებსა და დაბებში ფართლელის სავაჭრო ღუქნებს ხსნიდნენ და წლობით ცოლ-შვილს მოწყვეტილნი იქ მუდმივად ვაჭრობდნენ, „დიღვაჭრებს“ უწოდებდნენ.

პირუტყვით ვაჭრობა

ჩრდილოკავკასიელ მთიელთა ყოფაში დიდ როლს ასრულებდა პირუტყვი, რადგან მათი. არსებობის მთავარ წყაროს იგი წარმოადგენდა. პირუტყვის სიუხვე ყარაჩაველებს საშუ-

ლებას აძლევდა გაეყიდათ დიდი რაოდენობით ტყავეული, მატყლი, შალის ქსოვილი, ქონი, ხორცი, რძის პროდუქტი და თვით პირუტყვი.

ჩრდილოკავკასიელ მთიელებში პირუტყვით ვაჭრობას ფართო ხასიათი განსაკუთრებით 1867 წლის საგლეხო რეფორმის შეზღვევით მიუღია. გახშირებულა „ფეხზე საქონლით მოვაჭრე“ რაჭველების მთას იქით აულებში სიარული, კომერციული მიზნით—პირუტყვის შესაძენად. ჩრდილო კავკასიურ პირუტყვს ვაჭრები საქართველოს ბაზრებში მოგებით ყიდდნენ. ამიტომ პირუტყვის ვაჭრობით დაინტერესება იმდენად დიდი ყოფილა, რომ ფულიან ვაჭრებს გარდა, იქ უფულონიც მიდიოდნენ ფიზიკური შრომით ფულის შოვნისა და შემდეგ პირუტყვის შეძენის იმედით. ასეთები დაჭირავებულ შრომას ეწეოდნენ და ხშირ შემთხვევაში ქირაში პირუტყვს ღებულობდნენ. ზოგს კი წვრილმანი საქონელი მიჰქონდა პირუტყვში გადასაცვლელად. რაჭის სოფლებში მთიელი გლეხკაცებიდან ასე იქმნებოდა „ფეხზე საქონლით მოვაჭრეთა“ ამხანაგობანი. რომლებიც სოფლად სამუშაო სეზონის დამთავრებისთანავე მთას იქით სავაჭროდ ჯგუფ-ჯგუფად მიდიოდნენ იმ დროს, როცა მყინვარები და საულელტეხილო გზები პირუტყვის გადმოსაყვანად და სამგზავროდ ხელსაყრელ პირობებს ჰქმნიდნენ.

რაჭველებს კერძებთან უმეტესად ის საქონელი მიჰქონდათ, რაც მათ აკლდათ, ამიტომ ისინი მუდამ სიხარულით ელოდნენ ვაჭრების გამოჩენას.

ქართველ მთიელებში ოდითგანვე დიდი მოთხოვნილება ყოფილა ჩრდილო კავკასიურ პირუტყვზე, განსაკუთრებით იქაურ ხარზე, როგორც ლონიერ გამწვევ ძალასა და მძიმე წონის სახორცე საქონელზე. პირუტყვით ვაჭრობას ძირითადად რაჭის საულელტეხილო გზებით ეწეოდნენ. გეზე-ვცეკის (ფასის) უღელტეხილით ჩრდილოეთიდან გადმოყვანილი პირუტყვის უმეტესობა რაჭისა და ქუთაისის ბაზრებზე იყიდებოდა და, ამგვარად, ყოველდღიურად მთას იქიდან საქართველოსაკენ პირუტყვის დენა არ წყდებოდა. ვაჭრები განსაკუთრებით დიდ მოგებას კამეჩებით ვაჭრობაში ნახულობდნენ. მოგზა-

ურები მამისონის მთაზე ხშირად ხვდებოდნენ კამეჩების ჯოგით მომავალ ქართველ ვაჭრებს.

„ფეხზე საქონლით მოვაჭრე“ ამხანაგობის თითოეული წევრი აულში მისვლისას პირველად თავის კერძს მიაკითხავდა. ზაფხულობით კერძები თავიანთი ოჯახებით მთაში მიდიოდნენ, პირუტყვისა ც იქ მიერეკებოდნენ. ცხოვრობდნენ საზაფხულო სადგომებში, ე. წ. ყოშებში და ქართველი ყონალებიც იქ ეწვეოდნენ ხოლმე. კერძებისაგან შეიტყობდნენ თუ არა სად, რომელ მთაში და ვისთან შეიძლებოდა პირუტყვის ხელსაყრელ ფასებში შეძენა, მათი რჩევით მოქმედებდნენ. რაქველები შეძენილ პირუტყვს მთიდანვე შინისაკენ მიერეკებოდნენ. ყარაჩაიდან რიონის სათავემდე გზას, პირუტყვის ჯოგით, ორი კვირა უნდებოდნენ. 1885 წლის 25 ივლისს ბ. ნიყარაძე მთაგორაზე (გორიბოლო) შეხვედრია „ფეხზე საქონლით მოვაჭრე“ ლებელ და ქიორელ ვაჭრებს, რომლებსაც საქონლის ჯოგი მოჰყავდათ ყარაჩაის, ბაქსანის (ურუშბიევის), ჩეგემის საზოგადოებათაგან... ჯოგში 100-ზე მეტი ხარი, ძროხა და 200-მდე ცხვარი ყოფილა, ასეთი ჯოგები ხშირად მოჰყავდათ ზემო რაქველებს ჩრდილო კავკასიიდან.

მთელ XIX საუკუნესა და XX საუკუნის დასაწყისში მთას იქიდან ისე გახშირებულა პირუტყვის გადმოყვანა საქართველოში, რომ ხელისუფლება იძულებული გამხდარა ყველა საუღელტეხილო გზების მისადგომებთან საბაჟო-საყარაულოები მოეწყო, რათა უნებართვოდ პირუტყვი არ გაეყვანათ. „ფეხზე საქონლით მოვაჭრეებს“ საბუთის წარდგენასთან ერთად წინასწარ დადგენილი საბაჟო გადასახადიც უნდა მიეცათ. ყოველწლიურად საბაჟო გადასახადი რამდენიმე ასეულ მანეთს შეადგენდა, რითაც საბაჟო-საყარაულო ხარჯებს ფარავდნენ. მიუხედავად ამისა, ქართველ და ჩრდილოკავკასიელ მთიელთა სავაჭრო ურთიერთობა მაინც არ შეფერხებულა. ადგილობრივი ვაჭრები მთას იქით სავაჭროდ წასვლისას სასოფლო საზოგადოების მამასახლისისაგან იღებდნენ სავაჭრო-სამგზავრო ბილეთს, რომლითაც დასახელებულ პირს უფლება ეძლეოდა ეყიდა ყოველგვარი საქონელი.

პირუტყვის შესაძენად წასულ ქართველ მთიელებს დღე-საც შეხვდებით ჩრდილო კავკასიის აულებში.

მეწვრილმანეთა

დიდი ოჯახის ან მონათესავე საგვარეულოების რამდენაჲ: მამაკაცი, ე. წ. „გლებეაქობი“ „მეწვრილმანეთა“ ამხანაგობას ქმნიდნენ. სავაჭრო საქმიანობის გაშლა-გაფართოებისათვის ამხანაგობის ყოველ წევრს განსაზღვრული რაოდენობის ფული შეჰქონდა. აქედან იქმნებოდა საერთო თანხა, რომელზეც ამბობდნენ „ფული შევაყენეთო“. იგი მხოლოდ და მხოლოდ ჩრდილო კავკასიის აულებსა და დაბებში სავაჭროდ იხარჯებოდა. ამხანაგობა თავისი წევრებიდან ირჩევდა თავკაცს, რომელიც გამოირჩეოდა ასაკითა და სავაჭრო საქმიანობაში გამოცდილებით, იცოდა ჩრდილოკავკასიელ მთიელთა ენები, ჰყავდა იქ კერძები და სხვა ნაცნობ-მეგობრები, ესმოდა რუსული ენა და იცნობდა რუსეთის ქალაქებს. მის მოხერხებულობაზე იყო დამოკიდებული მეწვრილმანე ამხანაგობის სავაჭრო წარმატება. ამხანაგობა თავკაცს ყოველმხრივ ენდობოდა და საერთო თანხასაც მას აბარებდა. თავკაცი საქონლის შესაძენად მიენგზავრებოდა საქართველოსა და რუსეთის ქალაქებში: მოსკოვში, როსტოვში, არმავირში, კრასნოდარში, თბილისსა და ქუთაისში. მათ საქონელი ჯერ მთის რაჟაში მიჰქონდათ, შემდეგ ჩრდილო კავკასიის აულებში გადაჰქონდათ. თავკაცის სამგზავრო ხარჯებისათვის გამოყოფილი იყო გარკვეული თანხა, რომელიც საერთო თანხაში არ შედიოდა. თავკაცი ფულს მომჭირნედ ხარჯავდა, საქონელს არჩევდა, რომ ამხანაგობას მოგება ენახა, ყოველი მოტანილი საქონლის გასაღების შემდეგ იგი ამხანაგობას ანგარიშს აბარებდა. მეწვრილმანეთა ამხანაგობა მეტწილად იმ აულებს ეტანებოდა, სადაც კერძები ჰყავდათ და მოსახლეობასთან სავაჭრო ურთიერთობით იყვნენ დაკავშირებულნი. მეწვრილმანეები საქონლით კარდაკარ დადიოდნენ და „წვრილმანთა“ დასახელებით მოსახლეობას აულში მისვლას აცნობდნენ. მოსაზღვრე მთიელებში არ დარჩენილა ასეთი

აული, რაჰველ მეწვრილმანეებს რომ არ გაევილოთ. დუდარიკო ცალიკოვის (აული ნოგყაუ) გადმოცემით ოქტომბრის რევოლუციამდე ქურთაულის ხეობაში მოდიოდნენ ქართველი მეწვრილმანეები და მანუფაქტურით ვაჭრობდნენ. „მალყარ ებზე“-დ წოდებული ღებელი და ჰიორელი გლეხები, ჯერ კიდევ უძველესი დროიდან, კავკასიონის შთავარი ქედით დაკავშირებული ყოფილან მალყარლებთან, სადაც მიჰქონდათ: აბრეშუშისა და ბამბის ქსოვილები, რკინეული, თან მიჰყავდათ ონელი და ქუთაისელი მეწვრილმანე ცენაური ებრაელები. რაჰველების მსგავსად ებრაელებსაც გაუჩენიათ მთას იქით კერძები და ისინიც ისევე დაფასებული ყოფილან ჩრდილოკავკასიელ მთიელებში, როგორც ქართველები.

ვაჭრები კერძმოკეთებებს შორის ნაწილობრივ თურქული, რუსული და ქართული მონეტებით ვაჭრობდნენ, მაგრამ რადგან მთიელი მოსახლეობა ფულის ნაკლებობას განიცდიდა, უმეტესობა საქონელგაცვლით ვაჭრობას არჩევდა. ჩრდილოკავკასიელ მთიელებზე ჯერ კიდევ ვახუშტი წერდა: „არა უწყყიან თეთრი (ვერცხლის ფული—ს. რ.), არამედ თეთრისა წილ ნაბადი, ჩოხა, ხამი, შალი, ცხაური, ძროხა და ტყუე, და ვაჭრობენ ურთიერთსა შინა ამით“¹. ასე მომდინარეობდა ოდიოგანვე და XIX საუკუნეშიც ქართველ და ჩრდილოკავკასიელ მთიელთა შორის ვაჭრობა უმეტესად გაცვლითი ხასიათისა ყოფილა, მაგრამ ეს არ შეიძლება სააღებმიცემო ურთიერთობის პრიმიტიულობით აიხსნას, მოსახლეობას ფულის მნიშვნელოვანი რაოდენობა ფართლეულისა და სხვადასხვა წვრილმანი საქონლის შესაძენად სჭირდებოდა, რასაც ჩრდილო კავკასიაში კი არა, საქართველოსა და რუსეთის საქარწველო ქალაქებში იძენდნენ. ასე რომ, თუ ქართველი ვაჭარი თავის საქონელს ჩრდილო კავკასიაში გაყიდდა, ფული ქალაქში უნდა წაეღო, რათა მისთვის საქირო ნაწარმი ეყიდა. მაგრამ რაკი ჩრდილოკავკასიური პირუტყვი, ჩოხა-ნაბადი, შალის ქსოვილი, ქურჭი, ტყავეული საქართველოში ძვირად ფასობდა, ამიტომ ჩრდილო კავკასიიდან უმეტესად ფული კი არა, პირიქით პირუტყვი მოჰყავდათ და იქაური შინ ნაწარმი

¹ ვახუშტი. დასახ. ნაშრ., გვ. 640.

საქონელი მოჰქონდათ, რომელსაც საქართველოში მოგებით ყიდდნენ, ხოლო მიღებული ფულით ისევ სამრეწველო ან სხვა საქონელს იძენდნენ, რომ სავაჭრო საქმიანობა განეგრძაოთ. ამრიგად, ამ შემთხვევაში ჩვენ საქმე გვაქვს საქონელბრუნვის რთულ ოპერაციასთან და არა ნაწარმის გაყიდვის მარტივ ფორმასთან.

XIX საუკუნის 60-70 წლებიდან სასაქონლო ფულადი მეურნეობის ზრდასთან ერთად ვაჭრობაში აღებ-მიცემობის ფორმა თანდათან კარგავს თავის მნიშვნელობას და ჩრდილოკავკასიელ მთიელთა ეკონომიკაში ფეხს იკიდებს ფულით ვაჭრობა. მალყარში ხმარებაში შემოდის რუსული ფული — მანეთი, აბაზი, კაპიკი. ამ პერიოდში კიდევ უფრო გასშირებულია რაქველებების სავაჭრო საქმიანობა მთას იქითა აულებში. კერძოკეთეობის საუკუნოვანი ტრადიციები, ხალხთან სულიერი სიახლოვე. ჩრდილოკავკასიელ მთიელთა ენებისა და ზნე-ჩვეულებების კარგი ცოდნა ხელს უწყობდა ქართველებს ფართოდ გაეშალათ ვაჭრობა მეზობელ მთიელებთან.

დ ი ღ ვ ა ჰ რ ო ბ ა

ცარიზმი, ატარებდა რა მკაცრ კოლონიურ პოლიტიკას, XIX საუკუნის დასაწყისში ცდილობდა ვაჭრობის გაფართოებას ჩრდილო კავკასიაში, რასაც რუსეთის მზარდი ბურჟუაზიის მოთხოვნები უკარნახებდა. ამასთან ცარიზმი ცდილობდა ვაჭრობის დახმარებით ჩაეზმო მთიელთა ანტიკოლონიური ბრძოლა და თავის გავლენის ქვეშ მოექცია ისინი. ამ დროიდან გახშირებულია რუსეთიდან საქართველოში ფაბრიკული ნაწარმის შემოტანა, რომელიც ქართულ საქონელთან ერთად მთას იქით გადაჰქონდათ. ჩრდილოკავკასიელ მთიელებში ქართულ საქონელს, ძველთაგანვე დიდი მოწონება ჰქონია. ძვირფას საქონელს, სადაურიც არ უნდა ყოფილიყო იგი, მალყარელი უწოდებდა „გურჯი ჩუმაყ“-ს (ქართული ფართალი), აბრეშუმზე ამბობდნენ „გურჯი დარი“ (ქართული აბრეშუმი), წულა-მესტხე — „გურჯი ჩა“ (ქართული წულა), ხილეულიდან ჩრდილოკავკასიელებში განთქმული ყოფილა „გურჯი ალჟა“

(ქართული ვაშლი). დიდვაჭრებს ანუ, როგორც რაქველები ეძახდნენ, ჰედუქნეებს შორს გაჰქონდათ ქართული საქონლის ღირსება.

საყურადღებოა, რომ დუქნები არა მარტო სავაჭრო, არამედ ჩრდილოკავკასიის აულებში ქართული კულტურის თავისებურ კერებს წარმოადგენდნენ, მედუქნეები კი ქართული კულტურის გამაფრცვლელები იყვნენ. ისინი აქტიურად მონაწილეობდნენ ჩრდილოკავკასიელ მთიელ მამაკაცთა აულთავეყრილობაში, საზოგადოებრივ და საოჯახო საქმიანობაში, ხალხურ სპორტულ შეჯიბრებებში. ისინი ხელს უწყობდნენ აგრეთვე მთას იქით ქართული ხალხური სიმღერებისა და თქმულებების გავრცელებას.

რაქველებს კერძების ენის ცოდნა ხელს უწყობდა მათთვის მშობლიურ ენაზე მოეხსროთ ქართული ხალხური ზღაპრები და იგავ-არაკები: მათი საყვარელი საკითხავი წიგნები ყოფილა: „თამარიანი“, „დავითიანი“, „დიდი მოურავი“, „არსენას ლექსი“, „ანაბაჯი“, „ვეფხისტყაოსანი“, რომელიც თურმე მუდამ თან დაჰქონდათ და, ვისაც უფრო ეხერხებოდა კითხვა. ის დუქანში შეკრებილ ჩრდილოკავკასიელ მთიელებს უკითხავდა „ვეფხისტყაოსანს“, თან მხატვრული კითხვის ოსტატობით ნიბლავდა მსმენელებს. მშობლიურ კერას დიდი ხნით მოწყვეტილი რაქველი მედუქნეები ქართული წიგნებითა და სიმღერებით იქარვებდნენ ნალველსა და სევდას. ყოველივე ეს კერძების თანამონაწილეობით ხდებოდა. ქართველი და ჩრდილოკავკასიელი მამაკაცები თავისუფალ დროს დუქანში აწყობდნენ შეჯიბრებას გაშირიებაში. მალყარში და ყარაჩაიში განთქმული ყოფილა დიდვაჭარი, მელექსენესტორ (ყალენთი) რეხვიაშვილი, რომლის ლექსებს მთის რაჭასა და მალყარში დღესაც ჰყვებიან. დიდვაჭრები სოფლის მეურნეობას არ ეწეოდნენ. მათი ძირითადი საქმიანობა ვაჭრობა იყო, ამიტომ დიდვაჭრებს „გარეთ გასულ კაცებს“ ეძახდნენ.

რეფორმის შემდეგ საქართველოში და, საერთოდ, მთელ ჩრდილო კავკასიაში, შინამრეწველობა საგრძნობლად დაეცა, მოსკოვიდან შემოტანილი ფაბრიკატის კონკურენციის შედე-

გად. ვ. ი. ლენინი წერდა: „.. რუსეთის კაპიტალიზმი კავკასიას ითრევდა საქონლის მსოფლიო ბრუნვაში, ანიველირებდა მის ადგილობრივ თავისებურებებს — ძველებური პატრიარქალური კარჩაკეტილობის ნაშთს, — ჰქმნიდა ბაზარს თავისი ფაბრიკებისათვის“. ამა დროიდან მომხმარებელი ადგილობრივ დარაიას, შალს, ხამის ქსოვილებს რუსეთიდან შემოტანილ იაფსა და ნაზ მიტკალს, ჩითს, აბრეშუმსა და მაუდს აქჯობინებდა. ამიტომ იყო, რომ ქართველი მეღუქნეების უმთავრესი უურადლება მოსკოვური საქონლით ვაჭრობაზე ყოფილა მიპყრობილი. მეღუქნეები პირველ რიგში კერძებს უკავშირდებოდნენ და, თუ შესაძლებლობა იყო, თვით კერძის ბინაშივე გამოჰყოფდნენ ოთხას ღუქნისთვისაც და საცხოვრებლადაც. ბინის წლიური ჭირა მეპატრონისა და მეღუქნის შეთანხმებით განისაზღვრებოდა. კერძები ან შეღავათიან ფასებში აძლევდნენ ბინას ყონალებს, ან სულ არ ახდევინებდნენ ჭირას.

იმ პერიოდში მეზობელ ჩრდილოკავკასიელ მთიელებში არ ყოფილა აული, სადაც ერთი ან ორი ქართველის ღუქანი მაინც არ ყოფილიყო. განსაკუთრებით მალყარისა და ყარაჩაის მაღალმთიან ადგილებში, ხსნიდნენ ქართველები ფარჩეულობის ღუქნებს. მრავალ მოგზაურს უნახავს ჩეგემში, ბაქსანში, დიდმალყარსა და ყარაჩაიში რაჭველები თავის ღუქნებით.

ღუქანი არ გამოირჩეოდა ჩვეულებრივი საცხოვრებელი ქოხისაგან, მხოლოდ მის წინა ფასადზე გამოკრული აბრა მიანიშნებდა ქოხის დანიშნულებაზე. მაგალითად, აულ ზემო თებერდაში ნანაკ და ასტაკუ ბაიჩუროვების სახლის ერთ-ერთ ოთახს ჰქონდა აბრა წარწერით: „აქ მანუფაქტურითა და წვრილმანი საქონლით ვაჭრობს ციოყ (შიო) რეხვიაშვილი“. იმ დროს აულ ზემო თებერდაში მოქმედი ოთხი ღუქნიდან ყველაზე საუკეთესო შიოს ღუქანი ყოფილა. აულ უჩქულანში 1913 წლის აღწერით, 15 ღუქანი ყოფილა, აქედან ექვსი ქართველებს ეკუთვნოდათ; აულ კარჯურთში ცხრა ღუქნიდან ოთხი ქართველების ყოფილა; აულ ხურძუქში ხუთი

დუქნიდან ოთხში ქართველები ვაჭრობდნენ. კერძების ნება-სურვილითა და ხელშეწყობით აღნიშნული საქონლის უმეტე-სობა ხვდებოდა საქართველოში, კერძოდ სვანეთში, განსაკუთ-რებით რაჭის მაზრაში, იქ, სადაც ყველაზე მეტად ეხერხებო-დათ კერძებს გადასვლა და სავაჭრო საქმიანობა.

მედუქნეები საქონელს ნისიად იძლეოდნენ: ამის შესახებ საგანგებო რეველში, ე. წ. დაეთარში, ჩაინიშნავენ, ანგა-რიშსწორება კი წლის ბოლოს ხდებოდა, ამ შემთხვევაში მე-დუქნეები ვალში პირუტყვის აყვანას ამჯობინებდნენ. რაც მთიელისთვისაც ხელმისაწვდომი იყო, რადგან მათ პირუტ-ყვი მრავალი ჰყავდათ. შეძენილ პირუტყვს მედუქნეები ზამ-თარში კერძებთან ამყოფებდნენ, ზაფხულში ან შემოდგომაზე საქართველოში გადაჰყავდათ და იქაურ ბაზარზე მოგებით ყიდდნენ. კერძმოკეთებებს შორის ამ საინტერესო სავაჭრო გარიგებას ბ. ნიქარაძე ასე აღწერს: „ფარჩეულობას რაჭვე-ლები შემოდგომით შინაურ პირუტყვზე ასალებდნენ, ზამთარს იქ ინახავდნენ და ზაფხულობით მოჰყავდათ გასასყიდად იმე-რეთში სხვადასხვა სოფელ-ქალაქების ბაზრობებზე, მაგალი-თად, ლეჩხუმს, სექტემბრის თვის ბაზრობაზე საქონელს ყიდდნენ ფულად. ამ ფულით კიდევ ფარჩეულობას ყიდუ-ლობენ და ისევ შიამქეთ ოსეთში საქონელზე გასაცვლელად. ამნაირად, წარმოებს ალებ-მიცემობა ზემო რაჭველებსა და ჩრდილოკავკასიის მთიელებს შორის“¹.

ვაჭრობის გაფართოება თავისებურ გავლენას ახდენდა ჩრდილოკავკასიელ მთიელთა ეკონომიურ მდგომარეობაზე. ერთი მხრივ, ეს მათ უბიძგებდა სავაჭრო ურთიერთობის გან-ვითარებისაკენ. მრავალი სახეობის საქონელი (შალის ქსო-ვილი, ნაბადი, ხალიჩა, ქურქი) მზადდებოდა საგანგებოდ გასასყიდად, მაგრამ უფრო იაფი ფაბრიკული საქონლის შე-მოტანა აფერხებდა შინამრეწველობას და ავიწროებდა ადგი-ლობრივი ნაწარმის გასაღების ბაზარს. ასეთ პირობებში მთიელები ამჯობინებდნენ გაეყიდათ საკუთარი ნაწარმი შა-ლი, რომლის ფასიც დაეცა რუსული ფაბრიკული საქონლის გავლენით და, სამაგიეროდ ეყიდათ ფართლეული და სხვ.

¹ ბ. ნიქარაძე. დასახ. ნაშრ., გვ. 42.

ფაბრიკული საქონლით ვაჭრობაში ერთმანეთს კონკურენციას უწევდა ვაჭართა სხვადასხვა ამხანაგობა. ყველა ცდილობდა ისეთი საქონელი შემოეტანა, რომელზედაც მეტი მოთხოვნილება იყო, რომ მყიდველი მიეზიდათ.

პერძები რაჭა-ლეჩხუმის ბაზრობაზე

ქართველი და ჩრდილოკავკასიელი მთიელების სავაჭრო. სააღმშრმცემო ურთიერთობა არასოდეს შეწყვეტილა და, არც ცალმხრივი ყოფილა. როგორც ქართველები ხშირად გადადიოდნენ მთას იქით სავაჭროდ, ასევე განუწყვეტელი იყო კერძების კავშირი საქართველოს მთა-ბარსა თუ მის სავაჭრო-ეკონომიურ ცენტრებთან.

ჩრდილოკავკასიელ მციელებთან სავაჭრო საქმიანობით ოდითგანვე განთქმული ონი ან, როგორც კავკასიელი მთიელები ამბობენ, ონქალაქი და მასთან სოფლები ღები, ქიორა. გლოლა ნთელ. XIX საუკუნესა და XX საუკუნის დასაწყისში მნიშვნელოვან სავაჭრო ცენტრებად გადაქცეულან, რაც ხალხურ გადმოცემებს გარდა, მრავალრიცხოვანი ლიტერატურითაც დასტურდება.

კერძები სანამ ონში, ამბროლაურსა და ხონში ჩაეიდოდნენ, ჯერ ქიორელ და ღებელ ყონალებთან შეივლიდნენ, დაისვენებდნენ, ქართველ მოკეთეებს რჩევა-დარიგებას სთხოვდნენ, სად სჯობია პირუტყვის გასაღებაო, და მერე გაუღებოდნენ გზას ქვემო-რაჭა-იმერეთ-ლეჩხუმის ბაზრებისაკენ სავაჭროდ.

თუ კერძები თავიანთ მხარეში თავგამოდებით ზრუნავდნენ ქართველი ყონალების უსაფრთხოებისათვის და ყოველნაირად ეხმარებოდნენ მათ, ასევე ქართველი მთიელები დიდი პატივით იღებდნენ კერძებს შინ. იმერეთის სამეფოს პოლიტიკური მესვეურები ოსთა შორის ერთგულ პირებს (კერძებს) იჩენდნენ და მათ შეღავათებსა და თავის ქვეყანაში თავისუფალი მიმოსვლის პირობებს უქმნიდნენ. საინტერესოა რაჭის ერისთავის მიერ ოსი ივანე და ყამირზა ელყანაშვილებისათვის ხელუხლებლობის (შინა) წიგნის მიცემა. წიგნი უთარბ-

ლოა (XVIII ს.). „ერისთავი შოშიტა, — ნათქვამია მასში, — უზედესთა მოგახსენებთ და უქვედესთა გიამბობ ამ ულყანას ოსს ჩვენი შინა წიგნი აქვს და ჩვენთან დაიარება და ვისაც ჩვენი თავი გინდოდესთ, ამ ულყანას და მის შვილს ყამირ-ჯას ძალით და უსამართლოთ არავინ არ აწყენიოთ ან სხვის პირობაზე არავინ გასცარკოთ, თუ ვისმე ამასთან საქმე ქონდესთ, ჩვენთან მოდით და სამართლიანის საქმით ჩვენ გაგარიგებთ. აღნიშნული წიგნით შოშიტი ოსს კერძებს უხიფათო მგზავრობის პირობებს უქმნის. ერეკლე II-რე 1782 წელს თავის სახასო ყმებს ზარომაგელ ოსებს წერს: „ამილახვრიშვილი ბეჟან გამომიგზავნია და ჩვენ სიტყვას ყველას ეს გიამბობთ, ჩვენთანაც ჩამოდით, ქართლშიც იარეთ, ვერცა ვინ დაგიჭერთ, ვერცა ვინ რას გაწყენინებთ“.¹

აღნიშნულ სავაჭრო საქმიანობაში თვით მალყარელი და ყარაჩაველი ტაუბიებიც მონაწილეობდნენ, მათ საკუთარი პირუტყვი გადმოჰყავდათ რაჭაში გასასყიდად გეზე-ვცეკის უღელტეხილით. ქიორელი და ლებელი ემჩეკები საზეიმო შეხვედრას უწყობდნენ კერძ ტაუბიებს, რომლებსაც შემდეგ თავისი პირუტყვით ქუთაისისა და ონის ბაზრებისაკენ მიაცილებდნენ, მეგზურობასა და თარჯიმნობას უწევდნენ, თან სავაჭრო საქმიანობაში ეხმარებოდნენ. ტაუბიები მეგობრობდნენ ქუთაისის მაღალი წოდების მოსახლეობასთანაც, რომლებიც მათ გულუხვად ხედებოდნენ, ტაუბიები ქართველ ყონალებს ასაჩუქრებდნენ ცხენებით, სამაგიეროდ თვითონაც კარგ საჩუქრებს იღებდნენ. ხშირი იყო შემთხვევა ჩრდილო-კავკასიელი პირუტყვით მოვაჭრე კერძების მიერ მათს იქიდან პირუტყვის გადმოყვანისა. ქუთაისის გუბერნიაში 1899 წლის ცნობით, მარტო ამ ერთი წლის განმავლობაში ყარაჩაველებს საქართველოს ბაზრებზე გასასყიდად გადმოუყვანიათ 161 სული მსხვილფეხა და 262 თხა-ცხვარი.

რაჭის სადაბო და სასოფლო ბაზრობებში ჩრდილოკავკასიელი მთიელების მონაწილეობას მრავალი მკვლევარი აღნიშნავს, ისინი წერენ: რაჭის მაზრაში ვაჭრობა ძირითადად ონში და ამბროლაურში წარმოებს. ვაჭრობენ შინ ნაწარმი

¹ ხელნაწერთა ინსტიტუტი, ფ. Ad, საბ., 1375.

ქსოვილებით, ღვინით, მესაქონლეობის პროდუქტებით, ზი-
ლეულით... ბუგეულში ყოველთვიურად იმართებოდა შვიდ-
დღიანი ბაზრობა, სადაც ჩრდილო კავკასიისა და საქართველოს
სხვადასხვა კუთხიდან მოსულ ვაჭრებს შეხვედებოდათ. სვა-
ნური ქოლოქოლის ეიანოგრაფიულმა შესწავლამ ცხადყო,
რომ ცენტრალური კავკასიონის მთიელთა შორის ოდითგანვე
გაცხოველებული აღებ-მიცემობა ყოფილა გაჩაღებული, რაც
ძირითადად გზაჯვარედინებზე მდებარე აღნიშნულ სოფლებსა
და დაბებში ხდებოდა. საქართველოსთან დიგორისა და ბასი-
ანის ვაჭრობით დიდი დანტერესება კარგად ჩანს 1831 წელს
გრიგოლ ზურაბის ძე წერეთლისადმი გაგზავნილ სიმონო-
ვიჩის წერილიდან, რომელშიც ნათქვამია: „თქვენი ბრწყინ-
ვალების წერილის პასუხად გაუწყებ, რომელ როგორც თქვე-
ნგან ხელმწიფის ერთგულებაზე დაფიცებულთ დიგორელთ,
აგრეთვე მეზობელთაცა მათ და ბასიანის მცხოვრებთა დაუ-
ყვაოთ და კიდევ ატაროთ რაჭას ისინი, რომელთაც რუსეთის
მართველობისათვის ბოროტი განზრახვა არა ჰქოდესთრა.
და როგორც გწერთ ოდეს ჩამოსხან მათ ცხენის ჯოგი გასა-
ყიდათ, მაშინ ჰიდროტის ციხეში მათგან სახელმწიფოდ ბაეიც
აიღონ“¹. რიონის მარჯვენა ნაპირზე უწერის მახლობლად,
ჰიდროტის ციხესთან, მართლაც დიდი საბაჟო ყოფილა, რომ-
ლის ნაშთები დღემდეა შემორჩენილი. იპერეთის მეფეს აღ-
ნიშნული საბაჟოდან ქუთაისის შემდეგ ყველაზე დიდი შემო-
სავალი ჰქონია.

რაჭის მოსახლეობისათვის დიდი მნიშვნელობა ჰქონდა დი-
გორის სიახლოვეს, საიდანაც ვაჭირების უამს ზურგით გად-
მოჰქონდათ კერძებისაგან ნაჩუქარი თუ წერილმან საქონელ-
ში გაცვლით აღებული სიმინდი. ა. გოგიევის (აული ნარი)
გადმოცემით, რაჭველებს ალაგირის ხეობის აულებში მიჰ-
ქონდათ ხის ქურჭელი და ცვლიდნენ სიმინდზე, ამრიგად,
მთელი რაიონის ზემო წელის მოსახლეობა და ონის მახ-
ლობელი სოფლების მცხოვრებლები პურისა და
სიმინდის მარცვალს, ძირითადად, ჩრდილო კავკასიიდან ეზი-
დებოდნენ. რაჭველებს კერძოკეთებების დახმარებით

¹ ხელნაწერთა ინსტიტუტი, ფ. 5b, საბ., 1672.

მრავალჯერ უხსნიათ თავი შიმშილისაგან. გაზეთ „შრომის“ 1882 წლის 15 სექტემბრის ნომერში, ეწერა: „რაჭველები, შიმშილისაგან თავი რომ დაიხსნან, მიდიან კავკასიის მთის გადაღმა ადგილებში, პურისა და სიპინდის საყიდლად, მაგრამ უგზოობის გამო ვაი-ვაგლახით გადმოაქვთ მარცვალი ცხენით მამისონის გზით. კოდი პური რომ ადგილზე მანეთად იყიდონ, მოტანა უსათუოდ ორი მანეთი დაუჯდებათ“. 1894-1895 წლებში მოუსავლიანობით შეწუხებულ რაჭის მოსახლეობას ისევ კერძებისათვის მიუპართავს დანმარებისათვის, მათგან შეუსყიდიათ სიპინდი. შემდეგში ოს მეურვეებს თვით დაუწყიათ სიპინდის რაჭაში გადმოტანა და სოფელში კარდაკარ დატარებით მოსახლეობისათვის მიყიდვა, ონის ბაზარზეც მიჰქონდათ მარცვალი გასასყიდად, 1890 წლის 7 სექტემბრის გაზეთ „ივერიაში“ კი წერია: „ონში სალიგვარდიდან და თერგის ოლქის სხვა აულებიდან ოსებს სიპინდი ბლომად გადმოაქვთ ურმებით. კოდი სიპინდი იყიდება რვა აბაზად, ოსური საწყო კი ოთხ აბაზად“. ამ პერიოდში იმდენად გახშირებულა ჩრდილო ოსეთიდან რაჭაში სიპინდის შემოტანა, რომ გზისპირა უწერელ გლეხებს ხშირად უნახავთ სოფლის შარაგზაზე გამწკრივებული ურმების ქარავანი, რომლებსაც ჩრდილო კავკასიიდან სიპინდი მოჰქონდათ ადგილობრივი მოსახლეობისათვის. მთის რაჭის სოფლებში მამაკაცთა საკრებულო მოედანზე, ე. წ. სანახშოებზე, ყანთარად წოდებული ხის დიდი უღელა სასწორები ჰქონდათ გამართული და კერძებისაგან ფუთობით ყიდულობდნენ სიპინდის მარცვალსო, ამბობენ რაჭველები.

მარცვლეულის შექენის მეორე მნიშვნელოვან წყაროს წარმოადგენდა ჩრდილო ოსეთის ბარი, ე. წ. „მინდორი“, საიდანაც რაჭველები მამისონის გზით ცხენ-ურმით ეზიდებოდნენ სიპინდს მათთვის ხელსაყრელ ფასებში, რითაც კონკურენციას უწევდნენ ოს მეურვეებს.

მთის რაჭის მოსახლეობა ოდესღაც კერძებთან საძოვარი მთების მიქირავებითაც ყოფილა დაკავშირებული. მეზობელი მთიელები ზაფხულში არენდით იღებდნენ საძოვარ მთებს, სადაც ძირითადად საქართველოს ბაზრებში გასაყიდი პირუტყვი

გადმოჰყავდათ იმ განზრახვით, რომ პირუტყვის ჯერ მთაში გაასუქებდნენ, მერე გვიან შემოდგომით, როცა საუღელტეხილო გზებზე მიმოსვლა შეწყდებოდა და რაქველ ვაჭრებს მთის იქიდან პირუტყვის გადმოყვანის საშუალება აღარ ექნებოდათ, თანაც ბაზრებში პირუტყვის ფასი აიწევდა, რაქალეჩხუშის ბაზრებზე მაშინ წაიყვანდნენ პირუტყვის გასასყიდად. საძოვარი მთების გაქირავების საუკეთესო პირობები ჰქონდათ ლებსა და გლოლას. ყარაჩაი-მალყარი-დიგორისა და ბასიანის, დვალეთის მეჯოგეები ტერიტორიული სიახლოვისა და მოხერხებულობის გამო რაქის მთებს ეტანებოდნენ. მალყარლები, ყარაჩეველები, დიგორლები და ბასიანლები უმეტესად ლების ფასის მთის მიდამოებს ქირაობდნენ, იქ მოგზაურებს ხშირად უნახავთ ჩრდილო კავკასიელი მეჯოგეები თავისი პირუტყვით.

კონსტანტინე მიზნაევი (აული მახჩესკა) გადმოგვცემს გლოლის მთებში სამ თვეს—ივნისს, ივლისსა და აგვისტოს ვაძოვებდით ცხვარს, ქირად 100 ცხვარზე ერთ ცხვარს ვაძლევდითო.

მთების გაქირავება ხდებოდა სოფლის თავაკების მეჯოგეებთან სიტყვიერი გარიგებით, რაც ზოგჯერ წერილობითაც ფორმდებოდა. ერთ სულ ცხვარზე ქირად დადგენილი იყო 5 კაპიკი. ამას გარდა, მეჯოგეს 100 სულ ცხვარზე ერთი ცხვარი უნდა მიეცა. როგორც ჩანს, მთების ქირა თანდათან გაზრდილა. საძოვარ მთებს აქირავებდნენ როგორც კერძო ოჯახებს, ისე სასოფლო თემებსა და საზოგადოებებს. შემოსავალი სოფლის ყოველ კომლზე თანაბრად ნაწილდებოდა, ან სასოფლო საქმეს ხმარდებოდა. ჩრდილოკავკასიელ მთიელებზე საძოვრების ქირით გაცემა ერთხანს საბჭოთა ხელისუფლების დამყარების შემდეგაც ხდებოდა. ამის შესახებ სერგო რეხვიაშვილი გადმოგვცემს, ზაფხულობით გლოლის, ჭიორისა და ლების მთებში თერგის ოლქიდან გადმოჰყავდათ ათი-ათასობით თხა-ცხვარი. საძოვრები იჯარით იცემოდა ჯერ რაქის აღმასკომის მიწით მოქმედების განყოფილებისა და, შემდეგ 1924-1925 წლებში კერძო მოჯამაგირეების მიერო.

ასე მკიდრო და განუწყვეტელი იყო ქართველ და ჩრდი-

ლოკავკასიელ მთიელთა სახელოსნო და სავაჭრო სააღებმიმცემო კავშირი, მაგრამ მათი ურთიერთობა ამით როდი ამოიწურებოდა.

აღსანიშნავია, რომ XX საუკუნის დასაწყისში პოლიტიკური თვალსაზრისით გარე სამუშაოზე გასვლას დადებითი შედეგი მოჰყოლია, რაც ძირითადად სოფლის მშრომელი მოსახლეობის მოწინავე რევოლუციური იდეებით გათვითცნობიერებით გამოიხატა. ქართველ და ჩრდილოკავკასიელ მთიელთა მრავალსაუკუნოვან ურთიერთობაში დაიწყო რევოლუციური თანამეგობრობის ახალი ეტაპი.

ბრძოლა მთიელთა რევოლუციური თანამეგობრობა

ქართველი მთიელების ბედი მუდამ ჰკავდა მესობელი ჩრდილოკავკასიელი ხალხების ბედს.

XIX საუკუნის დასაწყისიდან რუსეთის იმპერიამ მტკიცედ მოიკიდა ფეხი კავკასიაში; თვითმპყრობელური რეჟიმის მოხელეები, რომლებიც დაწესებულებებს ჩაუყენეს სათავეში, არავითარ ანგარიშს არ უწევდნენ ადგილობრივ ტრადიციებსა და ადათ-ჩვეულებებს, საშინლად ავიწროებდნენ ხალხს. ყოველივე ეს მთიელთა აღშფოთებასა და უკმაყოფილებას იწვევდა. გადასახადები და მძიმე შრომითი ბეგარა საშინელ განსაცდელში აგდებდა ისედაც გაძვალტყავებულ მთიელ გლეხებს.

ტანჯულ მთიელებს დიდხანს ედოთ გულში ნჩაგვრელების ზიზღი და შურისგება, მაგრამ პოლიტიკურ ცხოვრებაში გაუთვითცნობიერებლებს უკეთესი ცხოვრების მოსაპოვებლად ხსნის გზა ვერ გამოენახათ. თუმცა უსამართლობის წინააღმდეგ ქართველი და ჩრდილოკავკასიელი მთიელების საუკუნოვან ბრძოლას უკვალოდ არ ჩაუვლია. იგი გადაიზარდა ბურჟუაზიულ-მემამულური წყობილებისა და ცარიზმის კოლონიური პოლიტიკის წინააღმდეგ ბრძოლაში.

XX საუკუნის დასაწყისი რუსეთის იმპერიაში აღინიშნა მუშათა კლასისა და გლეხობის რევოლუციური ბრძოლის

აღმავლობით. ამ მოძრაობამ განსაკუთრებით ორგანიზებული ხასიათი მიიღო მას შემდეგ, რაც მას სათავეში ჩაუდგა რუსეთის სოციალ-დემოკრატიული მუშათა პარტია. ვ. ი. ლენინის მეთაურობით. რევოლუციის ქარიშხალმა უფრო მეტად აღანთო მთიელები მტრების წინააღმდეგ საბრძოლველად და ერთსულოვნად დარაზმა ისინი.

ამიერიდან ხალხთა ტრადიციულ ძმობასა და ნეგობრობას ახალი გასაქანი მიეცა. კავკასიის ხალხებმა იგრძნეს, როგორ ახლოვდებოდა ახალი ეპოქა, რევოლუციურ ძალთა ახალი აზვირთება, რომელსაც სათავეში რუსეთის სახელოვანი მუშათა კლასი ედგა. ქართველი და ჩრდილოკავკასიელი ხალხების დაახლოებას მრავალი ფორმა ჰქონდა. სიმბოლური იყო თუნდაც ის ამბავი, რომ ოსეთის დიდი მგოსნის კოსტა ხეთაგუროვის დასაფლავებაზე სიტყვებით გამოვიდნენ ქართველი რევოლუციონერები, (კერძოდ ნოე ბუაჩიძე), როგორც ადრე თვითონ კოსტამ სიყვარულითა და თანაგრძნობით აღსავესე წერილი გამოაქვეყნა დიდი ქართველი მწერლის ალექსანდრე ყაზბეგის ტრაგიკულ ბედზე. ყველაფერი ეს იმაზე მიანიშნებდა, რომ ხალხები ძმურად უწყვდიდნენ ხელს ერთიმეორეს.

ახლო ლიტერატურული ურთიერთობა უშუალოდ უკავშირდებოდა პოლიტიკურ ბრძოლას. იგივე ნოე ბუაჩიძე ხშირად მიდიოდა ნუშებთან გროზნოს ნავთობას სარეწებში და ეწეოდა დაუცხრომელ პროპაგანდისტულ საქმიანობას. 1905 წლის მაისიდან რევოლუციურმა მოძრაობამ ჩრდილო კავკასიაში ნაპღვილი სახალხო ხასიათი მიიღო.

1905-1907 წლებში მთის რაჭაში ბოლშევიკური ორგანიზაციები არ იყო, გლეხთა შორის რევოლუციური იდეების გავრცელებას ეწეოდნენ ადგილობრივი მოწინავე ინტელიგენტები, დემობილიზებული ჯარისკაცები, ჩრდილო კავკასიისა და რუსეთის სამრეწველო ცენტრებსა და სოფლებში მომუშავე რაჭველი მუშები, ხელოსნები... ასეთ პროპაგანდისტებს რაჭველები „მერუსეთეებს“ ეძახდნენ.

„მერუსეთეები“ რაჭაში დღემდე შემორჩენილ მამაკაცთა ტრადიციულ საკრებულო ადგილზე — სანახშოზე იკრიბებოდნენ. სადაც მუდამ ხალხმრავლობა იყო; ორატორები გლე-

ხობას მოუწოდებდნენ მეფის თვითმპყრობელობის წინააღმდეგ საბრძოლველად, ისმოდა მოწოდებები: „გაუმარჯოს თავისუფლებას და ერთობას!“ „ძირს ნიკოლოზი!“ და ა. შ.

ჩრდილო კავკასიაში 1905 წლის რევოლუციისა და შემდგომ პერიოდებში რევოლუციურ ბრძოლებში აქტიურ მონაწილეობას იღებდნენ რაჭველი ახალგაზრდები, რომლებიც გაჭირვებული ცხოვრების პირობებმა, მათს შანებთან ერთად, საშუალოდ იჭაურ ქალაქებსა და მივიარდნილ აულებში გადახვეწა. შემთხვევითი არ არის, რომ მათგან ბევრი შემდგომში ცნობილი რევოლუციონერი გამოვიდა. მათ შორის ღებელი მიხეილ (მიხა) შახის ძე ლაშხი-ლობჯანიძე.

მიხა ლაშხ-ლობჯანიძესა და სხვა ქართველ რევოლუციონერებს ჩრდილოკავკასიელ მთიელებთან კერძმოკეთების მამაპაპურმა ჩვეულებამ დიდად შეუწყო ხელი რევოლუციურ საქმიანობაში; ჩრდილო კავკასიის შორეულ სოფლებში მათ მთელი ხალხის თანაგრძნობა, გულთბილი შეხვედრა ელოდათ და საფრთხის დროს თავშესაფარს აძლევდნენ, ძველი ტრადიციით, აულში ყონაღის გაცემას ვერავინ გაბედავდა, პურის ჭამაცა და ღამის გათევაც უფასო ჰქონდათ. ამ წესიდან გადახვევა მთელი საგვარეულოსა და აულის დიდ სირცხვილად ითვლებოდა, კერძმოკეთის მოღალატე ხალხის რისხვას ვერ ასცდებოდა; ამიტომ იყო, რომ ამ მიჯარობებში ქართველ რევოლუციონერებს რეაქციის შავბნელ ხანაშიც კი უვნებლად და თამამად შეეძლოთ მოქმედება. მიხა რა მიხი მეგობრები, კერძმოკეთის იმედით გამხსნევებულნი, ჩრდილოკავკასიელ მთიელებში რევოლუციურ აგიტაციას ეწეოდნენ, საბრძოლველად მოუწოდებდნენ, პროკლამაციებს ავრცელებდნენ. მოსახლეობას ბოლშევიკური პარტიის პოლიტიკას განუმარტავდნენ და მშრომელ ხალხს მჩაგვრელების დასამხობად გულს აღუნთებდნენ. მიხა ლაშხ-ლობჯანიძესა და მის რაზმს კერძების მხარდაჭერამ და ხელშეწყობამ გააბედვინა ზამთრის დღეებში დიგორიდან კირტიშოსა და კარაგომის უღელტეხილებით რაჭაში გადასვლა. მიხას რევოლუციურ ბრძოლებში მხარში ედგნენ თანასოფლელები, შემდეგში ცნო-

ბილი რევოლუციონერები: კანდიდ თედოსის ძე და ილია ვასილის ძე გობეჯიშვილები.

1918 წლის ივნისის ბოლოს საშა გეგეჭკორის რაზმი მამისონის გზით ჩრდილო კავკასიაში გადავიდა. პარტიზანები ალაგირში კონტრრევოლუციონერთა სასტიკ წინააღმდეგობას წააწყდნენ და იქ მცხოვრები ქართველი რევოლუციონერების დახმარება რომ არა, ვინ იცის, რა განსაცდელი ელოდა რაზმს. ქართველებმა ოსი კერძმოკეთებების პირით შეატყობინეს მოწინააღმდეგეს, თუ გეგეჭკორის რაზმს წინააღმდეგობას გაუწევთ, მთელი ალაგირი თქვენს წინააღმდეგ აჯანყდებაო; ქართველებისა და ოსი კერძების ერთობლივმა და მტკიცე მოთხოვნამ გასქრა, კონტრრევოლუციონერებს ხელფეხი შეეკრათ, გეგეჭკორი და მისი რაზმი მოსალოდნელ საფრთხეს გადაურჩა.

გეგეჭკორის რაზმს ალაგირელმა ქართველებმა დროებით სადგომად სკოლის შენობა დაუთმეს და იქვე სადილიც გაუმართეს.

ჩრდილო კავკასიაში, სადაც სოციალურ უთანასწორობას ნაციონალური ჩაგვრაც ემატებოდა, მშრომელი მასების ბრძოლამ თავიდანვე შეუპოვარი ხასიათი მიიღო. როცა ოსმა კონტრრევოლუციონერებმა ალაგირელ მასწავლებელს, ოს ეგგენი ბიტაროვს მოკვლა დაუპირეს, მის დასაცავად ალაგირის ქართული სკოლის პედაგოგი მარუსია ჭაფარიძე აღიმართა და შესძახა — არ ესროლოთ! მაგრამ უკვე გვიან იყო, თოფი გავარდა, მტრის ტყვია ბიტაროვს ასცდა, მაგრამ საბედისწერო გასროლით მარუსია სამუდამოდ ხეიბარი დარჩა, მარჯვენა ხელი დაჰკარგა. ამის შემდეგ მტერზე შურს იძიებდა მარუსიას და, ისიც პედაგოგი მატრონა ჭაფარიძე, რომელმაც არა ერთი და ორი მოღალატე გამოასალმა წუთისოფელს. ამიტომ მშრომელი ოსი მოსახლეობა იცავდა და დიდ პატივს სცემდა მას. ალაგირის არეულობის დროს იმ მოწინავე ადამიანებს, ვინც გაქცევა ვერ შეძლო, სიცოცხლე მოუსპეს. შავი დღე ელოდა მოხუც სოლომონ მეტრეველს, რომელიც იმხანად ალაგირში დარჩა, მაგრამ იგი ოსმა კერძმოკეთებმა იხსნეს. დუდარ ტულპანოვმა სოლომონ მეტრეველი ღამე ურ-

მით ვლადიკავკავში გააპარა, იქიდან კი საქართველოში გა-
აცილეს.

ასეთ თავდადებას იჩენდნენ კერძმოკეთეები ქართველი რე-
ვოლუციონერებისადმი.

განსაკუთრებით თვალსაჩინო იყო კერძმოკეთეების მეგობ-
რობის ძალა და მნიშვნელობა სამოქალაქო ომის დღეებში.
კერძი და მისი ქართველი მოკეთე ყონალი, წინასწარ უთან-
ხმდებოდნენ ერთმანეთს, როგორ ებრძოლათ საერთო კლას-
ობრივი მტრის წინააღმდეგ, აწყობდნენ გეგმებს, ეძებდნენ
მოძხრეებს და ჩაგრულ მთიელებსაც აძხვდრებდნენ მდიდრე-
ბის წინააღმდეგ. ისინი უპირველეს მოვალეობად ბოლშევი-
კების დახმარებას მიიჩნევდნენ.

ჩრდილო კავკასიაში დენიკინის ბანდების თარეშის მძი-
მე წლებში რევოლუციურად განწყობილი არა ერთი და ორი
ახალგაზრდა, არამედ იყო შემთხვევები, როცა აულის მთელი
მოსახლეობა მასიურად გადმოდიოდა მთის რაჭის სოფლებში
და ყველა თავის ყონალთან აფარებდა თავს. დღეს უკვე სა-
ყოველთაოდ ცნობილი ამბავია, რომ ჩრდილო კავკასიის ხალ-
ხებს კონტრრევოლუციის წინააღმდეგ, საბჭოთა ხელისუფ-
ლის აღდგენისათვის ბრძოლაში დიდ დახმარებას უწევდნენ
საქართველოს მშრომელები.

ალექსანდრე ხიდელის გადმოცემით, როცა თეთრგვარ-
დიელებს ალაგირი დაურბევიათ, ქართველები ოჯახებით ოსე-
თის მივარდნილ აულებში მამაპაპურ კერძმოკეთეებს შეხიზ-
ვნიან; იმ დროს ქართველ ლტოლვილთა უმეტესობას აულ
ქრისტოლაჟში (ამჟამად დიგორა—რაიონული ცენტრი) მოუყ-
რია თავი და ოს კერძებთან ერთად აქტიური რევოლუციური
საქმიანობა და აგიტაცია გაუჩაღებიათ. რევოლუციის მოძხ-
რე და თანამგრძნობი აულში მრავალი გამოჩენილა; ეს გამზ-
დარა იმის მიზეზი, რომ კონტრრევოლუციურ ბანდებს მთელი
ქრისტოლავი აუწიოკებიან, ამიტომ იქაურ რევოლუციონერ-
თა უმრავლესობა რაჭაში გადახვეწილა და იქ ქართველ მოკე-
თეებს შეფარებია.

1920 წლის გაზაფხულზე მენშევიკების ბატონობით უკრა-
ყოფილო გლოველი მამაკაცები, რომლებიც ბოლშევიკებს

ეხმარებოდნენ, სოფლიდან გადახვეწილან. ესენი იყვნენ: ზელიტონ და დავით ბაღაშვილები, იოკიმე გიორგაშვილი, ივანე ხარებაშვილი, მიხეილ ბელაშვილი, თედო ძიძიშვილი, ვასილ გუტაშვილი; ისინი მამისონის გზით წავიდნენ, ღამე აულ ქალაქაში, შიო ბაღაშვილის კერძის — სოფრომ ანსოროვის ოჯახში გაათიეს, იქედან ალაგირში ფეხით ჩავიდნენ, აქ რევკოშში გამოცხადდნენ, გეგეჭკორის რაზმში ჩაეწერენ და საბჭოთა ხელისუფლებისათვის ფიცხელ ბრძოლაში ჩაებნენ.

1919 წლის მაისის შუა რიცხვებში დიგორელი პარტიზანები სასტიკ ბრძოლას აწარმოებდნენ დენიკინელთა წინააღმდეგ. გაკვირვების დროს ისინი რაჭველ ყონალებს მიმართავდნენ დახმარებისათვის, საიდანაც ხშირად გადაჰქონდათ სურსათი, ტყვია-წამალი და თოფ-იარაღი. ერთხანს თეთრგვარდიელების მომძლავრების პერიოდში, დიგორის პარტიზანთა რაზმი იძულებული გამხდარა კარაგომის თოვლიან-ყინულოვანი გზით რაჭაში გახიზნულიყო და სოფელ ჭიორაში შეეფარებინა თავი. რაზმის შემადგენლობაში იყვნენ შემდეგში ცნობილი ოსი კომუნისტები: ძანდორ თაკოევი, სიმონ თაკოევი, ყაზბეგ ბუტაევი, მასწავლებელი მიხეილ გარდანთი და სხვები. სოფელ ჭიორაში რაზმს ძმები ალექსი და ანდრია (გოგელეენთი) რეხვიაშვილები შეხვდნენ. ცხრა ოსი კომუნისტი, თავიანთი მამა-პაპური კერძმოკეთენი მათ სტუმრად მიიწვიეს, დანარჩენები კი მოსახლეობას შორის გაანაწილეს და თითო-ოროლა ნებრძოლი ყველას ოჯახში დააბანავეს. ყველამ თავისი კერძო-კეთე მიიწვია შინ. დიგორის რევოლუციური რაზმის ჭიორაში გადმოსვლის აზრად რომ შეუტყვია, ონიდან ზეურე დღესვე ამოსცლა რაჭის მაზრის პოლიციას უფროსი ვანო ბაქრაძე, რომელსაც წითელ პარტიზანთა განიარაღება და მათი მეთაურების მენშევიკური მთავრობისათვის გადაცემა მოუთხოვია. ხალხი აღმფოთებულა, კერძების შეურაცხყოფის უფლებას ცოცხალი თავით არავის დავანებებთო, უთქვამთ და პოლიციელი ვანო ბაქრაძე კუდამოძუებული ონისაკენ გაუსტუმრებიათ. საქართველოში პარტიზანთა რაზმი 1919 წლის ოქტომბრამდე დარჩენილა. წასვლისას რაზმს მეგზურად ალექსი და ანდრია რეხვიაშვილები გაჰყოლიან და დიგორ-

ში უკნებლად გადაუყვანიათ. ამის შემდეგ დიგორის რეკლამური რაზმი რაჭაში კიდევ ორჯერ გადმოსულა.

სამოქალაქო ომის წლებში მალყარეთის ზოგბში მოქმედებდა წითელ პარტიზანთა რაზმი ჰაჯიმურატ ასანოვის (აული მუხოლი) მეთაურობით. წითელი პარტიზანები მტერს თავზარს სცემდნენ.

1918 წლის გაზაფხულზე და ზაფხულში რეაქციამ იმძლავრა და მაშინ, როცა ჩრდილო კავკასიის ბარში დენიკინის თეთრგვარდიელი ბანდები თარეშობდნენ, მალყარელ მთიელებსაც მტრის რაზნებმა შემოუტრეს, მათ ჩეგუქის ვიწრო ხეობაში გზა გადაუღობეს წითელ პარტიზანებს, დროებით წარმატებას მიაღწიეს და საბჭოთა ხელისუფლებისათვის მებრძოლი მშრომელი მოსახლეობისა და ბოლშევიკების სოცვა-ქლეტა დაიწყეს. აულებში სახრჩობელები გაქარეთეს. სამჯერ ჩამოუყიდიათ სახრჩობელაზე ჰაჯიმურატის თანანებრძოლი ჯანალა და სამჯერვე გაწყვეტილა თოკი, მაგრამ ვუღქვა ჯალათებს მამაცი პარტიზანი არ დაუნდვიათ, ბოლოს მაინც ჩამოუხრჩვიათ. მტრის ვერაგობით აღშფოთებულმა წითელმა პარტიზანებმა შური იძიეს და სულ მალე სამაგიერო მიუზღეს მას, ვინც მათი მეგობარი სიცოცხლეს გამოასალმა. სახრჩობელაზე სიკვდილი ელოდა სასწაულით ცოცხლად გადარჩენილ ჰაჯიმურატ ასანოვსაც, რომელმაც მტრის გარემოცვას თავი დააღწია და მთაში ერთგულ ოჯახებს შეეხიზნა.

ძნელი დრო დაუდგათ მალყარელ პარტიზანებს, თოვლით დაფარული მაღალი ზოგბით შემოსაღატული ჩეგემის მიწა-წყალი მათთვის ხაფანგად გადაიქცა. ნალჩიკიდან ჩეგემისაკენ მიმავალი ერთადერთი გზა მტერს ეჭირა, წასასვლელი არსაით იყო, დღეს თუ ხვალ ყველას მტრის ხელით სიკვდილი ელოდა. სიცოცხლის გადასარჩენად და შემდგომი ბრძოლებისათვის ძალების მოსაკრებად მხოლოდ ერთი იმედილა რჩებოდა— კავკასიონის ძნელადსავალი საუღელტეხილო გზების გადალახვა და საქართველოს მთიელებში თავის შეფარება, რომლებთანაც მალყარლებს საუკუნოვანი კერძმოკეთეობის კარგი ტრადიცია აკავშირებდათ. ამრიგში კავკასიონის ქედზე ჩიტაც ვერ გადაფრინდებოდა, თოვლის დნობა და გაშენდმე-

ზული ზვავები, დახეთქილი ნაპრალები და მთის მწვერვალებიდან ქვების ცვენა ადამიანს ყოველ წუთს დალუპვას უქადის. ჰაჭიმურატ ასანოვი ჩეგემიდან ფარულად ჯერ დიდმალყარში გადასულა, ოჯახი მოუნახულებია, შემდეგ ბერიაცებს მიუსწავლებიათ, რომელი გზით წასულიყო საქართველოში და, ვისთან მისულიყო სტუმრად. მის ნათესაებს მაჰაპაპური, უახლოესი მოკეთებები ჰყავდათ სოფელ ჭიორაში, ეს იყო სეხნო, მათე და პავლე (სეხნოენთი) რეხვიაშვილების ოჯახები.

დრო აღარ ითმენდა, მტერი ჰაჭიმურატს გაფაციცებით დაეძებდა. ის მალყარეთიდან ჯერ დიგორში გადასულა, მერე დიდი ვაჭირვებით კარაგომის უღელტეხილი გადაუვლია და ჭიორამდე მიუღწევია, მაგრამ შორი და ძნელი გზით დაღლილ-დაქანცულს, მშიერ-წყურვალსა და ფეხებდაძრულს სიარული აღარ შესძლებია, ნაძვის ხის ძირას წაქცეულა და ველარ წამომდგარა. ეინ იცის, რა უბედურად დამთავრდებოდა მეგრძოლი ვაჟკაცის ბედი, რომ შემთხვევით გამვლელ ქორელ კაცს არ ეშველა. მიხა რეხვიაშვილს უცხო კაცი რომ შეუნიშნავს, მასთან მისულა, ძველი ნაცნობი მალყარელი ჰაჭიმურატი უცენია და ძალზე გაჰკვირვებია, აქ საიდან გაჩნდაო. მიხას ერთ დროს მალყარის აულ ყოსფართაში სავაჭრო დუქანი ჰქონია, მეზობელ მთიელებთან დიდი ხნის მეგობრობა აკავშირებდა, მალყარული ენა და ზნე-ჩვეულება კარგად სცოდნია და ჰაჭიმურატს მშობლიურ ენაზე გამოლაპარაკებია მისი გადმოხვეწის ამბავი რომ შეუტყვია, საპატიო სტუმრისათვის გულთბილობა არ დაუკლია, პატივი უცია, პური უქმევია, მოუსულიერებია და სოფელში წაუყვანია. იმ დროს ჭიორაში თემობაზე მთელი სოფელი ეკლესიის ეზოში ყოფილა თავშეყრილი. მიხას ჭიორლების კერძი მიუწვევია თემობაზე, სადაც მას მრავალი ნაცნობი გამოჩენია. მალყარელი პარტიზანი, კერძიკაცი ჰაჭიმურატი ჭიორლებს დიდი პატივით მიუღიათ. რაჭაში განთქმული მკურნალი თედორა ჩაგელიშვილი დაუბარებიათ, კერძმოკეთის მკურნალობა უთხოვიათ. თედორას ავადმყოფი მოურჩენია. ამის შემდეგ ჰაჭიმურატისთვის დაფლეთილი ტანსაცმელი ახლით შეუცვ-

ლიათ და მთელ სოფელს შინაკაცად მიუღია. მალყარელი კერძი სოფელში სტუმრად სამ თვეს დარჩენილა. ამ ხნის განმავლობაში მას ილიკო (თაზელეენთი) ჩაგელიშვილთან ერთად, მოსახლეობაში რევოლუციური აგიტაცია გაუჩაღებია. იგი სანახშოზე ხალსს ჩრდილოკავკასიელი მთიელების ბრძოლის ამბავს, მამაც პარტიზანთა თავგადასავალს მოუთხრობდა. პაჭიმურატ ასანოვი, გამოჯანმრთელების შემდეგ, მალე მშობლიურ მალყარეთში დაბრუნებულია და, იქ მტერთან ბრძოლაში დაღუპულა.

კერძმოკეთების ძველისძველმა კეთილშობილურმა ტრადიციამ თავისი როლი შეასრულა იმ მლელეარე დღეებშიც, როცა საქართველოს მუშებმა და გლეხებმა აქტიური ბრძოლა გააჩაღეს და აჯანყება მოაწყვეს ბენშევიკური რეჟიმის დასამხობად. აჯანყებულებმა დახმარება სთხოვეს მეტერთმეტე არმიას, რუს თანამოძმეებს.

თავიანთი ინტერნაციონალური მოვალეობისადმი ერთგული გამანათვისუფლებელი წითელი არმიის პოლკები მოძმეთა დასახმარებლად გამოეშურნენ, მამისონისა და კირტიშოს უღელტეხილებით, მაგრამ კავკასიონის ხეობებზე გზა მეტად ძნელი და სახიფათო იყო. ამ ხანებში ქართველმა, რუსმა, ოსმა და მალყარელმა თანამოძმეებმა კვლავ გაუწოდეს ერთმანეთს დახმარების ხელი, იმავე ხანებში შეიქმნა დიგორის პირველი რევოლუციური რაზმი ძანდორ თაკოევის მეთაურობით, რომელმაც ახალი ბრწყინვალე ფურცლები ჩაწერა ქართველი და ჩრდილოკავკასიელი ხალხების ძმობისა და მეგობრობის მატრიანეში.

1921 წლის 25 თებერვალს მთელ საქართველოში გაიმარჯვა საბჭოთა ხელისუფლებამ. ამ ისტორიულ მოვლენას აღტაცებით შეხვდნენ ჩრდილოკავკასიელი ხალხები; ჩრდილო ოსეთის ოლქის მესამე ყრილობის მონაწილენი საქართველოს რევკომისადმი მისალმებაში წერდნენ: „ამიერიდან კავკასია ერთხელ და სამუდამოდ თავისუფლია, მთლიანად მუშურგლეხური და სოციალისტურია. დიდება ქართველ მუშებსა და გლეხებს, რომლებიც მსოფლიოს პროლეტარულ ოჯახში შევიდნენ თავიანთი ბედის ბატონ-პატრონად! გაუმარჯოს საბ-

ქოთა საქართველოს! გაუმარჯოს კავკასიისა და მთელი მსოფ-
ლიოს მუშათა და გლეხთა ძმურ კავშირს!“.

თავის მხრივ საქართველოს კომპარტიის რაქის სამაზრო
ბიურო ძანდორ თაკოევის სახელზე გაგზავნილ მიმართვაში
დიდ მადლობას მოახსენებდა დიგორის პირველი რევოლუცი-
ური რაზმის მეომრებს, რომლებმაც დიდი ამაგი დასდეს ქარ-
თელი ხალხის თავისუფლებისათვის ბრძოლის საქმეს. ასევე
სამადლობელ სალამს უთვლიდნენ დიგორის რევოლუციურ
რაზმს ტყიბულისა და ქუთაისის რევკომები.

ძმურად ხელის გაწვდენისათვის, საბრძოლო თავდადები-
სათვის საქართველოს რევკომმა დიგორის პირველი რევო-
ლუციური რაზმი დააჯილდოვა წითელი დროშით, რომელსაც
ამშვენებდა წარწერა: „რევოლუციური დიგორის სახელოვან
რაზმს. მუშურ-გლეხური საქართველოსაგან“.

საქართველოსა და ჩრდილო კავკასიაში საბჭოთა ხელი-
სუფლების გამარჯვება დასაწყისი გახდა ახალი ერისა, წინათ
ჩაგრული ხალხების ყოფა-ცხოვრებიდან განიდევნა წარსული
სიდუხჭირე, მთიელმა გლეხკაცმა შვებით ამოისუნთქა, ას-
რულდა მიწი საუკუნოვანი ოცნება — მიიღო მიწა და თავი-
სუფლება, კიდევ უფრო განმტკიცდა ქართველ და ჩრდილო-
კავკასიელ ხალხთა მეგობრობა.

შ ი ნ ა ა რ ს ი

შესავალი	3
რაქის გეოგრაფიული მდებარეობა, საზღვრები, მოსახლეობა	6
საუღელტეხილო გზები და ბილიკები	11
ისტორიული წარსული (მოკლე მიმოხილვა)	20
სტუმარმასპინძლობა	28
მცნაურობა	32
ეკრძობა	33
დაკერძება	40
შ-ჩალაბება	47
მგზავრად წასვლა	53
გარე სამუშაოზე გასვლა	56
მქედლობა	58
ღურგლობა	62
კალ-ტოზობა	67
გაქრობა, აღებ-მიცემობა	70
პირუტყვით ვაჭრობა	71
მეწერილმანეობა	74
დიღვაჭრობა	76
კერძები რაქა-ლენჩუმის ბაზრობებზე	80
კერძმოკეთება და მთიელთა რეკოლუციური თანამეგობრობა	85

Спартак Ильяч Рехвиацвили

Из истории дружбы
горцев Грузии и
Северного Кавказа

(На грузинском языке)

Издательство «Сაბჭოთა საქართველო»
Тбилиси, Марджანიшвили, 5
1977

რედაქტორი ნ. ასათიანი
მხატვარი აკ. ტუხაშვილი
ტექნიკური რედაქტორი ნ. ქავთარაძე
კორექტორი მ. ჭავჭავაძე
გამომშვები გ. ბენიძე

გადაეცა წარმოებას 12/V-75 წ. ხელმოწერილია დასაბეჭდად 1/IV-77 წ.
საბეჭდი ქალაქი № 1 ზომა 84×108¹/₃₂ პირობ. ნაბ. თაბახი 5.04
სააღრ.-საგამომცემლო თაბახი 4.31
. უე 06862 ტირაჟი 3.000 შეკვ. №5883
ფასი 18 კაპ.

გამომცემლობა „საბჭოთა საქართველო“
თბილისი, მარჯანიშვილის 5

საქართველოს სსრ მინისტრთა საბჭოს გამომცემლობათა,
პოლიგრაფიისა და წიგნის ვაჭრობის საქმეთა სახელმწიფო
კომიტეტის სტამბა № 5,
ქ. ქუთაისი, ი. ჭავჭავაძის პროსპექტი, 11.
Типография № 5 Государственного комитета
Совета Министров Грузинской ССР по делам издательств,
полиграфии и книжной торговли.
г. Кутаиси, пр. И. Чавчавадзе, 11.